

體
體

體
體

陶廬雜錄序



歲壬申子屏藩南楚萬載辛君啟泰手一編而來曰此
梧門先生所寄也余受而讀之題曰陶廬雜錄上自
內府圖書下至草茅編輯罔不詳其卷帙考厥由來其
中如歷代戶口之盛衰賦稅之多寡職官之沿革兵制
之廢興一切水利農桑鹽茶鈔幣治河開墾弭盜救荒
與夫讜論名言零縑佚事參稽臚列語焉能詳就所見
聞足資掌故爰藏篋笥時用覽觀未踰年梧門先生訃
音至嗣子桂馨郵書來索是編余諾之未返之也今桂
君又下世矣嘗念梧門先生於余爲館閣前輩相從

陶廬雜錄

序

一

輦下知交最深後卽中外分官亦時通書疏此編之見
遺也無一言辛君古處是敦惠然不遠千里能無負諾
責余嘗心誌之不能忘因思所以報梧門先生父子而
并可以質諸辛君者計惟壽諸梨棗以永其傳爰芟其
繁複釐爲六卷於丁丑歲二月付之剞劂氏閱六月工
竣爲誌其緣起

嘉慶丁丑冬十一月北平陳預書于濟南官廨

陶廬雜錄序

陶廬雜錄六卷法式善梧門撰梧門姓孟氏內府包衣蒙古世家原名運昌以興 關帝字音相近

詔改法式善法式善者 國語奮勉也其承

恩期望如此自其幼時穎異嗜學尊人秀峯孝廉受業於蘓齋故得稱門人刻意爲詩又博稽掌故其於詩也多蓄古今人集閱覽彊記而專爲陶韋體故以詩龕自題書室又以陶廬爲號其於典籍卷軸每有見聞必著於錄手不工書而記述之富什倍於人卽此卷可見其大凡矣在諸學侶中論詩最久其英特之思超悟之味

陶廬雜錄

序

一

有過於謝蘊山馮魚山而詣力之深邃則稍遜之是以前數年阮芸臺在浙以其存素齋詩集欲屬爲之序而尚未敢深論也今得見笠帆陳中丞以是編付梓屬爲一言則其中有係乎攷證有資於典故者視其詩更爲足傳也梧門有子桂馨亦能文早成進士官中書舍人必能以學業世其家而今又已逝去撫卷懷人耿耿奚釋愧此序謏陋又曷足以傳之

嘉慶丁丑冬十二月廿有二日北平八十五叟翁方綱并書

陶廬雜錄卷一

石家林印

小西厓 法式善

乾隆十一年建三希堂於 內殿旁貯王羲之快雪時晴獻之中秋王珣伯遠三帖十二年勘校石渠寶笈中鍾繇王羲之諸人迨唐宋元明墨蹟佳者勒石是爲三希堂帖凡三十二冊嵌石閣古堂壁十九年又搜褚遂良諸人墨蹟佳者勒爲四冊是爲墨妙軒帖嵌石軒壁三十四年出 內府所藏淳化閣帖初榻本重摹上石三十七年葺淳化軒嵌石軒壁四十四年復有蘭亭八柱快雪堂帖之刻五十八年以從前所輯秘殿珠林石陶廬雜錄 卷一 一

渠寶笈成書後續入書畫真蹟薈輯爲續編皆足超越

前古爲希世之珍

輿圖房隸今 養心殿造辦處中外臣工所進圖式存貯於此乾隆二十六年勘定分十二類曰天文曰輿地曰江海曰河道曰 武功曰 巡幸曰名勝曰瑞應曰効貢曰鹽務曰寺廟曰風水爲蘿圖薈萃乾隆六十年勘定分九類曰輿地曰江海曰河道曰 武功曰 巡幸曰名勝曰効貢曰寺廟曰 山陵爲蘿圖薈萃前後二編爲幅三百一十二爲幀十一爲卷四十九爲軸十三爲冊二百九十爲排三十五

南薰殿藏古帝后像凡軸七十有五宓犧氏像一帝堯
像一禹王像一商湯王像一周武王像一梁武帝像一
唐高祖像一太宗像三後唐莊宗像一宋宣祖像二太
祖像四宋太宗像一眞宗像二仁宗像一英宗像一神
宗像二哲宗像一徽宗像二欽宗像二高宗像一孝宗
像一光宗像一寧宗像一理宗像一度宗像一明太祖
像十二成祖像一仁宗像一宣宗像三英宗像一憲宗
像一孝宗像一武宗像一興獻王像二世宗像一穆宗
像一神宗像一光宗像二熹宗像二宋宣祖后像一眞
宗后像一仁宗后像一英宗后像一神宗后像一哲宗
后像一徽宗后像一欽宗后像一高宗后像一光宗后
像一寧宗后像一明孝慈高皇后像一凡冊十五歷代
帝王像一冊自伏羲氏起至宋寧宗止凡十九葉每葉
像二聖君賢臣像一冊自伏羲氏起至韓信止凡二十
三葉宋朝帝像一冊自宣祖至度宗止凡十六葉元朝
帝像一冊自太祖起至寧宗止凡八葉宋后像一冊自
宣祖后起至寧宗后止凡十二葉元后像一冊自世祖
后起至后納罕止凡八葉末四條無標題元后妃太子
像一冊自仁宗后起至后納罕止凡六葉第二三像無
標題末附太子像二明帝后像二冊上冊自太祖起至

孝敬毅皇帝止凡九葉下冊自世宗起至嘉宗止凡八葉歷代聖賢像一冊自倉頡起至許衡止凡三十一葉孔子世家像一冊凡十九葉至聖先賢像一冊自孔子起至許衡止凡六十葉歷代聖賢名人像一冊明太祖御筆二冊上冊凡硃墨筆四十九葉釋文四十九葉下冊凡硃墨筆二十八葉釋文二十六葉凡卷三明宣宗行樂圖一卷絹本縱一尺二寸橫二丈二尺世宗出警圖一卷絹本縱二尺九寸橫八丈二尺入蹕圖一卷縱二尺九寸橫八丈八尺五寸

茶葉庫藏歷代功臣像爲軸二十有一張良像一韓信陶盧雜錄

卷一

三

像一周亞夫像一班超像一岑彭像一祭遵像一寇恂像一諸葛亮像一張飛像一王猛像一狄仁傑像一薛仁貴像一郭子儀像一李光弼像一李晟像一尉遲敬德像一李孝恭像一李克用像一岳飛像一范仲淹像一姚廣孝像一爲冊三歷代武臣像一冊標題齊太公武成王不名吳司馬孫武子以下二十一人一例書名至宋曹武穆以下八人稱諡稱名稱官互異凡十五葉唐名臣像一冊稱諡稱名稱官稱字後人隨筆所書凡十葉唐宋諸名臣像一冊冊首八分書唐宋諸名臣像六字凡二十二葉書額一葉記一葉

昭仁殿天祿琳瑯目錄前集乾隆九年纂四十年補緝
爲十卷嘉慶二年續編爲二十卷以經史子集爲綱書
則以宋金遼元明刊版朝代爲次

摘藻堂味腴書屋各藏四庫全書會要一分四百七十
三種一千九百八十函分二十四架經部六架其架墨
邊綠格史部十架墨邊紅格子部六架墨邊藍格集部
十架墨邊淡墨格一在 大內一在 圓明園

順治十二年七月兵部奏凡天下險隘要衝地方職方
司皆有圖籍而邊事特重故鎮戍總圖九邊圖以及沿
海腹裏并彝蠻獠獯宜備禦者著於圖說疆宇之或險
陶廬雜錄 卷一 四
或易兵馬之宜增宜減一覽瞭然今時勢旣殊圖籍應
易請 敕下直省各督撫將所轄境內水陸衝區及險
隘形勢繪爲二圖仍錄明季設置兵將幾何今改設幾
何詳註圖旁

順治十四年五月戶部尙書孫廷銓奏定天下本富惟
賴土田餘稅雜徵原非生財大道不足賴也查元年以
來各省荒地報墾無幾豈戢兵雖久尙難生聚耶河南
一省熟地頗多不知由前除荒未確抑或近年以次漸
開請 敕撫按自今年爲始通行各屬履畝均丈其餘各
省亦倣而行之使地畝一清國賦漸裕矣

吏部定議翰林官外轉例除侍讀學士侍講學士照常陞轉外侍讀以下應照六科例每年外轉二員春季一員秋季一員侍讀侍講以參政用修撰以副使用編修檢討以參議用

順治十六年十二月 諭禮部前明崇禎帝勵精圖治十有七年不幸寇亂國亡身殉社稷考其生平無甚失德邁茲厄運殊堪矜恨宜加諡號以敦實行今諡爲莊烈愍皇帝爾部卽遵諭行

雍正四年二月壬申頒賜在京各衙門 御書匾額宗

人府曰敦崇孝弟內務府曰職思總理吏部曰公正持

陶廬雜錄

卷一

五

衡戶部曰九式經邦禮部曰寅清贊化兵部曰整肅中樞刑部曰明刑弼教工部曰敬飭百工鑾儀衛曰恪恭輿衛通政司曰慎司喉舌大理寺曰執法持平理藩院曰宣化遐方提督九門步軍統領衙門曰風清輦轂太常寺曰祇肅明禋太僕寺曰勤字天育光祿寺曰敬慎有節國子監曰文行忠信鴻臚寺曰肅贊朝儀欽天監曰奉時敬授順天府曰肅清畿甸倉場總督衙門曰慎儲九穀

文淵閣著錄之書詳載於 官史者書分經史子集簡

明目錄一部二十卷經部易類一百五十九部一千七

百四十四卷附錄八部十二卷書類五十五部六百五十卷附錄二部十一卷詩類六十二部九百四十一卷附錄一部十卷禮類周禮之屬二十二部四百五十三卷儀禮之屬二十二部三百四十三卷附錄二部一百二十七卷禮記之屬二十部五百九十五卷附錄二部十七卷三禮總義之屬六部三十五卷通禮之屬四部五百六十三卷雜禮書之屬五部三十五卷春秋類一百十四部一千八百一卷附錄一部十七卷孝經類十部十七卷五經總義類三十一部六百八十一卷附錄一部三十六卷四書類六十三部七百三十二卷樂

陶廬雜錄

卷一

六

類二十二部四百八十二卷小學類訓詁之屬一十三部一百二十二卷字書之屬三十六部四百七十八卷韻書之屬三十三部三百一十三卷附錄一部二卷史部正史類三十八部三千六百八十一卷編年類三十八部二千六十六卷紀事本末類二十二部一千二百五卷別史類二十部一千四百八十五卷雜史類二十二部二百七十三卷詔令奏議類詔令之屬十部八百二十二卷奏議之屬二十九部六百五十二卷傳記類聖賢之屬二部七卷名人之屬十三部一百一十三卷總錄之屬三十六部八百八卷雜錄之屬九部二十一

卷史鈔類三部四十八卷載記類二十一部二百八十八卷附錄二部九卷時令類二部二十九卷地理類宮殿簿之屬二部十一卷總志之屬七部九百四十一卷都會郡縣之屬四十七部二千七百五十二卷河渠之屬二十三部五百七卷邊防之屬二部二十四卷山水之屬七部一百十三卷古蹟之屬十四部一百二十五卷雜記之屬二十八部二百一十三卷游記之屬三部十五卷外紀之屬十七部九十八卷職官類官制之屬十五部三百七十五卷官箴之屬六部十七卷政書類通制之屬十九部二千二百九十八卷典禮之屬二十四部一千五十一卷邦計之屬六部五十三卷軍政之屬四部二百七十一卷法令之屬二部七十七卷考工之屬二部三十五卷目錄類經籍之屬十一部四百二十四卷金石之屬三十六部二百七十六卷史評類二部二百八十二卷子部儒家類一百一十二部一千六百九十四卷兵家類二十部一百五十三卷法家類八部九十四卷農家類十部一百九十五卷醫家類九十六部一千八百一十三卷天算法類推步之屬三十一部四百三十五卷算書之屬二十五部二百八卷術數類數學之屬一十六部一百四十七卷占候之屬

二部一百三十五卷相宅相墓之屬八部十七卷占卜之屬五部二十五卷命書相書之屬十四部五十三卷陰陽五行之屬五部五十五卷藝術類書畫之屬七十一部一千六十六卷琴譜之屬四部二十九卷篆刻之屬二部九卷雜技之屬四部四卷譜錄類品物之屬二十四部一百九十九卷附錄一部三卷飲饌之屬十部十九卷草木鳥獸蟲魚之屬二十一部一百四十五卷雜家類雜學之屬二十二部一百七十七卷雜考之屬五十七部七百七卷雜說之屬八十六部六百三十二卷雜品之屬十一部八十三卷雜纂之屬十一部五百

陶廬雜錄

卷一

八

三十六卷雜編之屬三部九十二卷類書類六十四部六千九百七十三卷小說家類雜事之屬八十六部五百八十卷異聞之屬三十二部七百二十四卷瑣記之屬五部五十四卷釋家類十三部三百一十二卷道家類四十四部四百四十二卷集部楚詞類六部六十五卷別集類一千七十五部一萬八千七十二卷總集類一百六十四部九千七百二十卷詩文評類六十四部七百三十卷詞曲類詞集之屬五十九部一百三卷詞選之屬十二部二百六十二卷詞話之屬五部十九卷詞譜之屬二部六十卷南北曲之屬三部十七卷與牟

風堂叢談微有不同

內府所藏唐文原本十六函每函十冊得八一千七百餘第一葉有梅谷圖記爲海寧陳氏哀輯未完之書蘇大司空官兩淮鹽政時以重價購得進呈 乙覽嘉慶十三年十月 詔文館續纂遂多所損益云

古文淵鑿六十四卷康熙二十四年 御選內閣學士徐乾學奉 敕編註上起左傳下迄宋人風教攸關者咸著錄焉

賦彙一百四十卷外集二十卷逸句二卷補遺二十二卷康熙四十五年 御定上起周秦下迄明季正集三

陶廬雜錄

卷一

九

十類三千四十二篇外集八類四百二十三篇逸句一百一十七篇補遺三百六十九篇附逸句五十篇自此書出賦苑賦格均不足言矣

御選明臣奏議四十卷乾隆四十六年奉 敕編前後悉依明代紀年次序並查載進止原旨與疏之行否一事顛末展卷瞭然卷一洪武朝五疏卷二永樂洪熙宣德正統景泰朝十四疏卷三景泰天順朝十三疏卷四成化朝七疏卷五成化宏治朝十二疏卷六至卷十宏治朝三十二疏卷十一宏治正德朝七疏卷十二至卷十六正德朝五十三疏卷十七至卷二十六嘉靖朝八

十一疏卷二十七嘉靖隆慶朝五疏卷二十八隆慶朝
十二疏卷二十九隆慶萬歷朝十二疏卷三十至三十
四萬歷朝六十七疏卷三十五萬歷泰昌朝十一疏卷
三十六至卷三十八天啓朝二十八疏卷三十九至卷
四十崇禎朝二十九疏聚珍版印行

佩文齋書畫譜一百卷康熙四十七年禮部侍郎孫岳
頌等奉 敕撰首論書論畫十八卷次歷代帝王書畫
三卷次書家畫家傳三十七卷次無名氏書畫八卷次
御製書畫跋一卷次歷代帝王書畫跋二卷次歷代書
畫跋十八卷次書畫辨證三卷 歷代鑒藏十卷此書

陶廬雜錄

卷一

十

出鐵網珊瑚清河書畫舫均不足論矣

海鹽胡震亨唐音統籤蒐羅極富康熙四十二年奉

命纂輯出內府所藏唐人詩集又芻搜博采得詩四萬
八千九百餘首作者二千二百餘人冠以帝王后妃次
樂章樂府而以零篇贅語殿之中間序作者先後補遺
六卷詞十二卷附於末釐爲九百卷實一代之大觀千
秋之鴻製

元好問撰中州集其意蓋在以詩存史作者二百四十
餘人得詩一千九百八十餘首釐爲十一卷每人係以
小傳郭元鈺重爲補綴較元原書不啻倍之康熙五十

年恭呈 御覽蒙 定爲全金詩七十四卷冠以序文
詞譜四十卷康熙五十四年詹事王奕清奉 敕撰凡
八百二十餘調二千三百餘體均以字數多寡爲序而
刪除草堂詩餘小令中調長調之名並刪除第一體第
二體之次至于倚聲平仄句法異同均有依據
宗室昭文自號紫幢軒主人錄天潢詩爲宸萼集分上
中下三卷共二十八家計詩三百七十六首各著小傳
自序譔於康熙庚寅年第一卷中載 世廟宸章蓋
藩邸之作鮑鈺禕勺記其曾借閱數日手錄其目與序
藏之今日與序亦不可得見矣

陶廬雜錄

卷一

十一

四朝詩選三百一十二卷康熙四十八年右庶子張豫
章奉 敕編次凡宋詩七十八卷作者八百八十二人
金詩二十五卷作者三百二十一人元詩八十一卷作
者一千一百九十七人明詩一百二十八卷作者三千
四百人每代之前各敘作者之爵里詩則首帝製次四
言次樂府歌行次古體次律詩次絕句次六言次雜言
國朝詩別裁集三十二卷沈德潛編次奏經 御覽
命內廷翰林精核刪蕪存液仍 賜序冠首一卷自慎
郡王起至三十卷李薊止三十一卷閨秀三十二卷方
外典章文物於是乎在不得僅以聲歌目之矣

熙朝雅頌集首集二十六卷正集一百六卷餘集二卷
共一百三十六卷嘉慶九年兩江總督鐵保奏進 御
製序文獎許甚至法式善實久預纂校之役有榮幸焉
十年刻成頒行天下

康熙五十二年四月 上問尚書張鵬翮曰明末張獻
忠兵到四川殺戮甚慘四川人曾有記其事之書籍否
張鵬翮奏無有記其事者 上曰李自成與張獻忠在
河南鄧州分兵張獻忠遂至四川其間詳細未能悉知
爾父今年八十有七以張獻忠入川計約已十七八歲
必有確然見聞之處爾問明繕摺進呈又 諭大學士

陶廬雜錄

卷一

三

等曰明末去今爲時尚不甚遠傳聞李自成兵到京師之
人卽以城獻又聞李自成麾下之將李定國在西便門
援城而上由此觀之仍是攻取可云獻乎此等載入史
書甚有關係必得其實方善張獻忠有養子三人耳鼻
皆被割去朕曾見之又明代行兵多用太監管領以致
敗亡爾等纂修明史其萬歷天啟崇禎年間之事不可
忽畧

吳梅村綏寇紀畧已刻者十二帙其未刻三帙朱竹垞
鈔入百六叢書中聞近日博晰齋前輩從三通館錄副
藏於家晰齋歿遂失之胡雪蕉自書肆鬻得珍秘殊甚

余借歸取其有資掌故者鈔存舊制京營兵三十萬五

軍府與三千營神機營爲三故曰三大營後改爲十團

營洪宣後不用兵土木之役幾不成軍故于謙改爲十團營十二團營成化初以四分隸三營爲

十二團營以京軍班軍各三萬充之而班軍分其半

以番直是京營嘗十二萬人也其法用勲臣爲提督內

臣爲監督兵部侍郎爲協理戎政十二團營浸廢三千

改爲神樞與五軍神機猶存三大營之舊三營之內又

疏爲三十九小營此京營之制也京營之法至正統而

復弊世宗中興復爲三大營又有勇士四衛二營宣德六年置名爲

天子之禁旅皆領於京營而圍子營管上直义刀手及

陶廬雜錄

卷一

三

京衛步隊官軍名曰前府公侯之子弟亦隸焉備天子

之環列扈從不足言軍錦衣衛有緹帥有巡捕廳街道

房南北鎮撫司東廠有東西司房掌刑理刑千百戶其

下所稱番子手者亦漢八校衛之屬主徼巡長安譏察

非常合之京營十餘萬紈袴之子廝養之卒四方輕剽

無行之徒託名擁護食縣官者不可勝數京營之罷廢

者退爲老家萬歷五年始置選鋒天啟七年再設壯丁

立殊科以增厚精究其勇怯無以異甚至豪右權貴之

家占虛名糜月給有事則出錢以雇傭丐舉京師之人

盡食營糧而京營幾於無兵矣班軍之番上也諸不行

者皆入錢營免及至都候尉吏要求百端往往正卒脫歸押班官受其軍之錢以保持塞責卽勳家請求工作亦利其直不必其人而入營之講肄可知已是以名爲解軍而無軍名爲給糧而無糧祖宗宿衛踐更之兩制內與外交病京軍耗而班軍亦爲之窮焉永樂遷都京軍三十萬畿內五十衛軍二十萬又以大寧山東河南衛軍輪班上五軍營操練此班軍之制上初卽位戎政侍郎李邦華歎曰京營敝壞已極是可不爲之制耶請練汰其老弱虛冒而擇魁健材力之士爲天子之親軍且曰此安危存亡之所係其言甚切京軍狃於習而驕且惰也道路切切耳語有疑者曰京軍必爲變

陶廬雜錄

卷一

十四

當是時國勢強若輩雖則肘腋皆賣菜傭一節將足以制之天子與二三大臣定計彼惡敢動而勳威中官惡其不便於己恫喝言曰亟罷李侍郎以謝之不然且反上夙以邦華忠顧心動不得已反詞譙鑄託以營政廢弛而邦華竟免去久之有陸完學者盡更其法與中官深相結一軍安之陸以此尙書滿三考晉官保圍玉而子孫且錦衣矣京營自監都以下又有總理捕務者二人提督禁門巡城點軍者三人皆以御馬監司禮文書房爲之是營務專領於貂璫也中外多事宦者便奏請上爲之發帑金供緡錢賞犒之用乃哈馬市於西邊芻

芟步作之不時馬輒肥死厚募邊人補部伍士卒往往
流言用火器而藥局數災議車戰而軍乘不習中官無
他籌畧文臣拱手聽其所爲相與修文具而已自神祖
九年大閱後皆遣官或傳旨停免上卽位久之議以大
閱恩賚不貲而城守不可以不戒有旨於十一年月日
上躬自闕城先期掌前府事者大集禁兵紅盔將軍陞
戟而屬於門勲戚帶刀護從者百數黃門列鼓吹天閑
出廐馬五軍營神樞營勇衛營前鋒營祿首弓韃伏道
旁以一營樹一羽纛鎧胄旌旗甚設天子輦而繇正陽
門崇文門朝陽門東直門安定門德勝門阜城門宣武

陶廬雜錄

卷一

五

門而下還宮翼日再繇廣寧門右安門永定門左安門
廣渠門東便門六軍望見乘輿呼萬歲文武官改服色
鸞帶策馬從上大悅召完學入御幄面獎勞飲以金樽
酒者三卽以樽賜之完學尋引年至乞身上加優與路
費馳傳去時人以爲榮然而京營兵未嘗可用也上初
懲逆奄擅政痛抑中官幾欲復掖庭掃除之舊祇以股
肱失職厭薄外廷不得已用王坤等出監諸軍張彝憲
內攝二部然亦撤遣不常示絀伸在手不欲偏有所假
借惟東廠京營遵祖宗舊制故柄用不改東廠與執金
吾刺探各衙門陰事得用中旨收考京營奉命討楚豫

賊中官凌督撫直出其上頤指諸大帥而趨走之此二者上本以腹心相任號為天子之私人迺京師惡子弟隸名厥衛挾持百僚未嘗為縣官而私行奸利京兵廩賜大優恣睢淫掠好奪人執獲以為功輕折辱他將吏卒以此戰士解體盜賊久而不滅且內操本逆奄所為迄於今弗罷論者以中黃門握兵柄非便終莫肯顯言吳柱在戎政時上召問練兵選將提督太監王德化亦奏言京營馬匹不滿萬又多瘦弱不便發餉語未畢上目攝之曰此非爾奏事處德化惶懼而退是晚上手諭下閣罷提督止發兵三千命內員督勸其嚴正駕馭諸瑞如十五年正月二十二日上諭東廠太監王德化曰

陶廬雜錄

卷一

察非所以安全之也今後歸之所司非謀反逆倫權豪扞法者勿問先是上從輔臣請內操罷監軍撤劉元斌盧九德討賊不效班師入都至是厥衛亦以大體裁抑惟京營獨否元斌九德之還也王之俊閔思印見為勇衛營監督上命增置四員用二人以補其任督理營務王裕民為之定其班以申明軍制久之上以元斌身討賊而獻陵失守又御史王孫蕃糾其在張秋諸處縱兵淫掠王裕民故匿其奏遲之且洩其語於斌俾先自奏辨為孫蕃所發上大怒并下於理不旬日兩瑞皆棄市當是時上於兵食大絀有請發帑者輒格之曰三十六

衙門搜括已盡卿知之乎或有以問老璫曰此上時事耳祖宗朝藏錫累萬萬卽魏忠賢侵盜安得而盡空之皆固對曰無有後乃知大內之所藏沈沈者自逆奄大去其籍守者見上明察恐闕而爲罪相戒弗聞最後京軍城守饑喪亂迺至舉之不能盡皆豎頭須誤之也按京營餉至一百七十萬又京支七十餘萬居戶部兵餉三分之一京營將王承允王埏唐鈺楊斌等奔走中官以倖富貴未嘗知兵京兵注名支糧視軍府如傳舍一不樂輒賄司總以買替而去之朝甲暮乙雖有尺籍伍符莫得而識也上屢旨訓練賞罰非不甚嚴立標分幟

陶廬雜錄

卷一

七

日不過二三百人勒習未終昏黃遽散合營十萬僥倖抽驗之所不及忼愾而佚罰者無算令甲以一營練一技長短左右不能相制而互施雖練安所用之李邦華時召入爲都御史遇戎政侍郎王家彥於朝詢京營近制相向太息明日邦華請對曰老臣向以戎務不效自謂永填溝壑不意復覩天顏臣去國十年聞京營之弊陛下其誰與守戎政王家彥爲臣言之未嘗不流涕也上召問家彥家彥頓首曰主臣有之今日惟嚴買替之禁改操練之法庶可救萬一然當邦華在事時可以爲臣自度材不及又勢已晚恐誤國惟上進退死生之上

喟然不懌而罷臺臣有建以班軍爲兵者大修屯政收
其行鹽大糧歸之京師班軍土著可以免驕兵之憂省
養兵之費上可其奏下之所司皆謂迂闊難行總京營
者恭順侯吳維英思有以副上意家彥爲之謀倣嘉靖
中弓手鎗手牌手以更番簡閱第其卒之能否爲參遊
黜陟而選將寓乎其中維英自製戰車四百乘并造盛
甲長鎗藤牌短刀之屬上御觀德殿進覽而後用之襄
成伯李國楨者向以世胄入太學今大司農倪元璐爲
祭酒時亟稱其才者也進見言事慷慨懲于侯家犴膏
梁之習不圖報恩禦侮願集諸官舍教以騎射擊刺之

陶廬雜錄

卷一

六

法自當一隊且乞上御書營額因取敕內共武二字以
請上親爲書共武堂賜之京師外城庫薄自左安門迤
西無復新河之阻御史裴希度請挑品坑陷馬足於總
監協三臣之內分一人專任外城國楨聞之奮曰新橋
南土隄兵單濠淺率所領止屯以一當衝要可也上以
爲能十六年八月改維英掌後軍都督府用國楨代之
拔王承恩監督京營而王之儁領捕務中外更始專以
京營爲急國楨常被密詔進見造膝倚重在諸勳舊右
焉是年也京師大疫營兵物故者甚衆賊信急王承恩
以守城不如守關白遣一萬人往賊不由居庸從柳溝

抄陵後以入一萬人失道未嘗與賊遇國楨請於上曰
守不如戰發三萬人營新橋南用馬駝負載軍資者十
日據八陣圖包十五里以爲屯賊至沙河聞砲響則三
萬人皆潰散甲仗火器盡棄之資賊賊且用以攻城矣
當賊初度河入晉也上復用司禮監杜勳等十人出監
宣大諸軍及賊騎逼而京軍單薄卽內操所罷之三千
人登陴設守廷臣欲一觀守具格於中官之赤棒不能
上城一步嗟乎自崔魏以後內璫視權寵爲固然且主
上之且信且疑王裕民劉元斌未能免於刑戮雖恩禮
弗改將必有以大失其心一遇危急卽渙然離矣彼杜

陶廬雜錄

卷一

九

勳首惡固在先降人有謂王裕民名下太監王則堯開
齊化門以納賊卽云流言訛僞詎盡無其端哉且京營
已矣東廠錦衣衛虎冠之卒不下數千豈有賊在畿甸
奸細布列城中緝事者恬焉不察此曹子烏足任也自
古國蹙君危必有大臣領城門兵爲捍禦以同生死今
以刀鋸關冗之流如兒戲以至於敗李邦華王家彥拊
膺於京營之失策私室自縊內官中如王承恩者幸得
以其身從嗚呼三百年來君臣闊絕其密邇萬不及北
司人主孤危已落近幸之手雖以帝之明察前後左右
罔非刑人兵制軍機牽於黃門之壅闕以不能釐舉緣

此抵於危亡而終與宦者同絕可以見官府之情睽而
安危之計誤也其所由來非一日之積矣可不戒歟見
中卷

京師廟市向惟慈仁寺土地廟藥王廟數處後直郡王
建報恩寺興市不數年王禁錮卽止康熙六十一年
敕修故崇國寺成錫名護國寺每月逢七八日亦如慈
仁諸市南城遊人終尠至也重建隆福寺每月逢九十
日市集今稱之爲東西廟貿易甚盛慈仁土地藥王三
市則無人至矣若古夫于亭雜錄候慈仁書攤故事久
已絕響惟琉璃廠火神廟正月上旬猶有書市及賣薰

陶廬雜錄

卷一

十

花零玉者

長椿寺舊藏明慈聖李后孝純劉后田妃三像兵火後
孝純像僅存唐東江吏部題詩誤作慈聖蔣心餘太史
沿其誤後之題詩者因之幘首泥金小楷書崇禎庚辰
恭繪智上菩薩十字觀者皆未省視按慈聖世稱九蓮
菩薩神宗生母也教神宗嚴明識大義余遊西山路過
八里莊慈壽寺見懸慈聖像殘毀因爲裝潢作記毛西
河檢討彤史拾遺記載瑞蓮事甚詳於愍帝繪孝純像
始末亦具備悉與魏叔子新樂侯傳微有異文皆有奇
致可誦近見韓旭亭是升一詩足資佐證附記於此長

椿古寺斜陽裏鐘板蕭條增暮寒香火一龕孝純后莊
嚴七寶比邱冠未經浩劫遺像猶幸先期奉佛壇百
六十年題字在如何却作九蓮看

京師柴厰明之東厰抗諫者敕錦衣衛杖訊傳卽此地
三十年前尚有牆屹然存居民謂之老牆根滇南張侍
御漢有詩云九天雲暗日黃昏痛哭攫鱗爲國恩纍纍
忠魂借憑弔百年遺恨老牆根今知之者鮮矣

王世貞明異典述曰世宗賜張文忠詩賦先後凡二十
餘章皆龍箋御墨天書煥爛眞傳家之至寶耀世之盛
事也萬歷三十七年七月謹梓是書前後十八葉中鐫
陶廬雜錄

卷一

三

敕建寶綸樓詩賦錄字敬和詩二十七章字敬孫知府
汝紀署丞汝經鏤版余以十錢鬻諸厰肆文無足觀存
之以備考核

左都御史龔鼎孳以濫舉巡按顧仁降八級用爲上林
苑蕃育署丞今其官已裁矣

雍正五年十一月壬戌禮部遵旨議覆嗣後各直省鄉
試房考官除順天仍照舊例外其外省鄉試俱鄰省調
取在籍候選之進士舉人文行素優者掣籤入闈分校
其兩省接壤附近三百里內者不得混行咨送從之

刑科給事中朱紹鳳劾奏河南主考官黃泌丁澎進呈

試錄四書三篇皆由已作不用闈墨

康熙五十二年正月九卿議江南科場考官趙晉擅通關節應斬立決呈薦吳泌之知縣王曰俞亦應斬竇緣中式之吳泌及說事通賄之俞繼祖絞監候呈薦程光奎試卷之知縣方名擬斬立決其埋藏文字入場鈔寫之程光奎擬絞候倩人代筆中式之徐宗軾夾帶中式之席玕擬朴責正考官左必蕃革職又議福建科場賄通關節之同考官吳肇中擬斬立決竇緣中式之王湯三說事之林英擬絞候考官介孝瑛劉儼擬革職

康熙十六年禮部奏本年添行鄉試查直隸江南浙江

陶廬雜錄

卷一

三

三省貢監數多應各遣考試官河南山西陝西山西貢監數少應令河南省遣官一同考試湖廣江西歸併江南省福建歸併浙江省考試以入場應試人數計算於十五名中取中舉人一名不必另取副榜於本年九月內考試二十年以軍興芻午淮撫臣所奏貴州本年鄉試於壬戌年補行又改增楚省中額先是因滇逆變亂於康熙十六年改照中省取中湖南平定撫臣請仍改爲大省額數取中二十二年補行雲南省辛酉科鄉試今尙書曹儷筮同年以考列三等 特擢時以爲異數榮之考乾隆初年已有之錢稼軒寶東臬二先生皆由

四等開坊東臯先生畱館詩云不才宜下考 聖主念

孤臣薄罰甘從衆

例皆罰俸

強吟怯向人文章終報

國寵

辱豈關身却恨讀書晚論年已後旬

時年二十九

擢左中允

詩詞曹猶幸厠爨下敢求音詎意

中陽照偏榮小草

心宮條得同臭

天獎比連琳

錢稼軒同日授右春坊右中允亦從四等

擢登選逾常格銜恩轉深

雍正十三年

欽定大清三藏聖教一部總理藏經館

事務爲莊親王允錄和親王宏晝校閱爲校正梵字咒

語佛像總管西番學工布杏原任巡撫鄒基侍讀學士

梁詩正總率爲僧超盛超廣自瑄汝寬以下五十一人

陶廬雜錄

卷一

三

嘉慶十四年七月因校全唐文奉檢釋藏於 萬善殿

之西配房凡兩閱月事竣釋藏刻於雍正十三年派纂

銜名載於後茲得唐文若干篇敬錄其目大乘經般若

部十九種七百二十二卷寶積部三十七種一百七十

四卷大集部三十六種一百四十卷華嚴部二十六種

二百一十卷涅槃部十三種九十七卷五大部外重譯

經四百一十六種七百二十一卷小乘經阿含部二百

四十種四百二十七卷宋元人入藏諸大小乘經三百

八十三種八百七十三卷大乘論九十二種五百一十

一卷小乘論三十七種七百三十四卷宋元續入藏諸

論二十三種五十卷西土聖賢撰集七十五種一百九十卷此土著述一百七種二千二百八十四卷雍正十三年乾隆初年奉旨交出五十四種一千一百二十七卷一體入藏統計一千五百一十八種八千二百六十卷

十月復檢道藏於高大殿西配房閱月事竣道藏刻於前明嘉靖年茲得唐文若干篇亦敬錄其目洞真部本文類七十六種一百四十五卷神符類八種八卷玉訣類四十一種八十二卷靈圖類一十七種二十八卷譜錄類一十三種二十一卷戒律類一十二種一十三

陶廬雜錄

卷一

五

卷威儀類二十八種三十五卷方法類五十一種二百五十一卷衆術類二十種十八卷記傳類十九種一百三十一卷讚頌類六種十卷表奏類二種九卷洞元部本文類七十一種八十五卷神符類八種十卷玉訣類三十三種三十三卷靈圖類十三種十卷譜錄類十二種十八卷戒律類十一種二十六卷威儀類七十八種四百六十三卷方法類二十三種八十七卷衆術類二十種十九卷記傳類十七種四十四卷讚頌類八種十一卷表奏類五種二十九卷洞神部本文類五十一種三十二卷神符類五種六卷玉訣類八十四種七百一

十三卷靈圖類五種四十六卷譜錄類十四種四十二卷戒律類七種二十卷威儀類二十六種三十二卷方法類七十一種七十卷衆術類七十四種一百一十九卷記傳類十九種三十五卷讚頌類七種六卷表奏類三種六卷太元部一百六十一種九百五十八卷太平部六十六種四百一十七卷太清部二十五種二百四十卷正一部二百六十一種七百四十五卷已著錄於古今圖書集成而桐川顧復採入彙刻書目特未詳其數耳計一千五百六種四千九百四十八卷

順治元年行鹽七十一萬九千五百五十引徵課銀一

陶廬雜錄

卷一

五

十五萬八千九百七十三兩有奇鑄錢七千一百六十六萬三千九百有奇二年行鹽一百七十一萬六千六百二十五引徵課銀五十六萬三千三百十兩六錢有奇鑄錢四萬四千三百七十五萬一千七百六十有奇順治八年十二月舊鑄銅錢二十一萬三千三百七十有奇鈔一十二萬八千一百七十二貫四百七十有奇九年舊鑄銅錢二十萬一千二百一十有奇鈔一十二萬八千一百七十二貫四百七十有奇十七年舊鑄銅錢二千萬一千二百一十有奇鈔一十二萬八千一百七十二貫四百七十有奇

康熙元年人丁戶口一千九百二十萬三千二百三十三田地山蕩畦地五百三十一萬一千三百八十八頃一十四畝徵銀二千五百七十六萬九千三百八十七兩有奇米豆麥六百一十二萬一千六百一十三石五斗有奇草二百二十六萬五千七百三十四束茶一十五萬七千九百二十八引行鹽四百二十萬四千五百九十八引徵課銀二百七十三萬三千五百七十八兩六錢鑄錢二萬九千七百八十九萬六千三百八十有奇

雍正元年人丁戶口二千五百三十二萬六千三百七

陶廬雜錄

卷一

美

又永不加賦滋生人丁四十萬八千五百五十七田地山蕩畦地八百九十萬一千八百七十九頃六十二畝有奇徵銀三千二十二萬三千九百四十三兩有奇米豆麥四百一十二萬八千六百五十七石有奇草四百八十二萬七千八百六十一束茶四十九萬五千六百三十引行鹽五百二萬四千一百三十八引徵課銀四百二十六萬一千九百三十三兩有奇鑄錢四十九萬九千二百有奇

聖製詩五集二十八卷乾隆丁未填倉日作小注 國

朝天下民數一千六十三萬迄今一百四十餘年以來

已增至二萬七八千萬幾至二十倍之多承平日久休養生息戶口日益繁滋用穀旣多其價安能不日加昂貴耶

乾隆五十八年十一月戊午 諭朕恭閱 聖祖仁皇

帝實錄康熙四十九年民數二千三百三十一萬二千

二百餘名口因查上年各省奏報民數共三萬七百四

十六萬七千二百餘名口較之康熙年間計增十五倍

有奇我國家承 天眷佑百餘年太平天下化澤涵濡

休養生息承平日久版籍益增天下戶口之數視昔多

至十餘倍以一人耕種而供十數人之食蓋藏已不能

陶廬雜錄

卷一

七

如前充裕且民戶旣日益繁多則廬舍所占田土不啻倍蓰生之者寡食之者衆於閭閻生計誠有關係若再因歲事屢豐粒米狼戾民情遊惰田畝荒蕪勢必至日食不繼益形拮据朕甚憂之猶幸朕臨御以來闢土開疆幅員日廓小民皆得開墾邊外地土藉以暫謀口食然爲之計及久遠總須野無曠土家有贏糧方可戶慶盈寧收耕九餘三之效各省督撫及有牧民之職者務當隨時勸諭剴切化導俾皆儉樸成風服勤稼穡惜物力而盡地利共享昇平之福毋得相競奢靡習於怠惰用副朕愛養黎元諄諄教戒至意將此通諭知之

乾隆六十年各省通共大小男婦二萬九千六百九十
六萬八千九百六十八名口

自康熙年間起至乾隆三十九年止戶部銀庫每年積
存銀數按年查明進 呈至康熙年間檔冊霉爛不全
未能按年開載康熙六年實在銀二百四十八萬八千
四百九十二兩十一年實在銀一千八百九萬六千八
百五十兩十二年實在銀二千一百三十五萬八千六
兩十六年實在銀五百三十萬七千二百十六兩十七
年實在銀三百三十三萬九千九百二十兩二十五年
實在銀二千六百五萬二千七百三十五兩二十六年

陶廬雜錄

卷一

二

實在銀二千八百九十六萬四千四百九十九兩三十
年實在銀三千一百八十四萬九千七百一十九兩三
十一年實在銀三千四百二十五萬五千二百八十五
兩三十二年實在銀二千七百六十萬六千六百十三兩
三十三年實在銀四千一百萬七千七百九十兩三十
四年實在銀四千二百二十六萬三千五百一十六兩
三十五年實在銀四千二百六十二萬八千九百八十
九兩三十六年實在銀四千六十三萬九千九百二十
兩三十七年實在銀四千五十四萬二千九百六十六
兩四十二年實在銀三千八百三十六萬八千一百五

兩四十二年實在銀三千九百九十八萬五千三百六
兩四十七年實在銀四千七百十八萬四千七百八十
八兩四十八年實在銀四千三百七十六萬七千九十
四兩四十九年實在銀四千五百八十八萬一千七十
二兩五十二年實在銀四千三百九萬四千二百二十
九兩五十三年實在銀四千七十三萬四千八百二十
五兩五十七年實在銀四千四百三十一萬九千三十
三兩五十八年實在銀四千七百三十六萬八千六百
四十五兩五十九年實在銀三千九百三十一萬七千
一百三兩六十年實在銀三千二百六十二萬二千四

陶廬雜錄

卷一

五

百二十一兩雍正元年實在銀二千三百七十一萬一
千九百二十兩二年實在銀三千一百六十二萬七千
六百八兩三年實在銀四千四十三萬四千七百四十
四兩四年實在銀四千七百四十萬九千七百八十兩
五年實在銀五千五百二十五萬二千九百三十三兩
六年實在銀五千八百二十三萬五千七百八十兩七
年實在銀六千二十四萬八千七百四十七兩八年實
在銀六千二百十八萬三千三百四十九兩九年實在
銀五千三十七萬三千九百五十三兩十年實在銀四
千四百三十九萬二千八百四十八兩十一年實在銀

三千七百九十三萬三千七百四十三兩十二年實在
銀三千二百五十萬三千四百二十八兩十三年實在
銀三千四百五十三萬四百八十五兩乾隆元年實在
銀三千三百九十五萬九千六百二十四兩二年實在
銀三千四百三十八萬五千一百三十八兩三年實在
銀三千四百八十五萬八千四百七十八兩四年實在
銀三千二百五十八萬二千九百七十六兩五年實在
銀三千四十八萬五千八百七十六兩六年實在銀三
千一百四十六萬三千五百三十九兩七年實在銀三
千二百七十四萬六千七百五十二兩八年實在銀二

千九百十二萬一千一百四兩九年實在銀三千一百
九十萬二千五百十八兩十年實在銀三千三百十七
萬六百五十五兩十一年實在銀三千四百六十三萬
三千一百七十七兩十二年實在銀三千二百三十六
萬三千四百四兩十三年實在銀二千七百四十六萬
三千六百四十五兩十四年實在銀二千八百七萬三
千四十三兩十五年實在銀三千七十九萬六千一百
七十七兩十六年實在銀三千二百四十九萬三千七
百八十六兩十七年實在銀三千八百六十三萬二百
八十七兩十八年實在銀三千九百八十七萬三百九

十四兩十九年實在銀三千七百六十萬五千四百二
十二兩二十年實在銀四千二百九十九萬七千四十
八兩二十一年實在銀四千三百二十二萬二千三十
兩二十二年實在銀四千十五萬二千二百五十四兩
二十三年實在銀三千六百三十八萬八百九兩二十
四年實在銀三千六百七十三萬二千八百六十五兩
二十五年實在銀三千五百四十九萬六千九百二兩
二十六年實在銀三千六百六十三萬八千五百七十
二兩二十七年實在銀四千一百九十二萬七千九百
二十四兩二十八年實在銀四千七百六萬三千六百
十兩二十九年實在銀五千四百二十七萬三千八百
十四兩三十年實在銀六千三十三萬六千三百七十
五兩三十一年實在銀六千六百六十一萬三千一百
二十七兩三十二年實在銀六千六百五十萬一千五
十二兩三十三年實在銀七千一百八十二萬三千八
百八十八兩三十四年實在銀七千六百二十二萬二
千八百七十七兩三十五年實在銀七千七百二十九
萬九千七百三十六兩三十六年實在銀七千八百九
十四萬一兩三十七年實在銀七千八百七十四萬二
百六十二兩三十八年實在銀六千九百六十七萬七

千七十一兩三十九年實在銀七千三百九十萬五千
六百十兩

陶廬雜錄

卷一

三

陶廬雜錄卷一

小西厓 法式善

吏部題各省題荐人員原令其作速起程今陝西李鴻王宏煥江南汪琬張九徵周慶曾彭貴潘耒嵇宗孟張新標吳元龍蔡方炳直隸杜越范必英浙江應撝謙山西范邠鼎江西魏禧並以疾辭陝西李因篤以母老辭相應咨催赴京得 旨李因篤等旣經諸臣以學問淵通文藻瑰麗薦舉該督撫作速起送來京以副朕求賢至意

韓湘巖觀察宰江南俸滿抵京余嘗晤於舅氏齋中軀陶廬雜錄

卷二

一

幹豐重而言語清快象緯醫卜諸術藝無不精核貫穿見余方髫歲喜弄文墨出所著滑稽集見贈集中如貌左貌國語貌韓非子貌莊貌史記具有神似處所云貌者微詞也酒酣益自矜告余云青田劉誠意後區區一人而已語罷狂笑不已其自負如此

朱竹垞謂偶吏目桓所選元詩爲獨開生面而以缺七言絕句爲憾余嘗欲補之而未就也因憶 文淵閣校四庫書所閱元人詩佳者輒錄存多四朝詩選元文類宋元詩會元詩體要元風雅元詩選元詩癸集中所未載者將來合諸集甄綜之以復吏目舊觀竹垞翁其許

我乎艾性夫春溪云晚溪晴穩麥風斜橋影傾欹水見
沙十里荒陂自春色一雙鴻鵠唳楊花雨香雲嫩散春
泥細草初肥綠滿溪無數落花鶯背上避人都入柳陰
啼題僧閣云蘆竹叢高舊石闌菩提香遠出林端鴈聲
忽斷梧桐雨草閣秋深倚暮寒張觀光聞角云誰送寒
聲入夢中遙知人在戍樓東明朝梅嶺花飛雪未必都
因昨夜風江景云寒生鴈背天將雪冷入魚腮水欲冰
釣艇歸來江路暝舟人分火點漁燈王奕過江云玉勒
金臺逐去塵十年多少渡江民中流試扣金山老曾有
深衣過魯人楊宏道迎祥觀卽事云牽牛延蔓覆簷青

陶廬雜錄

卷二

二

涼氣著人如酒醒天外晚風收積雨石爐燈水白泠泠
尹廷高江鄉夜興云極浦霜清鴈打圍漁燈明滅水煙
微天寒想是鱸魚少犬吠空江船夜歸釋大詵題孤嶼
圖云澹煙疎樹月朦朧路隔寒潮斷復通添箇茅庵分
住我明年飛錫海門東侯充中汴梁郊行云大梁城下
草連雲千古河山對夕曛一掬賈生憂國淚西風吹上
信陵墳劉鶚九日峽江舟中云秋風如此客辭家重理
平生舊帽紗不是故山無白酒年年奔走負黃花宋无
山中云半嶺松聲樵客分一溪春草鹿成羣採芝人入
翠微去丹竈石壇空白雲咏蘭云分向湘山半野蒿偶

并青草入離騷清名悔出羣芳上不入離騷更自高洪
焱祖中秋宿貴義嶺無月云亂山深處遇中秋只有風
湍拍石頭賴是今宵無月色若令月出轉添愁唐元皆
春亭云自家意思窗前草滿目紅酣川上花十二闌干
風雨霽有人來此岸烏紗李存贈賣楮士云門前柿葉
未堪書窗外芭蕉雨後陳正恨新詩沒題處故人攜紙
過庭除朱晞顏自題云乘興風波萬里遊清如王子泛
扁舟早知鯨背推敵險悔不來時只跨牛周伯琦夜坐
偶成云清夜嚴城玉漏遲杏花踈影散書帷紅塵不到
揚雄宅石鼎焚香讀楚詞納新京城春日云官牖冰消

陶廬雜錄

卷二

綠漫隄落花流水五門西黃鸝不管春深淺飛入南城
樹上啼張仲聲壁上小景云半林斜日帶晴霞彷彿柴
桑處士家千里田園歸未得只疑此地有黃花陳鑑道
經東崖砦云荒村寂寞兩三家故壘東邊石徑斜岩樹
不知人死盡春來還發舊時花李繼本對月同宗兄賦
云窗裏娟娟納月光牀頭顧影轉淒涼束書幾日還山
去露坐彈琴秋樹傷沈夢麟湧金門卽事云湧金門外
步陽春舊日軒楹盡劫塵却笑柳州新燕子飛來不識
白頭人同怨歸棹云衝煙去卽比鄰共載月歸時老稚
迎魚少水多生事了一溪晴碧有誰爭張仲深溪上云

溪南溪北燕交飛，溪上人家客未歸。翠壁夜聞山鳥叫，
金爐燼冷水沈微。趙文展亦周墓云：竹刺藤梢未易攀，
一椀紅酒酌荒菅。攜兒不敢高聲哭，僧錄新來住此山。
王沂看山云：昔年騎馬看青山，曾與青山共往還。今日
君家亭子上，依然山在白雲間。過潼關，却回望，半空飛翠逐
雲臺。玉井芙蓉爲我開，行過潼關却回望，半空飛翠逐
人來。程端禮閒步云：城上寒梅白雪花，城邊嫩柳黃金
芽。平林望盡意不盡，回首城西日欲斜。胡行簡青山白
雲云：憶從扈從過，居庸北望迢迢。萬玉峯獨恨崑崙猶
未識，至今長被白雲封。陳宜甫老農云：老農村裏別無

陶廬雜錄

卷二

四

營飽飯，惟知樂太平。天子駕來，應不顧低頭。鞭犢自春
耕。陸文圭早春云：草色青青沒燒痕，山川滿目酒盈樽。
只愁逋客回家日，先被春風緊閉門。次伯機云：梅天風
雨一江寒，失却灘頭舊釣竿。自着漁蓑沽酒去，路逢賈
客問長安。胡祇通玉堂偶成云：瓠籬蔬圃雨餘香，林影
蟬聲午夢涼。一日閒情如兩日，閱書終日未殘陽。張之
翰聞鴈云：燕中五見鴈，南下今歲鴈來。余始還堪笑，餘
生不如鴈。鴈歸常在一年閒，宿柯亭云：好山似恨客西
行，便比朝來減舊青。我自笑余忙箇甚，滿船風雨宿柯
亭。王旭雜詩云：東流江水不西還，六代興亡一夢閒。行

客有懷誰會得鳳凰臺上看東山南湖雨中云氣涵雲
外草堂虛蘋末風來午夢餘起逐鄰翁上船去藕花深
處看叉魚三年身不到江湖慚愧煙波舊釣徒今日扁
舟復何處臥聽風雨鬧黃蘆荷葉青青水濕衣南湖日
暮採蓮歸菱歌一曲風生浦幾處衝煙白鳥飛有懷云
春風花落紫藤枝正是山蔬可擷時惆悵故園歸未得
興來空詠采薇詩晚步云草沒行蹤一徑斜西風開滿
蒺藜花行歌曳杖不知遠轉過青林又幾家宋禧題畫
云松林日落碧雲開野老溪頭坐石苔隔岸好山招不
到一篙流水待誰來滕安上村居云幽居一日勝兩日

陶廬雜錄

卷二

五

故友十人無五人村北樹陰餘畝大肯來盤礴樂閒身
王結次韻云折得寒桃雨後花自憐白髮照烏紗陌頭
楊柳撩春思掩映茅亭賣酒家耶律鑄贈人云不知何
事傷遊子漫折閒花盡日吟轉覺忘機是啼鳥靜依芳
草說春心

汪鈍翁題高季迪槎軒集云按王文忠公缶鳴集序云
詩十二卷九百三十七首張子宜哀辭序則云先生自
類其詩千五百首今考周氏本總千有一首其數與序
不合外又有是集十卷詩七百二十三首姑蘇雜咏一
卷詩一百二十三首內惟五首重出餘俱缶鳴所無合

集共得一千八百四十餘首他如徐氏本雖名大全而實軼去者多矣列朝詩選於先生詩率取諸缶鳴大全豈猶未見是集耶集爲余塾所藏乃成化閒張習企翱所刻也今四庫書館祇大全集十八卷外有鳧藻集古文五卷鈍翁所藏不知歸於何所

李天生評許生淵華嶽集云處處言情却處處是景建安而後惟杜少陵耳公詩乃能之則其推挹之者至矣生洲督學秦中得詩最富所刻華嶽集是也李天生所選訂天生與生洲同膺鴻博之薦氣誼尤篤故說詩最合云

陶廬雜錄

卷二

六

施耦堂侍御爲詩人竹田之子丙戌通籍年已逾四十歲矣以詩文自豪尤精賞鑒辨周秦物絲毫不爽賢士大夫皆樂與之遊晚年風流放誕優伶徵逐酒觴絲竹無日無之故其所作亦皆率情便意較少年倜儻雄直諸篇什如出兩人

覃溪先生告余云山谷學杜所以必用逆法者正因本領不能敵古人故不得已而用逆也若李義山學杜則不必用逆又在山谷之上矣此皆詩家秘妙真訣也今我輩又萬萬不及山谷之本領並用逆亦不能然則如之何而可則且先敲着牙忍性不許用平下不許直下

不許連下此方可以入手不然則未有能成者也

歸安吳隆元以散館歸班進士隨軍營效力議敘得會
考司主事雍正元年癸卯二月分校順天鄉試至八月
會試仍充分校官官已至翰林學士卽蒙 特命隆元
一人教習本科庶吉士二年充江南正考官旋以罪戍
關外卒於戍所不數年開升沈顯晦變幻無常皆非人
能逆料富貴利達之念睹此可以稍釋矣

查隱君晚號海上迂人居龍山與黃梨洲陸麗京雅意
切劇所著文二卷詩二卷詞一卷皆其壻朱達哀集之
者非全本也論古諸作頗具卓識讀之令人慨然

陶廬雜錄

卷二

七

毛初晴選唐人試體詩附載其里人王錫數章他手不
與矜重之抑已至矣錫雜咏諸作世盛傳稱實多平近
率直語然其情閒致逸於此亦畧見一班

德清徐志莘雖由門蔭得官殊不自矜貴沾沾以詩自
豪生平向往眉山下筆清辨滔滔老年放浪溪山與漁
樵爲侶所作尤雄潔可喜裘馬之氣一洗而空

國朝書家無爵位而名著者查二瞻爲最收藏家多秘
惜之余觀所書詩句亦清矯拔俗惜其種書堂遺稿不
可問矣

沈歸愚尙書云郁植字大木號東堂江南太倉人諸生

八歲應試作五倫論吳梅村祭酒見而奇之既長研窮古學爲王新城賞鑒康熙己未以博學鴻詞薦未應試卒詩體裁盛唐不落元和以下讀悲歌六章可以見其生平而吏牘鈔存等書遺其名當據此補之

師荔扉喜刻書宰望江令搜訪邑人龍宮允詩半就淪沒僅得和蘇集梓而行之卷首序多己未諸徵士撰作推許甚摯惜未見其全也世顧賞其瓊花夢芙蓉城傳奇何哉

徐東癡與顧亭林王端士費此度諸名士於康熙己未膺薦舉俱辭不就試王漁洋與東癡爲中表兄弟稱其陶廬雜錄

卷二

八

詩近陶淵明孟東野辛亥秋余邀翁覃溪學士過筠圃草堂閱舊本書有東癡漁洋手校邊仲子詩本內跋語二則東癡墨書漁洋硃書學士摹成神似今藏余齋題者甚衆

嚴海珊詠李副使詩有西涯衣鉢委而去語又云北地雖非西涯門人然如王九思以倣西涯體中選其餘諸子多有親承指授者皆奪於北地之醖改轅背之猶之北地背之也子衡孟獨抵排尤力吳楚繼起祧西涯禍北地惓惓皈依弗替者石文隱羅文肅邵文莊數人耳或海珊不知西涯爲北地癸丑座主

余於書肆買一畫冊不著款淡墨杼寫得大癡山人筆意及驗其私印則崔華也按華太倉人漁洋山人分校所取士詩亦清拔絕俗爲山人所稱許

余嘗病元史最爲譾陋近日錢竹汀少詹廿二史考異中元史頗精詳及觀仁和邵詹事遠平所輯元史類編嘆其爲良史而詹事敘錄中以和禮霍孫赤老温未立傳后妃傳無徵致憾今世喜讀書熟悉有元一代朝章典故能補訂此書者吾不能不有望於凌仲子廣文陳稽亭水部也

黃瑚初主吳梅村繼主葉訥庵嘗爲二公代草年三十

陶廬雜錄

卷二

九

八歿後七年爲康熙己未 詔內外臣僚舉博學鴻儒備顧問葉學士主其事首屈指及先生而先生死矣見顧棟高傳顧於先生爲表叔其言自確然則瑚實未列名薦牘而蒼峴先生文集中乃謂葉學士以瑚名上徵書下病厲不行而死誤矣

蒼峴山人文集陶元淳墓誌銘云益都趙秋谷淄川畢公權皆與君善才望相埒康熙己未 天子開博學鴻詞科光祿何公以君名上君已先期出都門遣騎追還復以病告則子師並未與試不當列入與試未取諸公

名內

國朝三甲進士由詞林躋通顯以勲業德望著者不可勝數如李文勤蔚魏文毅喬介魏果敬象樞王文靖熙湯文正斌熊文端賜履陳文貞廷敬張文端鵬翮徐文敬潮徐文定元夢楊文定名時高文良其倬朱文端軾福文端敏史文靖貽直張文和廷玉張文敏照尤卓卓者也余亦三甲進士由檢討至祭酒緣事議革職 恩旨授編修越二年復官學士

海寧張英字仲張康熙癸丑進士出桐城張文端公之門一時有大小張英之目戊午文端子廷贊又出仲張門仲張雖由是獲譴而針芥之投亦有莫之爲而爲之陶廬雜錄

卷二

十

近人著書當以邵學士晉涵爾雅正義王觀察念孫廣雅疏證阮巡撫元經籍纂詁爲最典洽余見桐城方密之所輯通雅其該博亦不在三家下惜其版久不印今藏姚氏書塾蘇州書賈將購而販賣之甚可喜也

劉文正公書扇詩跋云己卯夏日有以淵鑑類函求售者因次其卷頁略加校讐蟲豸一部爲類甚夥有耳熟其名而未悉形狀亦有心知其貌而未究稱名者始信讀書考定大非易事家侄象山授經之餘寫此二十四種於扇頭因雜錄前人題咏於其背面荆公所云費日

力者其在斯乎公言如此原詩前四行殘闕不可辨識
惟明僧通九咏蜻蜓明趙寬夫咏蜘蛛王西樵咏叩頭
蟲明何景明咏絡緯唐薛維翰咏飛蛾唐僧苾芻咏蝌
蚪宋梅堯臣咏蒼蠅明朱之蕃咏螳螂宋蘇軾咏蝸牛
宋羅處約咏螽斯宋韓維咏蝦蟆明郭善登咏蜜蜂梁
張率詠魚明王叔承咏鱉唐陸魯望咏蜂宋歐陽季直
咏蟬元趙孟頫咏蝴蝶元趙漪淵咏促織宋文與可咏
蚊元張伯雨咏蚱蜢明王元長咏花蟲宋蘇軾咏蜚螂
按蝦魚鱉水族也未可闌入蟲豸中蜜蜂蜂屬也蝌蚪
蛙屬也蚱蜢螽斯屬也不必復見花蟲類商所無也七

陶廬雜錄

卷二

題故刪之補益若干成詩二十八章所謂不賢者識其
小乎抑多識鳥獸草木之名者歟

元國子學總教一人見元史 馮志常太宗時任見元史 按

國子學總教及提舉學校官雖歷是職者甚少然系元

世創設故爲另立提舉學校官一人見元史 郝義恭文宗

時任見元史 領國子十五人並見元史 李棟至元時任見元史

祖紀 宋衢長子人至元時任李謙東阿人至元時任劉

因容城人至元時任李孟上黨人至大時任見元史 仁

張珪皇慶時任許思敬皇慶時任趙世延成都人延祐

時任廉恂至元時任見元史 英 張養浩濟南人至治時

宗紀下同

任富珠哩狝順陽人至治時任韓讓泰定時任姚庸泰

定時任並見元史趙世安天歷時任見元史托哩特穆

爾至正時任見元史按元初多聘耆儒碩學典司教事

中葉更以中書平章領之今類次如右內惟富珠哩狝

後官祭酒不重見兼國子祭酒十二人並見元史蕭剡奉元

人大德時任見元史劉廣洺水人至大年任見元史下同

尙野保定人延祐時任鄧文原綿州人至治年任虞集

泰定時任呂思誠平定人歐陽元瀏陽人元統時任宋

本大都人元統時任劉敏中章邱人至正時任蘇天爵

眞定人至正時任歸暘汴梁人至正時任張翥晉寧人

陶廬雜錄

卷二

至正時任按以上諸人俱係他官兼任又有係專任後

陞任兼職如故仍列祭酒茲不重見祭酒十二人見元史

十一人見元史許衡河內人中統時任見元史王恂唐縣

人至元時任見元史孔洙至元時任見元史張礎渤海

人至元時任見元史苟宗道見元史李之紹平陰人皇

慶時任見元史孔克堅至元時任見元史李好文東

明人至正時任見元史王思誠崞陽人至正時任見元史

傳 陳祖仁汴人至正時任見元史趙子期宛邱人見元史

臺 未詳其名亦未知何時又元史葉李傳薦周砥等十

人爲祭酒等官別無確證今不錄司業二十九人見元史

十一人見元人集者三人見元詩選

小傳者四人見石鼓文音訓者一人伊木沁見元史劉因傳耶

律有尙見祭酒商琥至元時任見元史商挺傳黎立武新喻人見吳

澄草李思衍餘千人見元詩選小傳滕安上中山人見姚燧集李

元禮真定人大德時任見元史本傳暢師文南陽人大德時

任見元史本傳尙野見國子祭酒至大時任李之紹見祭酒皇慶時

任吳澄崇仁人皇慶時任見元史本傳鄧文原見國子祭酒皇慶

時任齊履謙延祐時任見元史本傳富珠哩見兼國子祭酒泰定

時任虞集見兼國子祭酒泰定時任楊宗瑞見元史虞集傳韓鏞濟南

人至順時任見元史本傳呂思誠見兼國子祭酒謝瑜遂寧人見元史本

傳貢師泰宣城人見元史本傳宋褰大都人至元時任見元詩選

陶廬雜錄

卷二

三

小潘迪至元時任見石鼓文音訓王思誠見祭酒至正時任劉敏

中見國子祭酒汪澤民婺源人至正時任吳當崇仁人至正

時任見元史本傳王士能見陳孚玉堂集段輔見元詩選小傳下同王士元臨

汾人按以上三人未詳何時任附此又元史載至元二

十年呂域大德三年楊恒蕭軒仁宗時同恕俱被召不

赴不錄

明兼國子祭酒二十六人並見明太學志謝鐸太平人宏治十

三年任見明太學志下同按明初尙有領國子監事李文忠兼

國子祭酒梁貞以俱係南京國子學故不錄以下各官

並同此例李旻仁和人正德元年任許誥靈寶人嘉靖

八年任吳惠鄞縣人嘉靖十四年任崔桐海門人嘉靖十九年任張袞江陰人嘉靖二十一年任王道武城人嘉靖二十六年任歐陽德泰和人嘉靖二十六年任閔如霖烏程人嘉靖三十年任吳山高安人嘉靖三十年任敖銑高安人嘉靖三十二年任高拱新鄭人嘉靖三十九年任秦鳴雷臨海人嘉靖四十一年任高儀錢塘人嘉靖四十二年任陳以勤南充人嘉靖四十三年任胡正蒙餘姚人嘉靖四十四年任趙貞吉內江人隆慶元年任丁士美清河人隆慶五年任萬浩進賢人隆慶六年任孫應鰲如皋人萬歷三年任余有丁鄞縣人萬

陶廬雜錄

卷二

十四

歷六年任許國歙縣人萬歷八年任張一桂祥符人萬歷十九年任范謙豐城人萬歷十九年任敖文禎高安人萬歷二十九年任傅新德定襄人萬歷三十七年任按以上俱係以他官兼任及有事跡可考者其或暫行署攝如辟雍紀事所載永樂十年梁里許萬歷三十五年沈淮孫承澤學典所載萬歷四十年周道登四十六年張鷟天啟元年成基命崇禎二年倪嘉善等俱官卑任淺不在此例又如先係實授後陞任兼管監事仍列祭酒茲不重見祭酒九十九人

見明太學志八十六人見辟雍紀事者六人

明史者

胡儼南昌人永樂二年任

見明太學志下同

按儼初任

太學祭酒後移建太學仍任祭酒故載自儼始貝泰金
華人宣德二年任李勉時安福人正統六年任蕭鎡泰
和人正統十二年任劉鉉長洲人景泰二年任王恂公
安人景泰四年任陳詢華亭人景泰五年任劉益吉水
人天順三年任司馬恂山陰人天順八年任邢讓襄陵
人成化二年任陳鑿吳縣人成化五年任周洪謨長寧
人成化十一年任耿裕盧氏人成化十二年任邱濬瓊
山人成化十三年任費閻丹徒人成化二十三年任鄭
紀仙遊人宏治三年任林瀚閩縣人宏治三年任黃恂
餘姚人宏治十七年任張潔平南人宏治十八年任周

陶廬雜錄

卷二

五

王臨海人正德二年任王鴻儒南陽人正德四年任王
雲鳳和順人正德四年任石瑤橐城人正德五年任王
瓚永嘉人正德八年任魯鐸景陵人正德十二年任陳
霽吳縣人正德十二年任趙永臨淮人正德十二年任
嚴嵩分宜人嘉靖三年任陸深上海人嘉靖七年任魏
校崑山人嘉靖八年任林文俊莆田人嘉靖十一年任
王激永嘉人嘉靖十三年任賈詠臨潁人嘉靖十三年
任呂柟高陵人嘉靖十四年任許成名聊城人嘉靖十
五年任王教祥符人嘉靖十五年任徐階華亭人嘉靖
二十二年任王用賓咸寧人嘉靖二十四年任周文燭

山陰人嘉靖二十六年任李本餘姚人嘉靖二十七年任孫陞餘姚人嘉靖二十八年任李機豐城人嘉靖三十

二年任茅瓚錢塘人嘉靖三十二年任見辟雍尹臺

永新人嘉靖三十三年任見明太學志下同郭鑿高平人嘉靖

三十四年任林庭機瀚季子嘉靖三十六年任汪鏗鄞

縣人嘉靖四十五年任林嫌庭機子嘉靖四十五年任

胡杰豐城人隆慶元年任王希烈南昌人隆慶元年任

孫鋌陞子隆慶三年任馬自強同州人隆慶四年任林

士章漳浦人萬歷元年任王錫爵太倉人萬歷二年任

姚宏謨秀水人萬歷五年任呂旻龍溪人萬歷五年任

陶廬雜錄

卷二

夫

陳思育武臨人萬歷七年任周子義無錫人萬歷八年

任楊起元歸善人萬歷十年任見辟雍紀事高起愚銅梁人

萬歷十一年任見明太學志下同羅萬化會稽人萬歷十二年

任范應期烏程人萬歷十二年任張位新建人萬歷十

二年任徐顯卿長洲人萬歷十三年任韓世能長洲人

萬歷十三年任李長春富順人萬歷十四年任田一儒

大田人萬歷十五年任黃鳳翔晉江人萬歷十七年任

劉元震任邱人萬歷十七年任盛訥定遠人萬歷十九

年任曾朝節臨武人萬歷二十年任成憲薊州人萬歷

二十一年任蕭良有漢陽人萬歷二十三年任李廷機

晉江人萬歷二十四年任劉應秋吉水人萬歷二十五年任方從哲德清人萬歷二十六年任楊道賓江闕人

萬歷二十九年任黃汝良晉江人萬歷三十年任蕭雲

舉宣化人萬歷三十一年任陶望齡會稽人萬歷三十

一年任周如砥卽墨人萬歷三十五年任朱國禎烏程

人萬歷三十五年任鄧士龍南昌人萬歷四十二年任

劉一燝南昌人萬歷四十三年任盛以宏潼關人萬歷

四十五年任張邦宜興人萬歷四十六年任何如寵桐

城人萬歷四十七年任明史本傳任公鼐蒙陰人泰昌元年

任見明太學志蔡毅中光山人天啟三年任見明史本傳王祚遠

陶廬雜錄

卷二

普安人天啟四年任見明史本傳林鈞同安人天啟七年任

孔貞運句容人崇禎元年任見明史張至發傳顧錫疇崑山人

崇禎二年任見明史本傳吳士元進賢人崇禎四年任見明史本傳

事下同傅冠進賢人崇禎七年任倪元璐上虞人崇禎八

年任見明史程國祥傳張四知河南人崇禎九年任見明史魏紀事李

建泰曲沃人崇禎時任見明史魏德藻傳按以上俱係實授舊

志又載成化六年李紹柯潛嘉靖三十八年沈坤隆慶

九年呂調陽萬歷二十一年陸可教及辟雍紀事正德

三年蔡清均以未任不錄兼國子司業二十一人並見明太

學志劉震安福人成化二十三年任見明太學志下同童承敘沔

陽人嘉靖十四年任趙貞吉內江人嘉靖二十九年任董份烏程人嘉靖三十四年任高儀錢塘人嘉靖三十六年任晁璉開州人嘉靖三十八年任張居正江陵人嘉靖三十九年任孫世芳安東人嘉靖四十一年任黃鳳翔晉江人萬歷十年任張位新建人萬歷十一年任吳中行宜興人萬歷十二年任趙用賢常熟人萬歷十三年任盛訥見祭酒萬歷十四年任余孟麟祁門人萬歷十六年任蕭良有見祭酒萬歷十九年任劉應秋見祭酒萬歷二十一年任黃汝良見祭酒萬歷二十七年任蕭雲舉見祭酒萬歷二十八年任周如砥見祭酒萬歷二十八年任

陶廬雜錄

卷二

六

李騰芳湘潭人萬歷三十二年任湯賓尹宣城人萬歷

三十七年任司業七十二人見明太學志五十九人見辟雍紀事者九人見明史

者一人見孫承澤學典者二人趙季通天台人永樂四年任見明太學志下同

黃廣雲臨淮人永樂九年任董子莊樂安人永樂十年

任趙琬武進人宣德十年任曾暹吉水人景德四年任

吳滙新喻人天順三年任張業安福人天順三年任耿

裕見祭酒成化七年任費閏見祭酒成化十一年任黃恂見祭酒

宏治九年任周玉見祭酒宏治十四年任魯鐸見祭酒正

德二年任王瓚見祭酒正德三年任黃瀾莆田人正德十

年任穆孔暉棠邑人正德十一年任景暘儀真人正德

十一年任陸深見祭酒 正德十三年任吳惠見祭酒 正德十

六年任林時汝寧人嘉靖六年任陳寰常熟人嘉靖十

一年任馬汝驥綏德人嘉靖十八年任張星桂林人嘉

靖十四年任王同祖崑山人嘉靖十八年任江汝璧貴

溪人嘉靖二十二年任周文燭見祭酒 二十三年任李機

見祭酒 嘉靖二十六年任尹臺見祭酒 嘉靖二十九年任林

庭機見祭酒 三十年任王材新城人嘉靖三十四年任呂

調陽桂林中衛人嘉靖四十三年任胡杰見祭酒 嘉靖四

十五年任萬浩進賢人嘉靖四十五年任林士章見祭酒

隆慶二年任馬自強見祭酒 隆慶三年任王錫爵見祭酒 隆

陶廬雜錄 卷二 九

慶四年任余有丁鄆縣人隆慶五年任范應期烏程人

隆慶六年任李日華華亭人萬歷元年任戴洵奉化人

萬歷三年任沈淵新城人萬歷四年任呂旻見祭酒 萬歷

五年任周子義見祭酒 萬歷五年任王宏海安定人萬歷

七年任劉城峽江人萬歷三年任王祖嫡德州人萬歷

十五年任楊起元見祭酒 萬歷十七年任周應賓鄆縣人

萬歷二十一年任葉向高福清人萬歷二十三年任方

從哲見祭酒 萬歷二十四年任楊道賓見祭酒 萬歷二十七

年任沈淮烏程人萬歷三十四年任南師中渭南人萬

歷三十六年任邵景堯象山人萬歷三十九年任周道

登吳江人萬歷四十年任孟時芳蒲州人萬歷四十一

年任公鼐見祭酒萬歷四十八年任駱從宇武康人萬歷

四十八年任張鼐華亭人萬歷四十六年任姜逢元山

陰人萬歷四十八年任見孫承澤學典董其昌華亭人泰昌元

年任見明史文苑傳成基命大名入泰昌元年任見明太學志蔡毅

中見祭酒天啟三年任見孫承澤學典李國楫高陽人天啟四年

任見薛雍紀林鈺見祭酒天啟七年任朱之俊汾陽人天

啟七年任陳盟富順人崇禎元年任姜曰廣新建人崇

禎二年任倪嘉善桐城人崇禎二年任見孫承澤學典陳仁錫

長洲人崇禎二年任見薛雍紀吳士元進賢人崇禎四

年任馬之驥益都人崇禎七年任何瑞徵信陽人崇禎

九年任按以上俱係實授明太學志又載萬歷十四年

習孔教十七年鄧以讚二十三年季道統均以未任不

錄

國朝兼管國子監大臣和碩康親王崇安雍正三年兼

管多羅果郡王允禮雍正三年兼管楊名時江南江陰

人辛未進士乾隆元年以尙書兼管孫嘉淦山西興縣

人癸巳進士乾隆元年以尙書兼管趙國麟山東泰安

人已丑進士乾隆三年以大學士兼管劉吳龍江西南

昌人癸卯進士乾隆六年以尙書兼管宗室德沛滿洲

鑲藍旗人乾隆十一年以侍郎兼管鄂容安滿洲鑲藍旗人癸丑進士乾隆十三年以侍郎兼管觀保滿洲正白旗人丁巳進士乾隆十四年以內閣學士兼管德保滿洲正白旗人丁巳進士乾隆三十年以侍郎兼管悟勒穆濟蒙古鑲紅旗人乾隆三十年以內閣學士兼管陸宗楷浙江仁和人癸卯進士乾隆三十一年以侍郎兼管蔡新福建漳浦人丙辰進士乾隆三十四年以尙書兼管劉墉山東諸城人辛未進士乾隆四十八年以尙書兼署蔡新乾隆四十八年仍以大學士兼管劉墉乾隆五十年以尙書兼管彭元瑞江西南昌人丁丑進

陶廬雜錄

卷二

三

士乾隆五十四年以尙書兼管劉墉乾隆五十六年再以尙書兼管滿洲祭酒固爾嘉渾正黃旗人順治元年任阿都里鑲白旗人康熙四年任賈祿鑲白旗人康熙八年任宜昌阿鑲白旗人康熙十二年任阿里瑚鑲白旗人康熙十九年任常錫布正紅旗人康熙二十五年任德布色正紅旗人康熙二十六年任圖納哈鑲白旗人康熙二十七年任鄂拜鑲藍旗人康熙三十年任博濟正藍旗人康熙三十四年任傅繼祖正藍旗人康熙三十四年任尹泰鑲黃旗人康熙三十四年任特默德鑲白旗人康熙三十闕年任邵穆布鑲藍旗人康熙三

十八年任又以侍郎兼任覺羅滿保正黃旗人甲戌進士康熙四十五年任查喇正白旗人康熙四十八年任登德鑲藍旗人康熙四十九年任花善正白旗人康熙五十二年任齊蘇勒正白旗人康熙六十一年任宗室伊爾登正白旗人雍正元年任塞楞額正白旗人己丑進士雍正二年任鄂爾奇鑲藍旗人壬辰進士雍正四十年任覺羅吳拜正紅旗人壬辰進士雍正十一年任國璉鑲白旗人戊戌進士雍正十三年任敷文鑲黃旗人庚戌進士乾隆三年任開泰正黃旗人甲辰進士乾隆八年任鄂容安鑲藍旗人癸丑進士乾隆八年任鐘音

陶廬雜錄

卷二

三

鑲藍旗人丙辰進士乾隆十二年任觀保正白旗人丁巳進士乾隆十三年任吳達善正紅旗人丙辰進士乾隆十三年任夢麟正白旗人乙丑進士乾隆十五年任雙慶鑲白旗人癸丑進士乾隆十五年任武極理鑲紅旗人緡譯進士乾隆十八年任宗室良誠正藍旗人戊辰進士乾隆十八年任全魁鑲白旗人辛未進士乾隆二十四年任富廷鑲藍旗人丙午舉人乾隆二十七年任宗室良誠乾隆三十一年再任達春鑲白旗人庚辰進士乾隆三十四年任奇臣鑲白旗人己卯舉人乾隆三十五年任宗室良誠乾隆四十一年三任覺羅吉善

鑲藍旗人己卯舉人乾隆四十二年任瑚圖禮正白旗
人丁未進士乾隆五十六年任那彥成正白旗人己酉
進士乾隆五十七年任法式善原名運昌正黃旗人庚
子進士乾隆五十九年任漢祭酒李若琳順天大興人
前明壬戌進士順治元年任薛所蘊河南孟縣人前明
戊辰進士順治五年任胡統虞江南當塗人前明癸未
進士順治五年任傅維麟直隸靈壽人丙戌進士順治
五年任高珩山東淄川人前明癸未進士順治六年任
王崇簡順天宛平人前明癸未進士順治七年任李呈
祥山東霑化人前明癸未進士順治八年任李爽棠順

陶廬雜錄

卷二

三

天大興人丙戌進士順治九年任馮溥山東臨朐人丁
亥進士順治十一年任吳偉業前明辛未進士順治十
三年任張士甄順天通州人己丑進士順治十四年任
金鉉順天宛平人壬辰進士順治十五年任章雲鷺順
天宛平人丁亥進士順治十六年任熊伯龍湖北漢陽
人已丑進士順治十六年任沙澄山東蓬萊人丙戌進
士順治十六年任李中白山西長子人丁亥進士康熙
元年任李儀古直隸任邱人己丑進士康熙二年任綦
汝楫山東高密人乙未進士康熙二年任陳欽永浙江
海寧人乙未進士康熙三年任熊伯龍康熙六年再任

王守才漢軍鑲紅旗人康熙六年任宋德宜江南長洲人乙未進士康熙八年任李仙根四川遂寧人辛丑進士康熙九年任楊正中順天通州人戊戌進士康熙九年任徐元文江南崑山人己亥進士康熙九年任單若魯山東高密人丙戌進士康熙十年任沈荃江南青浦人壬辰進士康熙十三年任馮源濟順天涿州人己未進士康熙十五年任王士禎山東新城人戊戌進士康熙十九年任李元振河南柘城人甲辰進士康熙二十二年任翁叔元江南常熟人丙辰進士康熙二十四年任曹禾江南江陰人甲辰進士康熙二十六年任汪霽

陶廬雜錄

卷二

五

浙江錢塘人丙辰進士康熙二十八年任吳苑江南歙縣人壬戌進士康熙三十一年任張榕端河南磁州人丙辰進士康熙三十三年任孫岳頴江南吳縣人壬戌進士康熙三十四年任四十一年又以侍郎兼任胡作梅湖廣荆門人壬戌進士康熙四十七年任余正健福建古田人丁丑進士康熙四十九年任徐日烜江西高安人戊辰進士康熙五十一年任李周望山西蔚州人丁丑進士康熙五十七年任劉師恕江南寶應人庚辰進士康熙六十一年任王圖炳江南婁縣人壬辰進士雍正元年任王傳江西鄱陽人辛未進士雍正元年任

張廷璐桐城縣人戊戌進士雍正三年任蔡嵩江南南
滙人癸巳進士雍正五年任謝王寵陝西寧夏人丙戌
進士雍正六年任孫嘉淦山西興縣人癸巳進士雍正
七年任邵基浙江鄞縣人辛丑進士雍正十年任崔紀
山西永濟人戊戌進士雍正十三年任李鳳翥江西建
昌人丁丑進士乾隆元年任謝道承福建閩縣人辛丑
進士乾隆四年任崔紀乾隆六年再任陸宗楷浙江仁
和人癸卯進士乾隆十一年任曹秀先江西新建人丙
辰進士乾隆三十年任歐陽瑾江西分宜人癸丑進士
乾隆三十一年署任梁錫璵山西介休人甲辰舉人辛

陶廬雜錄

卷二

五

未經學乾隆三十一年任張裕榮江南桐城人戊辰進
士乾隆三十四年任鄒奕孝江南金匱人丁丑進士乾
隆四十五年任韋謙恒江南蕪湖人癸未進士乾隆五
十二年任鄒炳泰江南無錫人壬辰進士乾隆五十二
年任韋謙恒乾隆五十四年再任汪廷珍江南山陽人
己酉進士乾隆五十六年任胡長齡江南通州人己酉
進士乾隆六十年任陳崇本河南商邱人乙未進士嘉
慶元年任胡長齡嘉慶二年署任錢樾浙江嘉興人壬
辰進士嘉慶五年以侍郎署陳萬全浙江石門人辛丑
進士嘉慶五年以侍郎署滿洲司業

國初設滿洲司業
二員分左右缺乾

隆十二年
裁一員 李虎沙傅達禮正黃旗人白清額鑲白旗人

莽吉圖鑲白旗人駙代曹爾和尹希鑲黃旗人康熙十

六年任葛思泰鑲黃旗人康熙十七年任滿都戶達爾

正黃旗人康熙十八年任拜山正白旗人康熙二十一

年任花善正白旗人康熙二十三年任博濟正藍旗人

康熙二十四年任宋古宏鑲白旗人康熙二十五年任

席爾圖正白旗人康熙三十三年任薩爾圖正黃旗人

康熙三十四年任莫索理正白旗人康熙三十五年任

党阿賴鑲紅旗人康熙三十六年任滿丕正藍旗人康

熙三十九年任登德鑲藍旗人康熙四十五年任常額

陶廬雜錄

卷二

五

正紅旗人康熙四十六年任察爾岱正藍旗人康熙四

十八年任己克塞正藍旗人康熙五十六年任齊二鑲

黃旗人康熙五十七年任明圖鑲藍旗人康熙五十九

年任博禮鑲黃旗人康熙六十年任馬泰正黃旗人雍

正三年任文保鑲藍旗人甲辰進士雍正六年任朱蘭

泰正白旗人庚辰進士雍正七年任那爾布正黃旗人

舉人雍正十年任塞爾登正紅旗人已卯舉人雍正十

一年任開泰正黃旗人甲辰進士乾隆元年任鶴年鑲

藍旗人丙辰進士乾隆八年任鍾音鑲藍旗人丙辰進

士乾隆九年任僧格勒正黃旗人癸巳進士乾隆十二

年任溫敏正黃旗人乙丑進士乾隆十三年任諾敏正
白旗人丁巳進士乾隆十八年任博卿額鑲黃旗人戊
辰進士乾隆二十三年任三十三年以庶子任又以學
士兼任國隆阿鑲黃旗人辛未進士乾隆三十四年任
懷蔭布正黃旗人丙辰進士乾隆四十年任圖敏鑲黃
旗人壬辰進士乾隆四十四年任運昌改名法式善正
黃旗人庚子進士乾隆四十八年任納麟寶正黃旗人
戊戌進士乾隆五十年任德昌鑲黃旗人乙未進士乾
隆五十六年任舒聘鑲白旗人乙酉舉人乾隆五十年
任德文正白旗人庚戌進士乾隆六十年任榮麟正藍

陶廬雜錄

卷二

七

旗人已酉進士嘉慶三年任蒙古司業

國初設蒙古司業一員順治十

七年裁雍正五年復置

牧克登正白旗人雍正五年任根都斯何

鑲紅旗人雍正七年任三達禮正紅旗人乾隆三年任
多爾濟正白旗人乾隆六年任德成正紅旗人乾隆十
二年任吉太正白旗人乾隆二十一年任兆明正黃旗
人乾隆二十七年任伍珠克鑲白旗人乾隆二十九年
任明泰鑲白旗人乾隆三十六年任色布騰鑲黃旗人
乾隆四十年任佛祿鑲藍旗人乾隆四十二年任額爾
克圖鑲白旗人乾隆四十五年任五格正紅旗人乾隆
五十四年任哈拉爾岱鑲白旗人乾隆五十六年任堆

齊鑲黃旗人乾隆六十年任漢司業薛所蘊河南孟縣人前明戊辰進士順治元年任馮杰直隸高陽人前明丁丑進士順治元年任羅憲汶江西南昌人前明癸未進士順治二年任劉肇國湖廣潛江人前明癸未進士順治四年任曹溶浙江秀水人前明丁丑進士順治六年任呂纘祖直隸滄州人丙戌進士順治六年任李爽棠順天大興人丙戌進士順治八年任單若魯山東高密人丙戌進士順治九年任王熙順天宛平人丁亥進士順治九年任曹本榮湖廣黃岡人己亥進士順治十年任姜元衡山東卽墨人己丑進士順治十二年任張

陶廬雜錄

卷二

三

永祺順天大興人壬辰進士順治十三年任楊永寧湖南黃岡人壬辰進士楊義山西洪洞人前明戊辰進士順治十四年任田逢吉山西高平人乙未進士順治十七年任陳洪明漢軍鑲藍旗人順治十八年任陳欽永浙江海寧人乙未進士田種玉順天宛平人乙未進士馬晉允浙江餘姚人戊戌進士張貞生江西廬陵人戊戌進士熊賜履湖廣孝感人戊戌進士康熙元年任熊賜璵湖廣孝感人戊戌進士康熙三年任宋德宜江南長洲人乙未進士康熙三年任李仙根四川遂寧人辛丑進士康熙六年任胡簡敬江南沭陽人乙未進士康

熙六年任田麟直隸永平人戊戌進士康熙七年任楊
正中順天通州人戊戌進士康熙七年任吳國對江南
全椒人戊戌進士康熙七年任杜臻浙江秀水縣人戊
戌進士吳本植直隸安平人戊戌進士康熙八年任陳
廷敬山西澤州人戊戌進士康熙八年任王颺昌山東
高密人戊戌進士康熙九年任譚篆湖廣景陵人戊戌
進士康熙九年任李天馥河南永城人戊戌進士康熙
九年任王封潑湖廣黃岡人戊戌進士康熙十一年任
吳本植康熙十一年再任蘇宣化順天大興人己亥進
士康熙十二年任周之巖浙江蕭山人己亥進士康熙

陶廬雜錄

卷二

无

十三年任葉方藹江南崑山人己亥進士康熙十四年
任蔣宏道順天大興人己亥進士康熙十四年任朱之
佐順天大興人己亥進士康熙十四年任張玉書江南
丹徒人辛丑進士康熙十四年任王維珍漢軍鑲藍旗
人庚戌進士康熙十五年任田喜霧山西馬邑人辛丑
進士康熙十七年任劉芳喆順天宛平人辛丑進士康
熙十九年任彭孫通浙江海寧人己亥進士康熙二十
四年任彭定求江南長洲人丙辰進士康熙二十四年
任董閻江南吳江人癸丑進士康熙二十七年任吳涵
浙江石門人壬戌進士康熙二十八年任徐倬浙江德

清人癸丑進士康熙三十一年任秦宗游浙江山陰人
己未進士康熙三十一年任彭會淇江南溧陽人丙辰
進士康熙三十一年任張豫章江南青浦人戊辰進士
康熙三十三年任魯瑗江西新城人乙丑進士康熙三
十九年任黃叔琳順天大興人辛未進士康熙四十二
年任胡潤湖廣通山人辛未進士康熙四十三年任顧
悅履浙江海寧人甲戌進士康熙四十五年任張德桂
廣東從化人甲戌進士康熙四十五年任熊葦直隸東
鹿人甲戌進士康熙四十八年任汪澂湖廣江夏人甲
戌進士康熙四十八年任張元臣貴州銅仁人丁丑進

陶廬雜錄

卷二

三

士康熙四十九年任李鳳翥江西建昌人丁丑進士康
熙四十九年任樊澤遠四川宜賓人乙丑進士康熙四
十九年任李周望山西蔚州人丁丑進士康熙五十二
年任吳相福建寧洋人癸未進士康熙五十三年任盧
軒浙江海寧人乙丑進士康熙五十四年任陳厚耀江
南泰州人丙戌進士康熙五十五年任謝履忠雲南昆
明人癸未進士康熙五十七年任沈翼機浙江海寧人
丙戌進士康熙六十一年任黃鴻中山東卽墨人戊戌
進士雍正元年任孫嘉淦山西興縣人癸巳進士彭維
新湖廣茶陵人丙戌進士王蘭生直隸交河人辛丑進

士雍正三年任莊楷江南武進人癸巳進士雍正五年
任勵宗萬直隸靜海人辛丑進士雍正六年任崔紀山
西永濟人戊戌進士雍正七年任胡宗緒江南桐城人
庚戌進士雍正九年任陳萬策福建晉江人戊戌進士
雍正十年任習雋江南吳縣人戊戌進士雍正十一年
任王安國江南高郵人甲辰進士雍正十二年任隋人
鵬山東蓬萊人丁未進士雍正十二年任李光瓊福建
安溪人辛丑進士乾隆三年任陸宗楷浙江仁和人癸
卯進士乾隆四年任徐以烜浙江錢塘人庚戌進士乾
隆六年任陳世烈雲南建水人丁巳進士乾隆八年任

陶廬雜錄

卷二

三

陳大論江南溧陽人己未進士乾隆十二年任張九鑑
湖南湘潭人丁巳進士乾隆十三年任吳鼎江南無錫
人甲子舉人辛未經學乾隆十六年任梁錫璵山西介
休人甲辰舉人辛未經學乾隆十六年任王延年浙江
錢塘人丙午舉人乾隆十七年任曹洛禋江南當塗人
己酉舉人乾隆十八年任梁國治浙江會稽人戊辰進
士乾隆十九年任朱璣江西高安人丙辰進士乾隆二
十一年任盧穀貴州貴筑人壬申進士乾隆二十四年
任蔣柵江南常熟人辛未進士乾隆二十五年任張裕
鞏江南桐城人戊辰進士乾隆二十六年任盧穀乾隆

三十一年再任劉亨地湖南湘潭人丁丑進士乾隆三十二年任朱葵元浙江錢塘人甲戌進士乾隆三十三年任王懿修江南青陽人丙戌進士乾隆四十五年任翁方綱順天大興人壬申進士乾隆四十六年任鄒炳泰江南無錫人壬辰進士乾隆四十六年任李潢湖北鍾祥人辛卯進士乾隆五十二年任黃壽齡江西新城人壬辰進士乾隆五十三年任秦潮江南無錫人丙戌進士乾隆五十三年任秦承業江南江寧人辛丑進士乾隆六十年任邵玉清直隸天津人甲辰進士嘉慶二年任周兆基湖北江夏人甲辰進士嘉慶二年任按漢

陶廬雜錄

卷二

三

祭酒司業自順治元年以来參諸各家記錄其人多可指數故所敘次較備至滿洲蒙古設置詳於康熙年以後順治間因革損益則無纂述恭閱 世祖章皇帝實錄順治元年十一月設滿洲司業一員助教二員十五年五月陞司業圖爾哈圖爲祭酒以前未見滿洲祭酒也十六年吏部定以太常寺少卿管滿洲祭酒事太常寺寺丞管滿洲司業事是前此未有成例也十七年三月裁國子監蒙古祭酒司業增設滿洲監承蒙古祭酒司業設於何年又不可考七月以通政司知事白成格戶部主事華善俱爲國子監司業是又不專用太常寺

官矣國子監志及舊碑滿洲司業有白清額花善名白清額無歷任之年花善則在康熙二十三年亦未可爲據會典職官表二書所載皆今制惟王新城尙書徵引稍備又與此多有不同嗟乎百餘年來遺文舊事難於稽核如此謹錄所聞知以俟博洽之士正定焉

唐書食貨志憲宗以錢少商賈委錢諸道進奏院及諸軍諸使以輕裝趨四方合券取之號飛錢王圻稗史類編謂置關子是也方以智通雅盧坦請許於三司飛錢每千增百錢顧炎武日知錄謂飛錢卽今之會票

元史劉宣曰交鈔漢唐以來未嘗有宋紹興初軍餉不

陶廬雜錄

卷二

三

繼造此以誘商旅民甚便之稍有滯礙卽用見錢尙存古人子母相權之意趙孟頫亦言鈔乃宋時所創施於邊郡

宋眞宗時張詠鎮蜀設質劑之法一交一緡以三年爲一界而換之六十五年爲一十二界謂之交子富民主之後富民貲衰轉運使薛田張若谷請置益州交子務私造者禁之大觀元年詔改爲錢引務後增印日多以十年爲一界會輦隆平集曰天聖中民訟不已知益州寇瑊請禁之上曰蜀民用交子久矣罷之可乎李心傳建炎以來朝野雜記大觀元年改交子爲錢引分一貫

楮幣譜蜀民製楮爲券表裏印記隱密題號朱墨閒錯私自參驗書緡之數以便貿易謂之交子凡遇出納本一貫取三十錢爲息後官爲置務熙寧閒戴蒙請置鈔紙院改交子務爲錢引務所鑄印凡六曰敕字曰大料例曰年限曰背印皆以墨曰青面以藍曰紅團以朱六印皆花紋紅團背印則以闕故事監官一員元豐元年增一員掌典十人貼書六十九人印匠八十一人雕匠六人鑄匠二人雜役凡一十二人所用之紙初自置場後慮其有弊以他官董其事隆興元年特置官莅之移

陶廬雜錄

卷二

五

寓淨衆寺紹興五年始創抄紙場於寺旁抄匠六十一人雜役三十人凡引一界滿納舊易新率千人取錢六十四曰貫頭錢其納換不盡者曰水火不到錢今一界所收併貫頭錢凡一百九十萬道總領所權取以供軍儲所印之數自元豐元年兼收兩界之後屢增其額至慶元三年凡一百二十年合四千九百三十七萬一千六百八十道矣而又僞造竊行引日益增錢日益銷子母不能相權然有稱提之法以錢稱提者引價低則官出藏鏹增價與民市引是也以法稱提者凡民以錢輸官當折引則以一貫二百八十爲限是也蓋有錢則有引天聖

所印之數視錢以爲準者也自軍興增科鑿空爲錢天下大計仰給於紙猶幸守和議引之出納有常半藏諸司之庫半流轉於民維持不壞識者有憂其在軍旅之際乎

宋潞州交子熙寧三年轉運司以其法行則鹽礬不售奏罷之

陝交子文彥博言其不便

宋史食貨志潞州交子務熙寧二年置陝西交子務熙寧四年置京西北路交子務熙寧三年置行在交子務紹興六年置

陶廬雜錄

卷二

三

高宗紹興元年神武軍分屯婺州朝廷以水道不通始置見錢關子召商人入中其法入見錢於婺州執關子赴杭越權貨務請錢

食貨志紹興二十年戶部侍郎錢端禮造會子儲見錢於城內外流轉明年詔會子務隸都茶場三十二年定偽造會子法洪容齋三筆印造益多不勝其弊壽皇出內庫銀三百萬兩售於市以錢易楮文獻通考乾道元年戶部侍郎林安宅乞別給會子背印宋世鈔制有交子會子關子之別鈔之名始見於此賴有楮幣譜文字形製約畧可考邱濬謂宋之交會南渡後取紙於徽州

猶是別用紙爲之而印文書字於其上金元之鈔則以桑皮就造爲鈔而印以字紋也

金自貞元至大安中間交鈔之制凡四改始大小鈔並行後專行小鈔春明夢餘錄金人循父子法置交鈔自一貫至五貫五等謂之大鈔自一百至七百五等謂之小鈔稗史類編一貫至五貫名大鈔一百文至七百元文小鈔以七年爲限新舊易跡

金元鈔制以桑皮故紙爲之金史言鈔制爲闌作花紋其上衡書貫例左曰某字料右曰某字號

大學衍義補曰左書號右

書料料號外篆書僞造交鈔者斬告捕者賞錢三百貫料

陶廬雜錄

卷二

美

號衡闌下曰中都交鈔庫準尙書戶部符承都堂劄付戶部覆點勘令史姓名押字又曰聖旨印造逐路交鈔於某處庫納錢換鈔更許於某處庫納鈔換錢官司同見錢流轉其鈔不限年月如字文故暗鈔紙擦磨許於所屬司庫納舊換新支錢換錢剋工墨錢官爲押字稗史類編所云經由行換之法及印章花押者是也貞元初設印造鈔引庫及交鈔庫鈔文云不限年月則是章宗以後更定者泰和七年十月楊序言交鈔料號不明年月故暗雖令赴庫易新然外路無設定庫司欲易無所遠者直須赴都上以問高汝礪對曰今官軍凡納昏

鈔者受而不支於鈔背印記官吏姓名是官吏姓名又有印記於鈔背者范成大攬轡錄七年納換到給錢七十爲陌與金史稍異其曰七年納蓋大定鈔制如此至興定四年鎮南軍節度使溫迪罕思敬上書言宜令以銀鑄錢爲數等文曰興定而未之行至元光珍貨以綾印製則又鈔制之異者矣元之中統銀貨所由昉也

元史食貨志鈔以物爲母鈔爲子子母相權而行世祖中統元年造交鈔以絲爲本蘇天爵元文類銀五十兩易絲鈔一千兩每一貫同交鈔一兩兩貫同白銀一兩王惲秋澗集諸路通行壹拾文貳拾文叁拾文伍拾文

陶廬雜錄

卷二

七

壹伯文貳伯文叁伯文伍伯文壹貫文省貳貫文省元注

文省如七十足陌八十足陌若使同銅錢便省官私利益鈔文故先作文省二字葉子奇草木

子云海運自朱清張瑄始朝廷以二人功賜鈔印聽其自印鈔色比官造加黑印硃加紅輟耕錄葉公李獻至

元鈔樣世皇嘉納使用鑄版春明夢餘錄世祖後造至

元鈔大行以一當五名曰金鈔子道園學古錄至大銀

鈔視中統一當其二十五自中統元年至天歷二年七

十五年中中統鈔共一千五百九十三萬五千三百九

十五錠至元鈔共三千六百一十八萬一千九百二十

九錠至大銀鈔一百四十五錠

外三百六十八錠字闕不知是某鈔共計

五千二百一十一萬七千八百三十七錠可謂富盛矣
惟至大三年所印止五百一十三錠蓋是年兼行錢法
也至順元年以後三十九年中所印造鈔數元史未載
元至正十一年後每日印造不可數記矣

明史食貨志太祖洪武七年設寶鈔提舉司明年始詔
中書省造大明寶鈔命民間通行以桑穰爲料其制方
高一尺廣六寸質青色外爲龍文花欄橫題其額曰大
明通行寶鈔其內上兩旁復爲篆文八字曰大明寶鈔
天下通行中圖錢貫十串爲一貫其下云中書省奏準
印造大明寶鈔與銅錢通行使用僞造者斬告捕者賞

陶廬雜錄

卷二

三

銀二十五兩仍給犯人財產若五百文則畫錢文爲五
串餘如其制而遞減之其等凡六曰一貫曰五百文四
百文三百文二百文一百文每鈔一貫準錢千文銀一
兩四貫準黃金一兩十三年以鈔用久昏爛立倒鈔法
令所在置行用庫許軍民商賈以昏鈔納庫易新鈔量
收工墨直會中書省廢乃以造鈔屬戶部鑄錢屬工部
而改寶鈔文中書省爲戶部與舊鈔兼行十五年置戶
部寶鈔廣源庫廣惠庫入則廣源掌之出則廣惠掌之
二十二年詔更造小鈔自十文至五十文二十五年設
寶鈔行用庫於東市凡三庫各給鈔三萬錠爲鈔本例

收舊鈔送內府令大明寶鈔與歷代錢兼行鈔一貫準錢千文提舉司於三月內印造十月止所造鈔送內府充賞賚明年罷行用庫又罷寶泉局時兩浙江閩廣民重錢輕鈔有以錢一百六十文折鈔一貫者由是物價翔貴而錢法益壞不行成祖永樂二年設北京寶鈔提舉司帝初卽位戶部尙書夏原吉請更鈔版篆文爲永樂帝命仍其舊自後終明世皆用洪武年號云宣德初民閒交易惟用金銀鈔滯不行天順中鈔一貫不能直錢一文隆慶初寶鈔不用垂百餘年天啟時給事中惠世揚復請造行崇禎末有蔣臣者申其說擢爲戶部司

陶廬雜錄

卷二

五

務倪元璐方掌部事力主之然終不可行而止春明夢餘錄曰寶鈔局始於洪武八年永樂仍建局於北京後廢造鈔之法用桑穰料其制方高一尺闊六寸許以青色爲質外爲龍文花欄橫題其額曰大明通行寶鈔內上兩旁復爲篆文八字曰大明寶鈔天下通行中圖鈔貫狀十串則爲一貫其下曰戶部奏準印造大明寶鈔與銅錢通行使用僞造者斬告捕者賞銀二百五十兩仍給犯人財產若五百文則畫鈔文爲五串餘如其制而遞減之每鈔一貫折銅錢一千文紋銀一兩其餘以是爲差其等凡六曰一貫五百文四百文三百文二百

文一百文每鈔四貫易金一兩禁民間不得以金銀貨物交易違者治罪按明初有銀禁恐其或滯錢鈔也而錢之用不出於閩廣宣德正統以後始用於西北自天順成化以來鈔之用益微稗史類編曰今之鈔蓋始於金而元承其制也本朝沿襲之聞洪熙宣德閒猶有百文鈔今但有貫文者每貫值銀三釐錢二文非復國初之直矣今鈔之制以桑楮皮爲之豎長一官尺橫八寸額上橫作楷書云大明通行寶鈔中作楷書一貫二字字下圖一貫錢形左右作疊篆各四字云大明寶鈔天下通行其下楷書鈔法禁例上下鈐戶部印四圍花文

陶廬雜錄

卷二

卑

闌張爾岐蒿庵閒話曰明朝寶鈔之制用綿紙厚如錢色青黎外用墨欄週界界內上端橫書大明通行寶鈔六字其下復爲龍文欄界寬寸許中一橫墨線界爲兩方上方橫書一貫二大字字下畫錢索之形兩旁篆書大明寶鈔天下通行八字下方細書七行書云戶部奏準印造大明寶鈔與銅錢通行使用僞造者斬告捕者賞銀二百五十兩仍給犯人財產洪武年月識以兩朱印印文不可辨背面下截爲花文欄界內橫書一貫兩大字字下亦爲錢索形上截空處亦識以一朱印一貫五百文四百文三百文二百文一百文凡六等制並同

惟橫書字錢索形各如其數嘗聞之一木工云鈔正面
墨欄之長卽鈔尺也墨欄之一長一橫卽民間市尺也
語似有本又曰世傳明鈔大學生課本倣紙爲之其青
黎色是紙墨雜合所致按宋孝宗造湖廣會子亦下江
西湖南漕司根刷舉人落卷及毀抹茶引應副抄造以
宋例明當不誣

陶廬雜錄

卷二

聖

陶廬雜錄卷三

小西厓 法式善

洪邁唐人萬首絕句林清之鈔其佳者得七言一千二百八十首五言一千五十六首六言十五首定爲四卷其書不傳王漁洋山人刪存八百九十五首作者二百六十四人漁洋選本此最精核

十年前余正月遊厥於廟市書攤買宋明實錄一大捆雖不全之書究屬秘本未及檢閱爲友人攜去至今悔之又得宋元人各集皆永樂大典中散篇採入四庫書者宋集三十二種元集二十三種統計八百二十三卷

陶廬雜錄

卷三

一

北宋人文莊集三十六卷夏竦撰金氏文集二卷金君卿撰都官集十四卷陳舜俞撰鄖溪集三十卷鄭獬撰王魏公集八卷王安禮撰雲溪居士集三十卷華鎮撰日涉園集十卷李彭撰南宋人初寮集八卷王安中撰橫塘集二十卷許景衡撰莊簡集十八卷李光撰忠穆集八卷呂頤浩撰紫微集三十六卷張嶼撰相山集三十卷王之道撰大隱集十卷李正民撰澹齋集十八卷李流謙撰北海集十六卷附錄三卷綦崇禮撰浮山集十卷仲并撰方舟集二十四卷李石撰香山集十六卷喻良能撰官教集十六卷崔敦禮撰尊白堂集六卷虞

儔撰東塘集二十卷袁說友撰涉齋集十八卷許綸撰
緣督集二十卷曾丰撰山房集九卷周南撰鶴林集四
十卷吳泳撰東澗集十四卷許應龍撰澗泉集二十卷
韓澆撰臞軒集十六卷王邁撰敝帚稿畧八卷包恢撰
梅壑集十二卷徐元杰撰碧梧玩芳集二十四卷馬廷
鸞撰元人牆東類稿二十卷陸文圭撰青山集八卷趙
文撰紫山大全集二十六卷胡祗通撰青崖集五卷魏
初撰養吾齋集三十二卷劉將孫撰雙溪醉隱集八卷
耶律鑄撰東庵集四卷滕安上撰畏齋集六卷程端禮
撰陳秋巖詩集二卷陳宜甫撰蘭軒集十六卷王旭撰

陶廬雜錄

卷三

二

西巖集二十卷張之翰撰勤齋集八卷蕭剡撰榘庵集
十五卷同恕撰伊濱集二十四卷王沂撰積齋集五卷
程端學撰瓢泉吟稿五卷朱晞顏撰子淵詩集六卷張
仲深撰吾吾類稿三卷吳臬撰性情集六卷周弼撰樗
隱集六卷胡行簡撰庸庵集六卷宋禧撰外附廬山集
五卷元董嗣杲撰英溪集一卷不著撰者姓氏書寫不
工似未及校對之本余雜物少見珍什襲藏之有人許
易二千金靳弗予也

余纂唐文於永樂大典暨各州縣志內採錄皆世所未
見之篇而纂四庫書時唐賢各集實未補入如王勃楊

烟廬照鄰駱賓王陳子昂張說張九齡李邕李白杜甫
王維高適元結顏真卿吳筠劉長卿獨孤及蕭穎士韋
應物李華顧況陸贄權德輿韓愈柳宗元劉禹錫錢起
呂溫張籍皇甫湜李翱歐陽詹李觀沈亞之李紳李德
裕元稹白居易杜牧李商隱劉蛻李頻李羣玉孫樵王
棨皮日休陸龜蒙司空圖韓偓吳融徐寅黃滔羅隱韋
莊杜光庭凡五十五家全書皆已著錄而原集漏略今
一一補載其李百藥長孫無忌魏徵蘇頌孫逖常袞梁
肅令狐楚符載九家全書未著錄見於 內府全唐文
原本今采各書補載亦復不少余別錄爲書乃知元明
陶廬雜錄

卷三

三

以來古籍銷燬於兵火播遷者大可慨嘆也

永樂大典宋人著錄爲備余採蘇叔黨詩文而補趙味
辛所刻斜川集之遺漏惟永樂大典中斜川集系以蘇
邁按邁字伯達坡公長子過字叔黨坡公季子世稱斜
川集爲過作而不曰邁史傳亦然豈有誤歟

南宋大家尤楊范陸惟允延之集世無行本尤西堂所
輯梁溪遺稿詩四十三首文二十五篇亦採自詩文選
本及志乘諸書永樂大典各韻時時遇之余錄成帙付
孫編修平叔平叔意欲刻行延之蓋其鄉前輩也

辛稼軒詩文集世無行本汲古閣刻其詞四卷今收四

庫書中余採自永樂大典詩文各體俱備篇幅寥寥耳
奏議文散見於各韻世傳美芹十論卽在其中詞多汲
古閣所遺零金碎玉深足寶貴萬載辛啓泰鐫版於江
西題曰稼軒集鈔存共九卷予爲之序

南宋羣賢小集三十二冊第一冊危稹吳齋小集一卷
羅與之雪坡小橐二卷高翥菊磻小集一卷第二冊鄒
登龍梅屋吟一卷余觀復北窗詩橐一卷趙崇錡鷗渚
微吟一卷朱南杰學吟一卷王琮雅林小橐一卷吳仲
孚菴潭詩集一卷沈說庸齋小集一卷第三冊王同祖
學詩初橐一卷陳允平西麓詩橐一卷何應龍橘潭詩

陶廬雜錄

卷三

四

橐一卷毛珣吾竹小橐一卷第四冊鄧林皇琴曲一卷
許裴梅屋詩橐一卷融春小綴一卷梅屋三橐一卷梅
屋四橐一卷第五冊胡仲參竹莊小橐一卷陳鑒之東
齋小集一卷施樞芸隱橫舟橐一卷芸隱劬游橐一卷
第六冊徐集孫竹所吟橐一卷吳汝弋雲臥詩集一卷
武行適安藏拙餘橐一卷適安藏拙乙橐一卷高似孫
疎寮小集一卷第七冊葉紹翁靖逸小集一卷張弋秋
江煙草一卷張至龍雪林刪餘一卷杜旃癖齋小集一
卷第八冊劉仙倫招山小集一卷黃文雷看雲小集一
卷趙希櫛抱拙小橐一卷葛起耕檜庭吟橐一卷利登

敝橐一卷第九冊薛嶠雲泉詩一卷第十冊葛天民無
懷小集一卷俞桂漁溪詩橐二卷漁溪乙橐一卷劉翰
小山集一卷張良臣雪窗小集一卷第十一冊張蘊斗
野支橐一卷黃大受露香拾橐一卷林希逸竹溪十一
橐詩選一卷第十二冊敖陶孫臞翁詩集二卷朱繼芳
靜佳乙橐一卷靜佳龍尋橐一卷第十三冊陳必復山
居存橐一卷林尙仁端隱吟橐一卷姚鏞雪蓬橐一卷
劉翼心游摘橐一卷第十四冊宋伯仁雲巖吟草一卷
戴復古石屏續集四卷第十五冊葉茵順適堂吟橐五
卷第十六冊劉過龍洲集一卷姜夔白石道人詩一卷

陶廬雜錄

卷三

五

詩說一卷第十七冊林同孝詩一卷第十八冊李濤蒙
泉詩橐一卷周文璞方泉先生詩集三卷第十九冊薛
師石瓜廬詩一卷第二十冊趙汝錡野谷詩集六卷第
二十一冊周弼端平詩雋四卷第二十二冊李龔梅花
柄一卷翦綃集二卷第二十三冊釋紹嵩亞愚江浙紀
行集句七卷第二十四冊釋斯植采芝集一卷采芝續
集一卷釋承頤雲泉詩集一卷陳起芸居乙橐一卷第
二十五冊陳起編增廣高僧詩選前集一卷後集三卷
續集一卷第二十六冊陳起編前賢小集拾遺五卷第
二十七冊雷樂發雪磯叢橐五卷吳淵退庵遺集二卷

第二十八冊翁卷羣碧軒集一卷趙師秀清苑齋集一卷第二十九冊徐照芳蘭軒集一卷徐璣二薇亭集一卷第三十冊中興羣公吟橐戊集卷一之四戴式之高九萬第三十一冊中興羣公吟橐戊集卷五之七高九萬姜堯章嚴坦叔第三十二冊羣賢小集補遺嘉慶六年石門顧修刻版於杭州雖不盡符陳起陳思陳世隆之舊而采綴精當剞劂亦復工整

江湖後集二十四卷四庫全書館除兩宋名賢小集一百五十卷江湖小集九十五卷著錄外復採自永樂大典勒成此編顧修既刻南宋羣賢小集於杭州并此梓

陶廬雜錄

卷三

六

行其已刊入羣賢集者不錄仍次第元題以備考核誤入他家集者詩刪之而存其題可謂繁簡不紊

康熙四十四年朱竹垞編刻明詩綜自序云合洪武訖崇禎詩甄綜之上自帝后近而宮壺宗潢遠而藩服旁及婦寺僧尼道流幽索之鬼神下徵諸謠諺入選者三千四百餘家或因詩而存其人或因人而存其詩閒綴以詩話述其本事死封疆之臣亡國之大夫黨錮之士暨遺民之在野者皆著於錄焉析爲百卷庶幾成一代之書議者謂隆萬以後收取太多誠此書之一病然遺聞佚事頗足以資考證焉

余旣鈔江湖小集九十五卷

善本題宋陳起編凡六十二家

江湖後集

二十四卷

宋陳起編原本久佚今從永樂大典錄出按大典有前集有後集有續集有中興江湖集

較世傳江湖小集多四十七家詩餘二家又有人已見小集中而詩未載者十七家

兩宋名賢小集一百五十七卷

舊本題宋陳思編元陳世隆補

復借四庫底本宋人

楊億武夷新集詩五卷陶弼邕州小集一卷釋重顯祖

英集二卷鄭俠西塘集詩一卷趙鼎忠正德文集詩一

卷葉夢得建康集詩一卷黃彥平三餘集詩一卷潘良

貴默成集詩一卷吳可藏海居士集二卷羅從彥豫章

文集詩一卷阮閱郴江百咏一卷呂本中東萊詩集二

十卷歐陽澈歐陽修撰集詩三卷高登東溪集二卷胡

陶廬雜錄

卷三

七

銓澹庵集六卷

文在內

胡宏五峯集詩一卷胡寅斐然集

詩四卷汪應辰文定集詩一卷陳長方唯室集詩一卷

林之奇拙軒集詩一卷周紫芝太倉稊米集詩二十九

卷鄭樵夾漈遺稿詩一卷趙公豫燕堂詩稿一卷周麟

之海陵集詩一卷羅願鄂州小集詩一卷尤袤梁溪遺

稿一卷喻良能香山集十六卷劉鑰雲莊集詩二卷洪

邁野處類稿二卷洪适盤洲集詩三卷劉應時頤庵居

士集二卷張鑑南湖集詩九卷楊冠卿客亭類稿詩二

卷史堯弼蓮峯集詩二卷廖行之省齋集詩八卷周南

山房後稿詩一卷高翥菊澗集一卷高鵬飛林湖遺稿

一卷高似孫疎寮小稿一卷度正性善堂稿詩四卷劉過龍洲集詩十五卷洪咨夔平齋集詩一卷汪暉康範詩集一卷鄭清之安晚堂詩集七卷詹初寒松閣集一卷李曾伯可齋雜稿詩六卷方大琮鐵庵集詩一卷游九言默齋遺稿詩一卷趙孟堅彝齋文編詩二卷張侃拙軒集詩四卷吳錫疇蘭泉集三卷張堯同嘉禾百咏一卷趙必瓊覆瓿集詩二卷舒岳祥閩風集十卷衛宗武秋聲集四卷董嗣杲廬山集五卷英溪集一卷真山民集一卷方鳳存雅堂遺稿詩一卷于石紫巖詩選三卷以上五十九家二百二十卷七卷存素堂墨格紙鈔元風雅二十四卷前集十卷元

陶廬雜錄

卷三

八

傅習輯孫存吾爲之編次後集十二卷則存吾所編輯也前集劉因以下一百十四家後集鄧文原以下一百六十六家乾坤清氣集十四卷明偶桓編所錄上該金宋之末下逮明初朱彝尊極稱之復借四庫底本鈔元人艾性夫剩語二卷張觀光屏巖小稿一卷王奕玉斗山人集三卷楊宏道小亨集六卷程端禮畏齋集六卷文三卷附陳宜甫秋巖詩集二卷尹廷高玉井樵唱三卷釋大訢蒲室集詩一卷侯充中艮齋詩集十四卷劉鶚惟實集四卷宋无翠寒集一卷洪焱祖杏亭摘稿一卷唐元筠軒集詩八卷李存俟庵集詩一卷朱晞顏鯨背吟集一卷周伯琦近光集三卷扈從詩一卷納新金臺集二卷張仲深子淵詩集六卷陳鑑

午溪集十卷李繼本一山集詩二卷沈夢麟花谿集三卷趙汭東山存稿詩一卷以上二十二家八十二卷借鈔官書不得過多時日攜歸又恐污損是年因謄寫七閣書甫畢書手閒居京師者甚多取值特廉余以提調院事小史亦有工書之人揀永樂大典中世所罕見而卷軼較畧者分日鈔繕受業生徒十餘人亦欣然相助閱三月而功藏鉅集則不暇及矣粗校一過底本卽歸大庫其中缺畧訛舛極多卷數與原書亦有不符處則小史之所爲何日得同志排纂勘閱補缺刪複勤爲成書亦學士大夫所樂觀厥成者也

陶廬雜錄

卷三

九

余所藏顧瑛草堂雅集十三卷鮑以文家物也世無刻本朱竹垞僅於吳門醫士陸其清家一見阿瑛所居玉山擅林泉之勝性喜賓客交游滿天下瑛晚年自號金粟道人酬唱皆一時勝流因仿漢上題襟集例編爲此書自陳甚至釋自恢凡七十人同時又有耕漁子徐達左者字良夫居蘇州光福里聲聞亦阿瑛亞輯金蘭集三卷其附錄一卷兄子濟所輯也十一世孫校刊之余輯清秘述聞僅及本朝而涇邑學官黃崇蘭倣余體例又搜及有明一代閒稽掌故缺遺尙多以余所割記數十條鈔諸前人刻本諸書中者一二百條附益之

因見四庫書存目中有明三元圖考諄託南中友人購於書賈較諸書畧備而詩類一卷殊寥寥不足資流覽檢案頭所存多至倍蓰繼復考志乘雜記卷冊軸牘又得若干則可謂物聚於所好焉篇什太多不能鈔撮又無好事者勒成一書剗劂之而余耗費精力凡五閱月大可惋惜薈錄其目且謂天下事不爲則已爲則未有不成者也記其目於左以待芟其復而敘其後先云

御選明詩吳伯宗二首練子寧十首黃觀二首胡廣一首尹昌隆一首吳溥三首曾棨四十七首周述三首周孟簡一首陳全四首苗衷一首馬鐸一首林志一首陳

陶廬雜錄

卷三

十

循三首曾鶴齡一首馬愉一首林文一首周旋一首劉定之一首倪謙三首劉儼一首商輅十一首岳正二首柯潛一首呂原五首王德一首徐溥一首陸欽十三首羅倫二首程敏政五十四首章懋十二首張昇一首吳寬四十四首謝遷三首王鏊十六首梁儲二首黃珣一首趙寬十九首儲燿四十五首費宏二首羅玘七首錢福一首劉龍一首魯鐸二十八首謝丕一首康海三十三首呂柟一首景暘二首吳山二首楊慎一百三十六首唐皋一首蔡昂一首舒芬七首崔桐一首陸欽二首張治二十五首姚棗一首徐階五十三首李舜臣二首

龔用卿五首趙時春八首羅洪先十一首唐順之四十
首程文德一首孔天允一首孫陞二首許穀十三首茅
瓚一首袁燁二首陸樹聲九首瞿景淳一首傅夏器四
首申時行四十七首余有丁一首王錫爵三首黃鳳翔
十九首趙志皋一首田一雋一首張元忭二首鄧以讚
一首孫繼皋四首孫鑛一首沈懋學二首馮夢禎八首
朱國祚二十一首李廷機一首劉應秋一首唐文獻二
首楊道賓二首袁宗道十三首焦竑二十三首吳道南
一首陶望齡三十首朱之蕃一首湯賓尹五首趙秉忠
一首顧起元六首張以誠二首王衡三十二首許獬一

陶廬雜錄

卷三

七

首孫承宗十二首韓敬一首錢士升一首陳子壯一首
文震孟二首傅冠一首陳仁錫三首吳孔嘉二首劉理
順一首劉同升二首原明顧鼎臣編吳承恩補狀元圖
考胡廣一首曾棨六首周孟簡二首蕭時中二首商輅
五首柯潛二首程敏政五首吳寬六首朱希周三首楊
慎五首陸欽一首羅洪先三首唐順之四首羅程一首
袁燁二首王錫爵三首范應期二首田一雋一首鄧以
讚三首馮夢禎二首唐文獻二首袁宗道一首焦竑六
首顧起元四首楊守勤一首任亨泰一首盧原質一首
許觀一首李騏一首曹熊一首施槃一首岳正二首黎

淳二首謝遷二首王鏊三首費宏一首錢福三首顧鼎臣一首唐汝楫一首申時行三首羅萬化一首趙志皋一首沈懋學三首曾朝節一首朱國祚二首李廷機一首陶望齡四首朱之蕃四首程楷四首霍韜一首倪謙一首彭時一首章懋一首靳貴二首康海一首徐階一首明俞憲撰明百家詩康海一卷楊慎一卷徐階一卷唐順之二卷羅洪先一卷孔天允一卷練子寧一卷曾棨一卷許穀一卷明李伯璵馮原同編文翰類選大成吳伯宗二首林誌二首胡廣二十六首吳溥十首尹昌隆一首曾鶴齡七首周述十六首蕭時中三首周孟簡

陶廬雜錄

卷三

士

五首馬愉一首林環二首劉素二首孫曰恭一首馬鐸二首洪英一首陳循一首彭時一首黃諫二首許觀一首呂原二首林文一首陳文一首王僎一首倪謙二首彭華二首曹鼐一首明宋宏之編四明風雅楊守陔四首陸鈇十八首姚涑九首明蔣一葵纂堯山堂外紀李旻一首明朱存理集錄鐵網珊瑚陳鑑一首明譚耀定張縉彥刪補岱史楊維聰一首李春芳一首諸大綬二首張元怵二首余孟麟三首明孔允植重修闕里志霍韜四首楊維聰一首羅璟一首諸大綬一首明朱隗哀次明詩平論陳名夏四十八首明朝詩集吳伯宗二首

胡廣三首林環五首曾棨三十五首周述一首吳溥二
首岳正八首陳循五首劉定之六首陸鈇三十六首倪
謙三首劉儼一首彭華一首章懋一首董越二首謝遷
二首梁儲一首費宏六首羅倫十三首魯鐸四十七首
吳寬一百五十九首王鏊三十八首程敏政四十二首
儲燾六十二首康海十首景暘一首楊慎一百七十首
唐順之六十首羅洪先三十首趙時春三首張治十四
首李舜臣一首孔天允八首龔用卿四首徐階八首袁
燁二首申時行十一首陸樹聲二首孫承宗二十首馮
夢禎十四首陶望齡五十首焦竑七首王衡十首朱彝

陶廬雜錄

卷三

七

尊錄明詩綜吳伯宗一首黃子澄一首練子寧一首胡
廣二首吳溥三首曾棨八首周述三首周孟簡一首林
環一首陳全一首馬鐸一首林誌一首陳循六首曾鶴
齡一首馬愉一首林文一首周旋一首劉定之一首倪
謙一首呂原十首姚夔一首商輅一首岳正一首柯潛
一首王慎一首徐溥一首彭華一首陸鈇一首羅倫一
首程敏政九首章懋一首張昇一首吳寬十三首謝遷
一首王鏊四首梁儲一首黃珣一首趙寬一首儲燾七
首費宏一首錢福一首靳貴一首劉龍一首魯鐸三首
顧鼎臣一首謝丕一首呂柟一首景暘二首邵銳一首

楊慎二十五首唐皋一首蔡昂一首霍韜一首舒芬一首
崔桐一首陸欽五首張治三首姚涑一首徐階十三
首李舜臣二首龔用卿二首趙時春二首羅洪先六首
程文德一首唐順之十二首孔天允一首孫陞二首許
穀八首茅瓚一首袁燁一首瞿景淳一首申時行七首
余有丁一首王錫爵三首羅萬化一首黃鳳翔二首趙
志皋二首田一儁一首張元忭一首鄧以讚一首孫繼
皋六首余孟麟一首孫鑛二首沈懋學三首曾朝節一
首馮夢禎十一首朱國祚五十八首李廷機一首劉應
秋一首唐文獻五首楊道賓一首袁宗道二首焦竑二

陶廬雜錄

卷三

古

首吳道南一首陶望齡六首朱之蕃一首湯賓尹一首
孫慎行一首趙秉忠一首顧起元六首張以誠一首王
衡六首許獬一首韓敬一首錢士升一首文震孟二首
陳仁錫一首劉理順一首傅冠一首劉同升二首陳子
壯二首朱彝尊纂日下舊聞盧原質一首施何牧錄明
詩去浮練子寧一首黃子澄一首曾榮五首周述二首
陳循一首商輅一首吳寬三首儲燿三首康海四首楊
慎七首舒芬一首徐階三首羅洪先三首唐順之五首
許穀一首陸樹聲一首瞿景淳一首申時行四首鄧以
讚一首馮夢禎五首曾朝節一首朱國祚一首陶望齡

一首張以誠一首文震孟一首劉理順一首魏憲選詩
持傳夏器六首汪森編輯粵西詩載程敏政三首魯鐸
二十首鄒守益六首楊慎一首程文德九首錢溥一首
吳寬三首唐順之一首吳道南一首劉定之二首孫陞
十首任亨泰四首倪謙三首陳子壯一首章懋一首崔
桐一首張治二首陳鑑二首舒宏志一首徐階一首黃
諫二首陳中一首曾煥編輯江西詩徵吳伯宗十一首
練子寧二十九首黃子澄十首胡廣十三首尹昌隆八
首吳溥十首曾榮四十五首周述八首周孟簡二首陳
循十首劉江一首曾鶴齡三首劉定之七首劉儼一首

陶廬雜錄

卷三

五

彭時一首吳滙六首彭華六首徐瓊二首彭教八首羅
璟一首羅倫二十五首張昇十五首董越六首費宏三
十一首羅玘十九首羅欽順十首鄒守益十二首舒芬
三十首羅洪先二十五首張春十一首姜金和一首鄧
以讚一首劉應秋六首傅冠一首劉同升十二首顧光
旭集梁溪詩鈔吳情一首孫繼皋九首華琪芳十首汪
學金錄婁東詩派陸欽十三首毛澄一首王錫爵五首
王衡四十首吳偉業一百七十四首吳定璋錄七十二
峯足徵集施槃八首王鏊四十七首王昶編輯青浦詩
傳徐階二十七首陸樹聲二十六首張以誠一首吳玉

摛阮葵生同編山陽耆舊詩沈坤二首丁士美六首蔡
昂四十一首夏曰瑚二首蔡綦春施閻章同編宛雅沈
懋學四十首湯賓尹六首胡文學李嗣鄴同編甬上耆
舊集詩楊守陟四十首豐熙二十七首余有丁十二首
沈季友編構李詩繫呂原一首馮夢禎五首朱國祚四
首錢士升七首朱炎編金華詩錄章懋五首程文德三
首唐汝楫二首趙志皋十六首黃登訂定嶺南詩選梁
儲六首倫文敘一首霍韜八首倫以訓三首黃士俊一
首陳子壯十二首梁善長輯廣東詩粹梁儲三首倫文
敘一首劉存業一首霍韜二首倫以訓一首林大欽一

陶廬雜錄

卷三

六

首陳子壯十一首高士熙編湖北詩錄賀逢聖一首蕭
良有二首裴綸二首張懋修一首曾可前二首魯鐸十
首任亨泰二首廖元度集楚風補曾朝節二首張嗣修
一首蕭良有一首袁宗道五首曾可前一首宋弼輯山
左明詩鈔馬愉五首王勅一首李廷相七首李舜臣二
十八首趙瑾輯晉風選孔天允十六首郭翀一首王士
俊監修河南省通志呂柟一首劉理順二首石麟監修
山西省通志康海五首呂柟六首劉定之三首劉龍二
十五首張以誠二首劉於義監修陝西省通志趙時春
一首西江志吳伯宗四首費宏七首羅倫六首張昇七

首彭時二首羅洪先十三首劉同升十三首嵇曾筠監修浙江省通志陶望齡十一首黃廷桂監修四川省通志周洪謨四首鄂爾泰監修雲南省通志張瑞圖一首大興縣志林環一首蕭時中一首宛平縣志黎淳一首陸樹聲一首林環一首蕭時中一首泰和縣志曹鼎二首信陽州志何瑞徵一首黃氏擴殘集黃珣十四首秦恩復藏李太夫人九十壽詩冊楊維聰一首曾榮西墅集十卷儲燿柴墟文集十五卷靳貴戒庵文集四卷孫鑛居業次編四卷唐文獻占星堂集十五卷吳道南文哲公集三十二卷高爾儼文端公古處堂集十二卷明

陶廬雜錄

卷三

七

曹學佺石倉歷代詩選林環一卷陳全一卷洪英一卷周旋一卷黃諫一卷柯潛一卷錢福一卷姚涑一卷龔用卿一卷林春一卷李春芳一卷傅夏器一卷陳謹一卷曹大章一卷張元忭一卷鄧以讚一卷翁正春一卷史繼偕一卷朱之蕃一卷戚學標三台詩話陳選一首俞蓮石雜記張信一首巴縣志楊名一首劉春一首宛雅三編楊昌祚一首永新縣志劉昇一首陳莊靖公集趙恢一首弋陽縣志汪俊一首忠愛祠詩集鄭環一首費闇一首劉戩一首曾彥一首李永通九首費太史詩稿費懋中四首謝文壯公集謝一夔_{初姓于}四首梧桐集

黃初八首無爲州志邢寬一首長寧縣志周洪謨十九首李永通八首汾陽縣志孔天允十六首連江縣志趙恢一首南靖縣志李貞四首龍溪縣志林鈺八首建陽縣志丁顯二首黃暘一首戴大賓二首李仁傑五首永春州志莊際昌一首寧化縣志張顯宗三首陳狀元集陳諫九首林狀元集林震十六首

南昌彭文勤公云魏叔子成室越日卽與其妻謝孺人異寢終身不同居處叔子辭徵聘以庚申十一月十有七日卒於儼徵訃至孺人呼號連日不食死故叔子無後叔子嘗曰吾有三男左傳經世爲長男日錄爲中男

陶廬雜錄

卷三

六

集爲三男彭躬庵曰由三者進而廣之其子孫千億無有窮極則是叔子未嘗死也

黃氏攬殘集梨洲徵君手訂也梨洲著述甚富獨此集不傳爲崑山徐氏所稱許余偶于坊肆買歸版刻甚精黃珣文僖公集黃文煥開州集黃韶道南先生集黃嘉仁半山先生集黃嘉愛潁州集黃元釜丁山先生集黃尙質景州集黃伯川蟄庵先生集凡八家梨洲有序

詩的六十卷長沙陶煊輯同里張燦參訂之刻於康熙六十年前有陳鵬年孫勣杜詔程夢星王棠先著周儀許炳費錫潢九序滿洲一卷盛京二卷直隸二卷江南

十七卷江西二卷浙江八卷福建二卷湖廣十卷附石溪詩

陶煊著

一卷石漁詩

張燦著

一卷山東二卷河南二卷

山西一卷陝西二卷四川一卷廣東一卷廣西一卷貴州一卷雲南一卷凡例所云顏以的者固以張射者之鵠亦以挽旣頽之波語涉矜誇雖未必然然倣三百篇遺意茲稱鴻裁余久欲倣而爲之工程浩鉅望洋而已田茂遇董俞纂十五國風高言集以一省之詩爲一編亦此例也惜今無存

泰州鄧漢儀選詩觀凡三集初集十二卷刻於康熙十一年二集十四卷別集二卷刻於康熙十七年三集十

陶廬雜錄

卷三

九

三卷別集一卷刻於康熙二十八年蓋初二集爲應詔徵舉以前所輯三集則在京師有澄觀錄之選放歸重輯爲此二集自序有勉將菽水以遂烏私之語其志殆不在精覈矣

王新城尙書感舊集十六卷德州盧見曾所重編乾隆十七年補刊於揚州者也作者三百三十三人詩二千五百七十二首竹垞序云凡五百餘首者與此不合此本出宛平黃崑圃侍郎家爲新城晚年更定未成之書耳其詩多主神韻宛然一家言

四庫書目載魏憲字惟度福清人選百名家詩因曹學

徐十二代詩選止於天啟故補之自天啟甲子至康熙
壬子縉紳方外得百人人各立一小引憲詩附後余見
憲輯自魏裔介訖憲凡九十一家所列葉方藹十家目
已芟去殆後人重刻本耳卷前恭載康熙二十一年正
月十四日 御製昇平嘉宴詩

山左詩鈔五十六卷家集一卷閨秀一卷流寓一卷方
外青衣仙鬼合一卷共六十卷德州雅雨山人盧見曾
纂得人六百二十餘家詩五千九百有奇又附見詩一
百十九首成於乾隆二十三年每人各系以小序頗稱
詳備其自序云用以上繼遺山殆是集之微意歟

陶廬雜錄

卷三

三

山左明詩鈔三十五卷德州宋弼選益都李文藻於乾
隆辛卯年刻於廣東新安縣署中李序是書選刻始末
甚詳昔新城欲輯海右五十家詩而弗果茲合路中允
斯道惠文學棟兩家選本又幸盧氏舊藏稿本失而復
得終獲行于世斯可寶也

粵西詩載二十五卷附詞一卷桐鄉汪森編森字晉賢
官桂林府通判在粵西採綴遺佚歸田借曝書亭所藏
書補成之自漢迄明分體各載

新安朱觀字自觀選 國朝詩正八卷裴之仙序之刻
於康熙五十三年觀有歲華紀勝羣芳紀勝諸書

于野集十卷青浦王原選而序之朱霞姚廷謙陸崑曾
陳崑董杏燧張琳徐是倣姚翱姚培之朱奕何默胡映
隆陸鈇王集所作刻於康熙六十年

梅氏詩畧十二卷梅清集定唐梅遠由吳之宣城爲掾
家焉自遠迄翱凡一百一十六家一門風雅可謂盛矣
前有湯燕生梅銷二序銷序作一百八家

蜀雅二十卷羅江李調元選調元字雨村刻書甚富惜
卷帙繁重不克風行海宇此書雖於全蜀詩人不能完
備而亦足規大凡矣聞有續刻未見

韓江雅集十二卷胡期恒唐建中程夢星馬曰琯汪玉

陶廬雜錄

卷三

五

樞厲鸚方士庶王藻方士虔馬曰璐陳章閔華陸鍾輝
全祖望張士科方士序十六人所作前有沈歸愚尙書
乾隆十二年序

東臯詩存四十八卷汪之珩徵輯之珩字楚白如臯人
是集選其邑人詩自宋胡瑗迄之珩自作詳畧不能悉
當乾隆三十一年刻行前有袁簡齋序蓋其時之珩已
沒矣

陳毅字古漁纂所知集初編十二卷成於乾隆三十一
年袁枚蔣士銓序行之二編八卷成於三十九年盧文
昭何忠相序行之三編十卷成於五十六年其時古漁

已沒懷寧潘瑛刻之王寬作序

晉風選十卷序凡例一卷目次一卷順治庚子趙瑾編於京邸前有沙澄序云選內姓名里爵燦若指掌試一屈指強半忠臣孝子老師宿儒之所爲而瑾序中亦有學詩必破萬卷書作千年想語其自命亦不凡矣惜康熙年以後之詩闕如分體排次亦未安

二南遺音者關中之詩也三原劉紹攸編始孫枝蔚李因篤一百四十人凡四卷履貫畧具刻於乾隆二十八年

據經樓詩選十四卷分體類編彭廷梅稟紫瓊道人意

陶廬雜錄

卷三

三

所輯故多高澹之音道人序其端云矯其性者損而除之正氣勃勃從紙上出毫無乖氣相戾可以知道人之寄託焉乾隆七年刻

阮學濬序連枝圖云連枝圖者武陵許君默齋爲其弟仲昭旣沒而繪者也一時題咏頗有可觀吾師曹文恪公亦爲作序有初集次集之刻默齋名承基

長沙廖元度彙集楚詩紀二十二卷方外一卷順治乙酉起康熙癸酉止楚風補二十六卷拾遺一卷皆明代之作共五十卷刻於乾隆十八年天津周人驥河南呂肅高作序四庫書總目則載楚風補五十卷不載楚詩

紀且謂此書成於康熙甲子丙子之間乾隆丙寅長沙知府呂肅高刪定刻之意主貪多冗雜特甚摘其舛漏附會數條此殆呂所訂者非元度原本與余所見不同正聲前集八卷續集八卷桐城項章輯前集隨見隨刻無所選擇續集則採諸坊間選本者亦乏卓識但其間頗有不傳之作賴此以存亦可珍也刻於乾隆三十四年

練音集補王輔銘編輯銘字翊思嘉定人明翟校採嘉定人詩自宋天聖迄明宏治輯爲七卷板毀於倭輔銘釐定搜補頗備

陶廬雜錄

卷三

五

國朝練音集十二卷共三百人畧仿翟例而載現存之人甚多并其子之詩亦附入識者譏其濫焉刻於乾隆七年前有張鵬翀沈德潛二序

河南自明趙彥復江元范刻梁園風雅後迄今無專刻余見梁園風雅三十七卷爲商邱宋牧仲重鏤本甚工吳會英才集二十卷尙書畢沅輯其賓佐之詩名篇秀句往往而在作者十二人多爲余舊識各有專集行世此皆其少作

詩品十八卷附二卷天長陳以剛選刻於雍正十二年自吳偉業以下三百四十餘家方外三十餘家閩秀十

九家雖有世故之見存時時有具隻眼處不可沒也
構李詩繫四十二卷平湖沈季友編其一郡之詩前有
朱彝尊金南英二序一卷漢晉陳唐五代二三卷宋四
五六卷元七卷至二十二卷明二十三卷至二十九卷
國朝三十卷至三十三卷方外三十四三十五卷閩
秀三十六卷仙鬼三十七卷至四十一卷題咏四十二
卷諺諺去取精當輯錄家最善之本

沾上題襟集乾隆五年宛平查爲仁選刻錢塘厲鶚嘉
定張鵬翀序之釐爲八卷第一卷劉文煊詩一百一首
附三首第二卷吳廷華詩七十五首附四首第三卷查

陶廬雜錄

卷三

三

爲仁詩七十三首附七首第四卷汪沆一百四首附一
首第五卷陳皋詩五十八首附四首第六卷萬光泰詩
九十七首附五首第七卷胡睿烈詩六十八首附四首
第八卷查學禮詩一百三首附六首新穎之篇甚多錄
木印紙俱極工雅

七十二峯足徵集詩八十六卷詞二卷吳定璋編定璋
字友篁吳縣人採歷代文人產太湖七十二峯間者錄
其所作爲是集不分時代每姓類從題曰某氏合編人
系小傳意主該洽前有沈德潛秦蕙田二序刻於乾隆
九年

梁溪詩鈔五十八卷顧光旭集漢一人晉一人宋一人唐一人北宋九人南宋十二人元十四人明三百人國朝七百餘人流寓閩媛方外附焉凡千一百十八倣中州集例小傳簡而該前有老人王一峯序刻於乾隆五十九年

三隴詩選十卷羅定彭沃選其一州人之詩而以己詩與其子詩附焉羅定建于前明萬歷文教始興能以聲律相砥厲亦可尙也前有何夢瑤陳華封二序刻於乾隆二十五年

廣東詩粹十二卷順德梁善長編第一卷唐六人五代

陶廬雜錄

卷三

五

一人宋二十二人元四人第二卷明二十三人第三卷明三十八人第四卷明四十三人第五卷明三十八人第六卷明三十一人第七卷明三十九人第八卷明六十八人第九卷明六十八人第十卷明二十八人第十一卷國朝十九人第十二卷國朝五十九人雖收明人詩過多甄覈稱審確論粵詩數則亦簡當印鏤甚精成於乾隆丁卯年前有王之正序

海沲集無卷數顧邦英選定刻於乾隆十七年前有陳士璠李錯喻世欽序及邦英自序而汪松顧邦英甘運源王麟書甘運瀚五人之詩也雖偶然乘興爲之不足

覘作者蘊蓄然時見一斑矣

宛雅初編梅鼎祚輯二編施閏章蔡棻春續輯三編張汝霖施念曾補輯而刻於乾隆十七年劉方謁梅穀成序之並載梅鼎祚施閏章蔡棻春李士琪陸壽名原序于前初編詩十卷六百四十六首唐二人宋九人元五十九人明洪武至正德二十一人二編詩八卷四百五十一首明嘉靖十二人隆萬四十三人天崇十八人三編詩二十卷一千四百一首唐三人五代一人宋三人元五人明三十人 國朝二百十五人閩閩四人方外十七人伎女一人聯句逸句一卷詩話三卷

陶廬雜錄

卷三

五

邗上題襟集續集後續集無卷數南城會煥輯始於乾隆癸丑年陸續付雕皆其朋好唱酬贈答之作頗稱繁富

詩存分編二卷卓娛圖緝八旂人詩一卷拉歌以下八人二卷峻德以下九人似非完書偶然刻之者也然此十七人之詩時有佳篇每人詩末各著評跋頗見眉目南邦黎獻集十六卷鄂爾泰輯文端於雍正三年官江南布政使下車延訪真才建春風亭會課所得佳編夏集成卷類編付梓頗稱好事甄拔之士一時翹楚

南州詩畧十六卷當塗朱滋年輯滋年祖輅講學南州

錄其鄉里之作凡宦游流寓題咏山水及與南州士夫唱酬者皆散見於卷中茲年補綴刻於乾隆三十八年併以其祖輅父敏聞詩暨己作附後沈歸愚尚書序之雲間杜氏詩集無卷數青浦杜世祺分體編次成書於康熙十四年自明初杜隰以下至杜天錫九十三人補遺十一人前有沈荃董俞張錫懌吳懋謙徐允哲五序後有朱在鎬吳三省二序

董氏詩萃二十卷烏程董煥編自宋董貞元以下凡四十八人閨媛六人刻於乾隆十年鏤版甚精緻可愛字畫細勁倣宋槧本

陶廬雜錄

卷三

七

岡州遺稿六卷顧嗣協編集廣東新會人之詩自元羅蒙正以下五十九人刻於康熙四十九年嗣協弟嗣立爲序之中云余向在四朝詩館加意蒐羅獨至岡州作者竟寥寥無聞焉斯集信可寶也版刻極佳

國朝姚江詩存十二卷張廷枚輯黃宗羲編姚江逸詩十五卷倪繼宗刻逸詩外七十餘家此殆沿其例而續之者也一卷至十一卷黃宗羲以下一百五十五家十二卷閨秀方外十家皆餘姚人之作刻於乾隆四十一年邵晉涵陶廷珍序之邵序論餘姚詩甚詳陶序論餘姚詩極核皆精妙之篇

國朝江右八家詩選會燠編八家者陳允衡王猷定會
晚帥家相蔣士銓汪軻楊屺何在田其自序云余彙鈔
江西歷代詩 本朝得二百二十餘人八家蓋傑出者
也

詩持凡三集魏憲編一集四卷二集十卷三集十卷彙
刻於康熙九年憲做石倉例欲補其缺版式悉照石倉
舊本意甚良也後又有百家之刻統校一過複沓沿襲
頗染坊間陋習然閩詩賴以存者不少

西江風雅十二卷烏程沈瀾編瀾號柏村以騷壇耆宿
自期許官江右時輯此書仁和金侍郎德瑛視學江右
陶廬雜錄

卷三

三

稱之刻於乾隆十八年前有華亭王興吾仁和湯聘二
序採錄起雍正癸卯迄乾隆癸酉二十年之詩雖未該
備而於乾隆初年西江名作網羅殆盡去取頗有別裁
湖北詩錄鍾祥高士熙編不分卷而依湖北各郡排比
首武昌次漢陽次黃州次宜昌次荊州次安陸次德安
次襄陽次鄖陽大抵安陸一府之詩居十之四蓋士熙
爲其郡人易於搜討耳鄉曲之見亦未能免鑿版於乾
隆三十七年版式局促殊傷大雅何得有大力者爲重
刻之

新年雜詠杭州吳錫麒及弟錫麟黃樸姚思勤項朝榮

舒紹言所作不分卷數以類相從刻於乾隆四十年前
有王鳴盛顧光旭二序

淮海英靈集二十二卷阮元輯揚州一郡之詩也其凡
例云通州如皋泰興舊隸揚州今詩託始 國初未便
區分吟域分卷倣顧嗣立選元詩例以十干爲次甲集
四卷乙集四卷丙集四卷丁集四卷戊集四卷皆以得
詩先後爲序壬集一卷閩秀詩癸集一卷方外詩己庚
辛三集虛以有待考校審定足備揚州文獻云

嶺南五朝詩選三十五卷番禺黃登編刻於康熙三十
五年前二十卷詩之爲嶺南作者後十五卷嶺南人之

陶廬雜錄

卷三

无

詩卷首載袁景星魯超劉茂溶秦桂王士禎梁佩蘭歐
陽雋陳恭尹李長華九序決擇未見允當搜羅尙稱富
有

金華詩錄六十卷外集六卷別集四卷朱笪亭編次乾
隆三十七年漢州黃彬知金華府刻之前有彬序卷一
卷二唐駱賓王以下十二人詩六十五首卷三至卷十
宋胡則以下七十七人詩三百五十六首卷十一至卷
十九元許謙以下三十七人詩五百五首卷二十至卷
四十四明宋濂以下二百八十二人詩一千三百九十
四首卷四十五至卷五十四 國朝朱之錫以下一百

四十五人詩六百一十七首卷五十五至卷六十補遺
唐馮藻以下共一百六十九人詩三百七十六首內三
人已見前外集名宦六卷六十三人詩一百四十九首
別集聯句卷一二十二人詩五首卷二月泉吟社馮澄
以下二十二二人詩二十六首卷三石洞貽芳劉過以下
三十五人詩五十三首卷四詩論句論多有紀足資
博雅之助後有夏蘇一跋論金華詩源流最悉

苔琴集二卷附錄二卷王鳴盛編鳴盛前有十二家詩
選茲於乾隆丁亥年服闋里居復輯此集專錄現在之
人已往者不載與諸選本不同江南一時知名之士盡

陶廬雜錄

卷三

三

入網羅詩則僅及其所見者決擇之未必卽其人傑構
以詩存人可也

松陵詩徵十七卷寓賢一卷方外一卷閨秀一卷袁景
輅編次吳江人詩也一卷朱鶴齡起十七卷楊兆麟止
十八卷王崇簡起王思帖止十九卷炤影起王彰止二
十卷沈倩君起錢珂止每人輯以小傳採諸家評語附
焉景輅閒著詩話於後鋪敘典章文物繁簡得宜彷彿
靜志居筆意近人中所罕覩者較周廷諤詩粹爲尤精
青浦詩傳三十四卷王昶纂第一卷職官屠隆起王希
伊止第二卷至三十卷陸機起李大成止第三十一卷

閩秀釋子道士仙鬼之作第三十二卷至三十四卷詞附之王綏起陸鳳池止人各繫以小傳閒著蒲褐山房詩話論詩論事皆具隻眼詩料抑史材也

今詩所見集六卷黃承增輯未成之書雖皆一時交遊酬答篇什揀擇頗嚴因詩存人因人存詩交有所賴杭郡詩輯十六卷吳顯編其郡人之詩自黃機起凡一千四百餘人刻於嘉慶五年卷一順治年閒有科目者卷二順治年閒無科目者卷三康熙三十年以前有科目者卷四康熙三十年以前無科目者卷五康熙六十年以前有科目者卷六康熙六十年以前無科目者卷

陶廬雜錄

卷三

三

七雍正年有科目者卷八雍正年無科目沒乾隆二十年前者卷九乾隆十五年以前有科目者卷十乾隆二十年以前無科目者卷十一乾隆十五年以後有科目者卷十二乾隆四十年以前無科目者卷十三乾隆四十年以後無科目者暨時代無可稽者附之卷十四無名氏遺民流寓卷十五閩秀卷十六方外其自序云名家有集行世僅存一二其名位未顯姓氏將湮或後嗣式微則勉爲多收所採除專集及詩觀別裁外有孫以榮湖墅詩鈔趙時敏郭西詩鈔柴杰浙人詩存又于朱文藻處得二百餘家而同里梁山舟葉古渠同年葉

絳巖龔匏伯各彙交數十家閨秀一門芷齋汪夫人所
集壁池蔡夫人加朱墨者蓋以詩存人之意多非斷斷
講求聲律者比

滇南詩畧十八卷補遺二卷流寓二卷保山袁文揆編
嘉慶四年刻版自序云王疇五張月槎兩太史趙永錫
大尹孫顛翁布衣楊裕如孝廉徵詩有啓訖未成書伯
兄儀雅纂勝國遺詩成揆愈不敢弗終厥事編 國朝
滇南詩始順治辛丑迄嘉慶辛巳題曰 國朝滇南詩
畧從伯兄纂前明詩例也披輯之功可謂勤矣金碧蒼
洱閒奇氣何幸替萃於此筆

陶廬雜錄

卷三

三

阮芸臺中丞督學兩浙時有兩浙輜軒錄己未年夏芸
臺官侍郎退直邀余至瑯環仙館讀畫品詩遂以此書
委勘尙未分卷數束爲十六捆余約十日閱兩捆歷三
月始畢閒有爲增入者今其書分四十卷得三千一百
三十三人詩九千二百四十一首刻版於嘉慶六年

翁覃溪先生濤音集序云濤音集八卷掖縣人詩蓋西
樵教授萊州時阮亭省兄於學舍因撰次其邑人之詩
往往有兩先生系評云予訪此書三十年不得見今按
試於萊始見之是集之成在順治十四年丁酉正先生
昆季盛年馳聲藝苑之時其後漁洋作西樵年譜於然

脂濤音二集皆追敘之蓋已不能無陳迹之感乾隆五十七年掖縣儒學開雕卷一毛宗魯以下十二人卷二孫鎮一人卷三宿鳳翥以下九人卷四趙士喆一人卷五王漢以下十八人卷六宿孔暉以下四人卷七張端以下五人卷八趙濤以下二人

宋詩鈔一百二卷吳之振編共一百家其無專集及不及五首者弗錄每集各系小傳敘論甚詳有錄無書者十六家劉弇鄧肅黃幹魏了翁方逢辰朱伯仁馮時行岳珂嚴羽裘萬頃謝枋得呂定鄒思肖王栢葛長庚朱淑真

陶廬雜錄

卷三

三

宋元詩會一百卷桐城陳焯編焯字默公順治壬辰進士官兵部主事詩會自序云散錄零鈔或得諸山水圖經或得諸厓碑摩挲以及市坊村塾道院禪官敝簾殘蹠窮極蒐求積累歲時成茲巨帙凡九百餘家前有周疆曹溶二序及溶手札溶盛稱其宋詩討論精詳元詩則有未備之憾

元詩選一百一十一卷長洲顧嗣立編凡三集初集元好問以下百家二集段克己以下百家三集麻革以下百家人各存原集之名每集分十千癸集有錄無書宋百家詩存二十卷曹廷棟編廷棟以吳之振所選宋

詩鈔有有錄無書潘訥叔宋詩鈔陳名揚十五家詩爲未備續爲是編皆有本集傳世者吳潘陳已采不復入始魏野東觀集終於僧斯植采芝集賀鑄北宋末人而置魏野之前廷棟緣所素愛而創爲此例耳

南宋雜事詩七卷沈嘉轍吳焯陳芝光符曾趙昱厲鶚趙信等撰七人皆杭產以其鄉爲南宋故都所爲詩主紀事故典故皆註詩下所引書幾千種可謂博矣

元詩選癸集顧嗣立原編有錄無書者也其甥孫席世臣於嘉慶三年校勘補刻版式一如其舊分卷則曰癸之甲癸之乙癸之丙癸之丁癸之戊上戊下癸之己上陶廬雜錄

卷三

三

己下癸之庚上庚下癸之辛上辛下癸之壬上壬下癸之癸上癸下共十六卷世臣有補遺一編今未梓行其目余嘗借鈔之甚詳備

宋詩記事一百卷厲鶚纂其自序云訪求積卷兼之閱市借人歷二十年之久披覽旣多頗加汰擇計所鈔撮凡三千八百一十二家畧其出處大概綴以評論本事咸著於編其於有宋知人論世之學不爲無小補矣乾隆十一年刻行之選詩兼以著史應推此書

明詩去浮四卷施何牧編其自序云斟酌於繁簡之間或因人以存詩代不數人或因詩以存人人不數詩豈

必無遺亦聊冀其不亂耳顏曰去浮此物此志也卷一
洪武建文永樂洪熙宣德正統景泰天順朝共五十八
詩二百二首卷二成化宏治正德朝共四十四人詩二
百二首卷三嘉靖朝四十七人詩二百首卷四隆慶萬
歷泰昌天啓崇禎朝共七十二人詩一百九十首刻於
康熙四年爲近來選本中翹楚紙版俱佳者

鐵冶亭漕督向藏長白詩存詩鈔二書後奉 命輯八
旗通志又得遞鈔八旗人詩合舊存得二百餘家題曰
大東景運集余又爲增八十餘人就余所知爲立小傳
一百八九十家詩之源流人之梗概一一及之冶亭治
陶廬雜錄

卷三

三

漕攜入行篋聞近又有所增將來勒爲全書彬彬乎足
以和聲鳴盛矣

山陽耆舊詩吳玉搢字集五號山夫編輯未成之書無
卷數漢一人魏一人唐三人宋四人元二人明一百二
人續錄則明及 國朝約及四五十人余從阮吾山侍
郎借鈔副本侍郎屬余爲甄綜之方補十餘家而侍郎
病亟索去今其稿不可知矣前有顧棟高一序謂玉搢
訪求積數十年得詩文集凡四尺許亦可謂勤苦之士
同人集十二卷冒襄纂襄字闢疆世稱巢民先生以前
壬午副舉授司理官親老不仕膺徵辟皆辭免是書乃

其故人投贈之作刻於康熙癸丑年

海虞詩苑十八卷 國朝昭文一邑之詩王應奎編輯
應奎字東澱號柳南嘗著隨筆六卷續筆四卷遺聞軼
事頗賴以傳詩苑前有陳祖范序刻版於乾隆初年雅
擅別裁不同泛常擷摭

台山懷舊集十二卷附同懷集一卷仁和張廷俊選卷
末附以己作序言仿顧阿瑛之玉山草堂王漁洋之感
舊採擇蕪畧實不及也刻版於嘉慶元年

山右詩存二十四卷名媛方外二卷附集八卷名媛方
外一卷共三十三卷前二十四卷已往之人後八卷現

陶廬雜錄

卷三

美

在之人澤州李錫麟輯雖有不純不備之憾要足爲晉
風選之繼前有張師誠序刻於嘉慶六年

吳江沈氏詩錄十二卷起於明成化沈奎至裔孫培福
止凡七十人閨秀二十人詩九百五十一首沈祖禹定
前有沈德潛序刻版於乾隆五年

朋舊遺詩合鈔二十二卷南城曾燠編皆已往之人凡
得三十家去取頗有體裁刻於嘉慶十年

洮陽詩鈔十卷附集古二卷專錄 國朝狄道州人詩
李苞編前有楊芳燦序刻版於嘉慶四年

滇南文略四十七卷計文八百五十九篇明代及 國

朝文居多唐朱一二見而已保山袁文揆編次刻版於嘉慶七年

越風三十卷會稽一郡之詩商盤選盤字蒼雨號質意雍正八年庶吉士授編修改鎮江司馬出守雲南卒於官書成於乾隆三十一年刻版於三十四年前有蔣士銓序

湖海詩傳四十六卷青浦王昶彙集生平友朋之作得六百餘人以科第爲次起於康熙五十一年迄於近日其閒布衣韋帶之士亦以年齒約略附之刻版於嘉慶八年

陶廬雜錄

卷三

三

禛湖詩拾八卷吳江徐達源編次皆其邑人逸篇始於明初訖於近日前代之詩閒附一二達源號山民風雅好事以諸生候補翰林主簿著述甚富此書刻版於嘉慶十年

江西詩徵九十五卷晉一卷唐三卷內附五代宋二十卷內附金元十四卷明二十六卷 國朝二十卷補遺一卷名媛二卷釋子四卷道流一卷雜流名妓無名氏一卷仙靈鬼怪一卷歌謠諺語識記散句一卷南城會煥纂輯刻於嘉慶九年採錄頗稱繁富

江左十五子詩選十五子者王式丹方谷吳廷楨山掄

宮鴻札友鹿徐昂發大臨錢名逸亮工張大受日容楊
掄青村吳士玉荆山顧嗣立俠君李必恒百藥蔣廷錫
揚孫繆沅湘芷王圖炳麟照徐永宜學人郭元釭于官
人各一卷也商邱宋牧仲犖手訂書成於康熙四十二
年

江浙十二家詩選十二家者李繩勉百汪棣韡懷姜宸
熙笠堂蔡忠立企閻王廷魁岡齡張夢喈鳳于顧鴻志
學遜高景光同春廖景文琴學薛龍光少文吳璿赤玉
趙曉榮陟庭也人各二卷王西莊鳴盛采錄書成於乾
隆三十一年選刻俱不及宋商邱本

陶廬雜錄

卷三

三

石倉歷代詩選一名十二代詩選五百六卷按四庫全
書提要云明曹學佺編所錄上自古逸下迄於明凡古
詩十卷唐詩一百卷拾遺十卷宋詩一百七卷金元詩
五十卷明詩初集八十卷次集一百四十卷據千頃堂
書目尙有三集一百卷四集一百三十二卷五集五十
二卷六集一百卷余所見禮邸藏書刻本明詩六集之
外七集一百卷八集一百一卷九集十一冊凡九十二
八十集四冊二十八續集廿冊九十八人再續集九冊五
十一人三續集五冊三十二人三四續集一冊六人四
五續集一冊六人五續集三冊十三人六續集一冊四

八南直集八冊四十人浙集八冊五十七人閩集十四冊一百一十一人社集十冊四十九人楚集四冊二十一人附河南集一人紙墨精好而譌誤尙多世顧鮮稱之者藏書家亦未之及何也余因借鈔其目而并錄明人詩數家皆世所希有者而貯於篋信可寶也逾十日而禮邸火災不知此書燬否

陶廬雜錄

卷三

五

陶廬雜錄卷四

小西厓 法式善

文心雕龍正緯篇曰無益經典有助文章歐陽公欲取九經之䟽刪去識緯之文而昔人頌孔子之聖則稱鈞河摘洛朱彝尊曰今則樊英傳注所載隋唐經籍志所錄太平御覽所採學士大夫能舉其名者寡矣華亭布衣殷元正集緯十二卷博採遠徵依文屬義網羅散失勒爲一編其鄉人陸明睿增訂之總論一卷河圖一卷易緯一卷尙書緯一卷詩緯一卷禮緯一卷樂緯一卷孝經緯一卷識一卷尙書中候一卷遁甲開山圖一卷陶廬雜錄

卷四

庶幾有合聖訓宜廣神教宜約之旨惜其書未鏤板藁

本今藏姚春木家

朱彝尊經義考三百卷首列官書諸目次以諸經分類而附以毖緯擬經師承刊石書壁鏤板著錄通說八門註或存或闕或佚未見次載原序跋諸家論斷彝尊所考證亦附著焉

翁覃溪學士在山東學政署中刻通志堂經解目錄跋其後云此目義門先生手勘者沈椒園先生嘗鏤板東海門客固多舛謬而義門所勘特隨手校閱亦有所未盡庚戌十月取原書審核付梓子夏易傳十一卷或云

唐張弧撰易數鉤隱圖三卷附遺論九事一卷宋劉牧撰以九爲河圖以十爲洛書長洲何焯曰此道藏本也橫渠易說三卷宋張載撰易學一卷宋王湜撰亦是圖學紫巖易傳十卷宋張浚撰其第十卷是讀易雜記何焯曰明書帕板恐不足憑漢上易傳十一卷附卦圖三卷叢說一卷宋朱震撰震荊門軍人紹興四年書成其書以程子易傳爲宗兼采漢魏以下諸家謂王弼注雜入莊老爲非故於象數特詳何焯曰卦圖及叢說西亭王孫鈔本尙未盡善其十一卷影宋本可据易璇璣三卷宋崇仁布衣吳沆撰紹興十六年自序何焯曰汲古陶廬雜錄

卷四

二

關後得舊本尙有序文寫樣付東海後人竟未曾刻其全書亦尙有訛處不曾修板周易義海撮要十二卷宋熙寧間蜀人房審權集鄭康成以下至王介甫易說凡百家擇取專明人事者編爲百卷曰周易義海至紹興三十年江都李衡彥平刪之益以伊川東坡漢上易傳爲撮要十卷義海失傳而是編存何焯曰汲古宋本每首葉有印其文云淳熙七年明州恭奉聖旨勅賜魏王府書籍謹藏於九經堂不許借出其印精工絕倫宛然筠州學記易小傳六卷宋左僕射吳興沈該撰紹興二十八年表進之其書專釋六爻每卦後爲一論何焯曰

原本未詳何自復齋易說六卷宋趙彥肅撰何焯曰天乙閣抄本古周易一卷宋呂祖謙撰此周易篇次考也最有關係之書後有朱子跋童溪易傳三十卷宋寧德王宗傳撰說卦以下皆有經無傳何焯曰汲古宋本俞石澗收藏後闕二卷非全書屢考其始末寄來京師跋中竟未及此周易裨傳二卷宋松江林至撰至淳熙閒人及朱子之門其上卷論撰著其下卷外篇論卦變易圖說三卷宋吳仁傑撰仁傑淳熙進士嘗講學朱子之門此所著圖全以撰著所用言之易學啟蒙通釋二卷宋婺源胡方平撰至元己丑自序今所刻淳熙丙午序

陶廬雜錄

卷四

三

乃朱子啟蒙原序也周易玩辭十六卷宋項安世撰字平甫江陵人書成於慶元四年重修於嘉泰二年蓋嘗問學於朱子者其書不全錄經文摘取經中之辭說之何焯曰大江以南鈔本有五部俱不全後於李中麓家得殘本其文獨全遂成完書歸安丁杰曰項安世宜在林至前吳仁傑亦宜在前東谷易翼傳二卷宋處州趙汝諧撰其書止有上下經全以程傳爲本何焯曰汲古閣元本最精三易備遺十卷宋東嘉朱元昇撰自序在咸淳庚午其書第一卷言河圖洛書二卷至四卷言連山五卷至七卷言歸藏八卷至十卷言周易丙子學易

編一卷宋李心傳撰其書取王弼張橫渠郭子和伊川紫陽之說附以己見原書十五卷俞石澗爻節鈔僅十之一耳丙子嘉定九年也易學啟蒙小傳一卷宋稅與權撰字吳甫魏鶴山弟子水村易鏡一卷宋朱鑑文公之孫集語錄爲之何焯曰汲古元本惜有糝糊處大易輯說十卷元臨邛王申子吳卿撰申子皇慶二年充武昌路南陽書院山長朱氏經義考列於元人通志堂原目作宋王申子非何焯曰吳志伊有宋本屢寄札東海託其借校竟未借來僅從鈔本付刊周易傳義附錄十卷宋天台董楷正叔依程傳朱義爲之割裂本義以

陶廬雜錄

卷四

四

附程傳自此書始楷文天祥榜進士自序在咸淳丙寅前有綱領一卷圖說一卷周易輯聞六卷附易雅一卷筮宗一卷宋汴水趙汝楳撰學易記九卷元李簡撰仿李鼎祚集解房審權義海之例採子夏易傳以下六十家之說自序在中統元年前有圖綱領一卷何焯曰從李中麓家藏鈔本發刊後健庵得一元刻書賈僞作劉跂著者并假造劉跂序文健翁云近得劉跂學易記昔未曾刻余狂喜叫絕急索觀之及開卷卽李簡之書也余云卽宜校正去僞序并傳皆未從也讀易私言一卷元許衡撰大易集說十卷按經義考作四十卷今以

通志堂此刻版心計之則是十三卷元俞爰號石澗宋未遺老其書成於元至大開敏求記備載其序定篇次之說何焯曰此遵王元本惜屬伊人所校版心大謬周易本義附錄纂注十五卷元新安雙湖胡一桂取朱子文集語錄之及於易者附於本義下謂之附錄取諸儒易說之發明本義者謂之纂注周易啟蒙翼傳三篇外篇一篇元胡一桂撰其中篇著古本及諸家本又及歷代授受傳注敘錄雖云畧舉所知然頗足資考據下篇著左傳及後人占筮外篇則焦京以下太元諸書至皇極經世也何焯曰汲古元本周易本義通釋十二卷元

陶廬雜錄

卷四

五

新安胡炳文雲峯自序在延祐丙辰何焯曰汲古元周易纂言十三卷元吳澄撰書成於至治二年秋周易本義集成十二卷元南昌熊良輔季重撰自序在至治二年五月周易會通十四卷元鄱陽董真卿季貞自序在天歷元年前有例目姓氏因革一卷圖二卷其姓氏因革頗足以資考據此書版心云周易會通而其每卷題云周易經傳集程朱解附錄纂注後學鄱陽董真卿編集並無會通二字之名蓋宋朝刊書已有此失矣易圖通變五卷元臨川道士雷思齊撰易象圖說六卷元清江張理仲純撰自序在至正二十四年何焯曰道藏本

大易象數鈞深圖三卷元張理撰何焯曰道藏本周易參義十二卷元新喻梁寅孟敬撰自序在後至元六年合訂刪補大易集義粹言八十卷成德編何焯曰集義粹言本係兩書兩人所著今合編之頗屬杜撰方綱按宋陳友文大易集義摭周邵朱子及上蔡和靖南軒藍田五峯屏山漢上東萊十一家之說曾種大易粹言摭二程張子及龜山定夫兼山白雲父子七家之說此書彙輯成八十卷凡采十八家之說而義門以爲杜撰亦過泥矣又按大易粹言今考定是宋方間一撰宋史藝文志作曾種誤也書古文訓十六卷宋永嘉薛季宣士

陶廬雜錄

卷四

六

龍撰純以古字寫之何焯曰焦氏家藏宋本今歸東海尚書全解四十卷宋三山拙齋林之奇少穎撰元闕第三十四卷多方篇今於永樂大典中得之鈔補乃成完書何焯曰此書朱子所稱禹貢論四卷宋新安程大昌泰之淳熙四年六月自序上進何焯曰從天乙閣鈔本惜乎無圖應訪有圖者補之方綱按今於永樂大典鈔補增修東萊書說三十五卷宋東萊呂成公輯書說自秦誓溯洛誥未畢而卒門人清江時瀾以平昔所聞纂成之何焯曰影鈔宋本尚書說七卷宋新昌黃度文叔撰何焯曰明書帕本書疑九卷宋金華王柏魯齋撰多

更易經文蓋并今文而疑之矣書集傳或問二卷宋陳大猷既集書傳復自爲或問同時東陽都昌有兩陳大猷都昌陳大猷號東齋饒雙峯弟子著書傳會通仕爲黃州判官卽陳澹之父也東陽陳大猷紹興二年進士官六部架閣今集傳不可見而或問猶存張雲章以集解或問是東陽之書朱氏經義考則謂棗竹堂書目萬卷堂目皆載尙書集傳十四冊未知是誰之書而鄱陽董氏書纂注列引用姓氏於陳氏書集傳注云東齋則未可定爲東陽而非都昌也陳氏蔡傳旁通亦引東齋集傳何焯曰汲古元本禹貢集解二卷宋義烏杳溪傅

陶廬雜錄

卷四

七

寅撰此書凡闕四十餘版何焯曰宋本初學尙書詳解十三卷宋廬陵胡士行何焯曰從天乙閣鈔本通志堂原目無初學二字杭世駿道古堂文集有跋謂初學二字不當刪尙書表注二卷元蘭谿金履祥撰王柏弟子也書之上下四旁皆有識語何焯曰金仁山表注名重而書僅中等且元刻有殘闕處補全者未可盡信是顧涓伊人妄爲補全耳尙書纂傳四十六卷元梅浦王天與立大撰何焯曰季氏元刻最精書蔡氏傳輯錄纂注六卷元鄱陽董鼎季亨撰真卿之父今文尙書纂言四卷元吳澄其卷前序目卽草廬之古今文考也書蔡氏

傳旁通六卷元彭蠡陳師凱不錄經文但摘蔡傳語猶如蔡傳之疏耳然頗足資考据何焯曰汲古元版尚書句解十三卷元廬陵朱祖義子由撰何焯曰六經皆有句解不過節略舊注非另出手眼者書集傳纂疏六卷元新安陳櫟定字煥何焯曰汲古元版尚書通考十卷元昭武黃鎮成存齋撰何焯曰汲古元刻惜有關葉應爲標出讀書管見二卷元吉水王充耘耕野摘取經語說之定正洪範集說一卷元諸暨胡一中允大撰於九疇皆分大禹之經箕子之傳以斂時五福至明用僭忒爲九五福六極之傳以王省惟歲至則以風雨爲三八

陶廬雜錄

卷四

八

政四五紀之傳何焯曰汲古元刻李中麓藏本中闕一葉從黃梨洲處補全毛詩指說一卷唐成伯瑜撰凡四篇其傳受一篇足資考核唐世說詩正義而外傳者惟此書耳其中尚有闕字瑜新唐志作璵何焯曰李中麓鈔本毛詩本義十五卷附補鄭氏詩譜一卷宋歐陽修撰前十二卷摭篇爲論爲本義多規毛鄭之說其偶從毛鄭者則於第十三卷取舍義一條中著之蓋後三卷是總論也此書召南篇內闕失二十餘行又此詩譜一卷當云補鄭氏詩譜版心云詩本義譜專系之本義者非也目云鄭氏詩譜又專以歸鄭者亦非也何焯云遵

王宋本伊人校勘未當深爲可惜毛詩集解四十二卷
宋李樛黃樞撰此書閩縣李迂仲龍溪黃實夫二家卷
前各有詳說總論其卷內黃氏又引李迂仲說蓋黃在
李後或是本相續而作互爲補苴併爲一書故無合編
姓氏也毛詩名物解二十卷宋蔡卞撰多用王氏字說
詩說一卷宋張耒撰僅十二條從宛邱集鈔出詩疑二
卷宋金華王柏撰一名詩辨說竟欲刪去野有死麕等
三十一篇而退何彼穠矣甘棠於王風文公詩傳遺說
六卷宋朱鑑文公孫集語類爲之自跋在端平二年詩
補傳三十卷題曰逸齋不著姓名朱氏經義考据宋藝

陶廬雜錄

卷四

九

文志作金華范處義紹興中進士也第三十卷廣詁足
備查檢南宋之初最攻序者鄭樵最尊序者范處義也
詩集傳名物鈔八卷元東陽許謙撰敏求記云朱子之
學一傳爲何基王柏再傳爲金履祥許謙白雲一代大
儒其於詩專宗朱子汎掃毛鄭之說然此書頗有資考
据處何焯曰汲古舊鈔本詩經疑問七卷元盱眙朱倬
孟章撰此書內閒有有問而無答者云以俟後人深思
也後附南昌趙惠疑問附編何焯曰汲古元版毛詩解
頤四卷明朱善撰字一齋豐城人明洪武初文淵閣大
學士何焯曰葉九來藏本春秋尊王發微十二卷宋孫

復撰明復嘉祐二年卒年六十六作此書時蓋在天聖
閒唐以前說春秋者多本三傳至陸淳始別出新義此
書本淳意多與先儒異此參合三傳本也春秋皇綱論
五卷宋太原王哲至和閒官太常博士据三傳注疏及
啖趙之說其缺者以己意釋之凡二十三篇春秋傳十
七家二劉亦在內春秋權衡十七卷宋劉敞撰何焯曰
孫北海藏宋本惜未遵行欵春秋意林二卷宋劉敞撰
春秋名號歸一圖二卷蜀馮繼元此書通志堂原目作
宋馮繼先閩百詩與戴唐器書云繼先先當作元偽蜀
陶廬雜錄

卷四

人宜居宋孫復之首乃置劉敞之後何也何焯曰海虞
某氏家藏宋本春秋臣傳三十卷宋眉山王當撰元祐
閒人春秋本例二十卷宋涪陵崔子方彥直嘗與蘇黃
諸君子遊此書凡十六門大約以日月時爲例何焯曰
汲古舊鈔本春秋經筌十六卷宋左綿趙鵬飛經義考
列之南宋末何焯曰全書從天乙闕鈔來汲古得李中
麓殘本三冊以校勘有整句脫落者其新鈔皆未愜意
此參合三傳本石林春秋傳二十卷宋葉夢得撰末有
開禧乙丑孫筠及真德秀跋蓋世讖考傳三書合刻之
跋也此參合三傳本春秋後傳十二卷宋陳傅良從勤

得堂刊本鈔寫者也此書大指詳樓攻媿序止齋尙有左氏章指一書應訪求之此專用左傳本也春秋集傳三十卷宋呂祖謙撰納蘭容若序疑是呂居仁作云須得善本有陳邕序者方可證定之然其卷內則題曰呂祖謙伯恭而朱氏經義考則呂本中呂祖謙二先生名下皆載春秋集解三十卷蓋卽一書而前後誤複耳今入四庫全書作呂本中此專用左傳本春秋左氏傳說二十卷宋呂祖謙撰春秋左氏傳事類始末五卷宋章沖撰淳熙十四年守台州作目錄後附錄災異及事物等亦有資於查考何焯曰汲古鈔本原爲姚舜咨所藏

陶廬雜錄

卷四

七

春秋提綱十卷宋陳則通撰國史經籍志作元人經義考亦列於元人內其書分侵伐朝聘盟會雜例四門春秋王霸列國世紀編三卷宋李琪嘉定辛未七月自序春秋通說十三卷宋温州布衣黃仲炎若晦撰紹定三年五月自序何焯曰東海先有鈔本從黃俞邵處來仍僞書也後汲古得李中麓所藏影鈔宋本用以付刊參合三傳本春秋集注十一卷綱領一卷宋朝奉卽直秘閣清江張洽元德撰端平元年九月狀進元德朱子門人也諡文憲何焯曰汲古宋版參合三傳本春秋或問二十卷宋溫陵呂大圭圭叔人稱樸鄉先生受業於陳

北溪之門人春秋五論一卷宋呂大圭春秋集傳詳說三十卷綱領一卷宋家鉉翁則堂先生入元北遷不屈放還此其北遷時作何焯曰從天乙閣鈔本專用左傳本春秋經傳類對賦一卷宋徐晉卿撰何焯曰汲古李中麓鈔本杭世駿曰此書當入類家不當列之經解方綱按類對賦北宋皇祐中作蓋亦以其近於類家故附置宋末耳然究不宜入經解也春秋諸國統紀六卷元齊履謙撰延祐四年六月自序凡二十二篇前有目錄一卷言所以敘諸國統紀之義何焯曰汲古元本顏書最精春秋本義三十卷元四明程端學時叔所採三傳

陶廬雜錄

卷四

七

以下之說凡一百七十六家自序在泰定四年四月何焯曰元刻最精有句讀圈點抹因中有闕葉不敢擅增句讀圈點鄙見有無皆照元本而東海必欲一例並未刻句讀點抹惜哉方綱按此書前有問荅通論綱領及點抹例一卷中有所謂紅黃青黑側截點抹之別今尙刻於卷前面而其卷內乃不刻之無怪義門之致惜矣參合三傳本參合三傳之書以此書爲最詳足資查考春秋或問十卷元程端學撰春秋集傳十五卷元趙汴撰專用左傳本春秋屬辭十五卷元趙汴撰凡八篇自序爲筆削之大凡蓋制作之原也春秋師說三卷元趙

訪至正戊子述其師黃楚望之說爲十一篇又附錄二卷春秋左氏傳補注十卷元趙訪撰何焯曰東山春秋諸書名重春秋諸傳會通二十四卷元廬陵李廉撰至正九年七月自序所編諸傳据左公穀及胡陳張而以胡氏爲主然所引張洽語仍卽今所見張氏集注而非張氏之傳則知張洽集傳其書之佚久矣參合三傳本春秋集傳釋義大成十二卷元新安俞皋撰其書備載三傳及胡氏傳參合三傳本讀春秋編十二卷元陳深清全撰入元不仕當入宋人列家鉉翁之後何焯曰元人鈔本參合三傳本春王正月考二卷明古田張以寧

陶廬雜錄

卷四

三

志道撰考一卷辨疑一卷三禮圖集注二十卷宋洛陽聶崇義自周顯德三年奉命參定郊廟器玉因采鄭康成阮諶等六家圖刊定至宋建隆二年奏之竇儼爲之序今通志此刻序無姓名者卽竇序也而無崇義自序朱氏經義考尙節錄聶序蓋舊本有之也何焯曰汲古宋本序文稍有譌處已經改正書中譌錯亦多蓋通志堂刻本不依原書款式也周禮訂義八十卷宋樂清王與之次點東巖撰東巖嘗撰周官補遺摘取五官之屬以補冬官其說始自臨川俞壽翁廷椿復古編而東巖與清源邱葵繼之然東巖所著訂義則以諸屬仍列五

官而爲之說也此書採舊說五十一家宋儒之說又四十五家蓋言義理者畧備於此何焯曰李中麓宋本虜齋考工記解二卷宋林希逸撰每段有圖雖未極詳博而文頗明顯何焯曰汲古宋本中有闕葉應訪求補全儀禮圖十七卷宋楊復信齋朱子門人嘗爲朱子續編儀禮經傳通解此圖凡二百有五又旁通圖一卷分官廟弁冕牲鼎禮器諸類爲圖二十有五陳鱣曰吳槎客嘗以鮑以文所贈元刻校通志堂刊本則通志刻本之圖甚謬也禮記集說一百六十卷宋直秘閣崑山衛湜正叔櫟齋採集漢至宋說禮之言凡一百四十四家寶

陶廬雜錄

卷四

古

慶二年表進何焯曰名重而書平平又曰集說從兩鈔本付刻皆未盡善伊人分校成部大有乖誤後數年有項氏宋本爲骨董家所得中闕十餘卷其版最精且多魏鶴山序一首屢勸東海借校并補刻魏序未從也其書今在金陵應物色得之眞至寶也伊人擅亂補遺卷數另疏別紙毛辰汲古閣書目云禮記集說四十二本綿紙舊鈔世無其書止有此影鈔宋本一部今崑山所刻借此去寫樣而新刻後半部爲顧伊人紊亂次第幸存此本爲正衛正叔自跋云紹定辛卯某備員江東漕筦大資政趙公善湘見子集說欣然捐貲鋟木次年秋

子秩滿而歸迨嘉熙己亥越九年矣里居需次搜訪新聞遇有可採隨筆補入增十之三榻來嚴瀨別刊此本庚子六月跋也所以有卷第幾之後添入幾條者乃趙公刻後所增也崑山刻書時下半部乃顧伊人所校對將後添者移入前去失之矣賴此本猶存衛公之舊方綱按衛氏此書刻於嘉熙四年庚子慈溪黃氏日鈔云吳郡衛氏集禮記解自康成而下得一百四十六家惟方氏馬氏陸氏有全書其餘僅解篇章凡講義論說嘗及之者皆取之其書浩瀚惟嚴陵郡有官本所謂嚴陵郡官本者卽此跋所云庚子六月刊於嚴瀨者是已何

陶廬雜錄

卷四

五

焯曰衛正叔禮記集說內補遺在卷數後者七十三卷玉藻七十六卷玉藻七十七卷玉藻九十三卷樂記九十四卷樂記九十六卷樂記九十七卷樂記九十九卷樂記禮經會元四卷宋錢唐葉時官龍圖閣學士諡文康與朱子友善稱竹垞先生其書凡百篇太平經國之書十一卷宋永嘉鄭伯謙撰其目二十夏小正戴氏傳四卷宋山陰傅崧卿撰世所傳夏小正與大戴傳文合傅氏始爲釐定以正文居前以傳列於後何焯曰汲古宋人鈔本儀禮集說十七卷元福州敖繼公君善家於吳興趙孟頫之師也何焯曰每卷後有一紙最善惜尙

闕幾卷失記其詳應訪求補足方綱按此謂其每卷後
正誤也所無者第一卷士冠第十一卷喪服第十五卷
特性饋食此三卷之末無此正誤耳此須覓元朝刻本
攷之矣儀禮逸經傳一卷元吳澄撰經八篇傳十篇朱
竹垞謂應列於學官經禮補逸九卷元新安汪克寬環
谷鈔合三禮三傳諸經之文以五禮統之與草廬之書
不侔矣禮記陳氏集說補正三十八卷成德撰何焯曰
不足据方苞曰張樸村以爲陸翼王所述按望溪志樸
村之墓云君始以校勘宋元經解客徐司寇家孝經注
解一卷唐元宗宋司馬光范祖禹撰此合明皇注司馬

陶廬雜錄

卷四

六

氏指解范氏說爲一書丁杰云明皇所注者今文司馬
氏范氏所解說者古文如何合爲一書何焯曰李中麓
本孝經大義一卷元鄱陽董鼎撰孝經定本一卷元吳
澄撰卽孝經章句孝經句解一卷元朱申撰南軒論語
解十卷宋張栻撰乾道九年五月自序何焯曰東海從
天乙閣鈔來未可盡信論語集說十卷宋永嘉蔡節淳
祐五年表進南軒孟子說七卷宋張栻乾道九年十月
自序何焯曰東海從天乙閣鈔來卽以付刊後得最精
宋本余勸其校正修版未從也孟子集疏十四卷宋蔡
模覺軒九峯先生沈之子此書後序在淳祐六年何焯

曰汲古宋本最精尙有論語集疏應訪求刻之孟子音義二卷宋龍圖閣學士博平孫奭撰采張鎰丁公著陸善經三家音義可補陸德明經典釋文之闕非孟子正義之影附者比閻若據曰爽謚宣公眞宗朝名儒乃置南宋蔡模之後何也四書纂疏二十六卷宋格庵趙順孫撰其書一以朱注爲歸何焯曰汲古宋本四書集編二十六卷宋眞德秀撰何焯曰李中麓鈔本惜未盡善四書通三十四卷元胡炳文撰四書通證六卷元新安張存中撰何焯曰汲古元本四書纂箋二十六卷元詹道傳撰用王魯齋所定句讀何焯曰李中麓元本四書

陶廬雜錄

卷四

七

通旨六卷元鄱陽朱公遷克升撰編類之目凡九十有八四書辨疑十五卷元人失名吳中范檢討必英家藏元本也朱氏經義考云范本是元時舊刻不著撰人名氏是僂師陳氏天祥所撰學庸集說啟蒙二卷元餘姚景星訥庵撰經典釋文三十卷唐陸德明撰釋易書詩三禮三傳孝經論語爾雅老莊前有序錄一卷序言癸卯者貞觀十七年也何焯曰從遵王鈔本付刊伊人所校滿紙皆譌謬武林顧氏豹文有宋本屢勸東海借校未從也七經小傳三卷宋劉敞撰前世經學多守注疏至原甫始以己意說經雜釋詩書春秋周禮儀禮禮記

論語異於諸儒之說王荆公修經義蓋本於此六經奧論六卷宋鄭樵撰黎溫序云是鄭樵唐荆川稗編從之朱氏經義考列入無名氏云其書議論與通志畧不合且漁仲上書自敘所撰經說無此書名六經正誤六卷宋毛居正撰訂易書詩禮記周禮春秋三傳字體之誤居正衢州人毛晃之子何焯曰焦氏宋本經說七卷宋南昌熊朋來撰易詩書春秋儀禮周禮大小戴記及雜說也何焯曰其人博雅十一經問對五卷元何異孫撰設爲疑問如策對也書詩春秋三禮論語孝經學庸孟子無周易敏求記云禮記中大學中庸兩篇河南始分陶廬雜錄

卷四

七

爲二書而此已與禮記列爲三經矣何焯曰汲古元刻付刊惜缺序文後汲古復得一本序文特全寫刻樣付京竟未曾刻陳鱣曰此所謂後一本者亦元刊今爲鮑以文所收以校崑山刻本補其闕矣五經蠡測六卷明福寧蔣惺生仁叔撰自序在洪武三年闕禮記實四經耳春秋一卷亦甚少凡一百三十八種丁杰曰大約東海此書之刻爲一時好名之計非實好古也陸清獻云差強人意亦爲虛譽

文苑英華十畱一百冊宋朱白等奉敕撰宋太宗太平興國七年詔李昉扈蒙徐鉉朱白賈黃中呂蒙正李至

李穆楊徽之李範楊礪吳淑呂文仲胡汀戴貽慶杜鎬
舒雅等閱前代文集撮其精要以類分之爲文苑英華
續命蘇易簡王祐范杲宋湜與宋白等共成之雍熙三
年上書一千卷凡賦百五十卷詩百八十卷歌行二十
卷雜文二十九卷中書制誥四十卷翰林制誥五十四
卷策問四卷策二十六卷制五十卷表七十四卷牋一
卷狀十七卷檄二卷露布二卷彈文移文各一卷啟十
六卷書二十七卷疏五卷序四十卷論二十二卷議十
一卷頌八卷讚五卷銘六卷箴一卷傳五卷記三十八
卷冊五卷諡議二卷誄二卷碑九十一卷誌三十五卷

陶廬雜錄

卷四

九

墓表一卷行狀七卷祭文二十三卷考宋纂三大書太
平御覽冊府元龜文苑英華二書閩蜀有刻惟英華不
行於世孝宗朝周必大建請秘閣本御前校正遂爲定
本有纂修文苑英華事始必大所編并識至明隆慶元
年巡按福建御史胡維新檄福州知府胡帛泉州府萬
慶校梓維新自序又涂澤民序維新餘姚人嘉靖己未
進士後官參政澤民漢州人嘉靖甲辰進士時爲巡撫
福建都御史

太平御覽一千卷宋太平興國二年李昉等奉敕撰凡
五十五門採書一千六百九十種文苑英華一千卷七

年李昉等奉敕編託始梁末而下迄於唐冊府元龜一千卷宋景德二年王欽若等奉敕撰凡三十一部部有總序一千一百四門門有小序是三書者極瑰偉之觀矣若明之永樂大典二萬餘卷則尤繁富依韻排類終傷雅道然宋元以後之書賴此而存至於我朝之古今圖書集成四庫全書則薈萃古今載籍或分或合盡美盡善發凡起例綱舉目張猗歟盛哉

五百家播芳大全文粹一百十卷宋鉅鹿魏齊賢南陽葉芬同編所錄皆宋代之文凡五百二十家余所藏鈔本前有紹熙元年庚戌八月南徐許開仲啟序卷端鈔陶廬雜錄

卷四

三

印二重光子宣殆笄江上先生所珍錄與

文翰類選大成一百六十三卷分五十六類自周秦以迄元明人詩文畢載明淮府康王祁銓所輯長史李伯璵馮原同編刻於成化年前有自序一篇稱西江頤仙採掇雖詳疎舛太甚宜乎爲四庫全書所弗及收

明文授讀六十二卷黃宗義編宗義始而輯有明一代文爲文案繼得崑山傳是樓藏書益三百餘家爲明文海頗稱浩繁其子百家請宗義擇尤雅者爲授讀本序則仍文海之舊門人寧波張錫琨移弁斯集者也

八家四六文鈔全椒吳肅選刻八家者袁枚邵齊燾劉

星煒孔廣森吳錫麒曾煥孫星衍洪亮吉也八人皆前
師友駢麗家應奉爲圭臬

切問齋文鈔三十卷吳江陸燿輯分十二門學術三卷
風俗五卷教家二卷服官一卷選舉三卷財賦四卷荒
政二卷保甲一卷兵制一卷刑法一卷時憲一卷河防
六卷其例云皆取其質言而有文者一切論史論文以
及詩詞字畫並從舍旃前有馮浩序刻於乾隆四十一
年

今文偶見四十八卷歸安徐斐然輯分八門學術三卷
風教六卷政治六卷道古五卷論文六卷獻徵十六卷

陶廬雜錄

卷四

三

酬應三卷游覽三卷前有馮浩序刻於嘉慶四年

南北朝文鈔二卷婁東彭兆蓀雜取南北史文苑英華
藝文類聚百三名家集四六法海諸書擇其支尤工者
斷自永初迄於大業得文百篇徐達源刻之

元濟南潘昂霄字景梁金石例十卷鄱陽傅貴全序畧
云一卷至五卷則述銘志之始而於貴賤品級瑩墓羊
虎德政神道家廟賜碑之制度必辨焉六卷至八卷則
述唐韓文括例而於家世宗族職名妻子死葬日月之
筆削特詳焉九卷則先正格言十卷則史院凡例制度
筆削又可以概見焉明長洲王行字止仲墓銘舉例四

卷其自序云凡墓誌銘書法有例其大要十有三事焉
曰諱曰字曰姓氏曰鄉邑曰族出曰行治曰履歷曰卒
曰壽年曰妻曰子曰葬曰葬地其序如此如韓文
集賢校理石君墓誌銘是也其曰姓氏曰鄉邑曰族出
曰諱曰字曰行治曰履歷曰卒曰壽年曰葬曰葬
地曰妻曰子其序如此如韓文故中散大夫河南尹杜
君墓誌銘是也其他雖序次或有先後要不越此十餘
事而已此正例也其有例所有而不書例所無而書之
者又其變例各以其故也今取韓文所載墓誌銘錄其
目而舉其例於各題之下神道碑銘亦舉之又於李文

陶廬雜錄

卷四

三

公柳河東拔其九次以歐陽永叔尹師魯曾子固王介
甫蘇子瞻陳無己黃魯直陳瑩中晁無咎張文潛朱元
晦呂伯恭用廣韓文之例焉 國朝餘姚黃宗羲字梨
洲金石要例一卷其自序云碑版之體至宋末元初而
壞逮至今日作者旣張王李趙之流子孫得之以蒼賻
輿與紙錢寫馬相爲出入使人知其子姓婚姻而已其
壞又甚於元時似世系而非世系似履歷而非履歷市
聲俗軌相沿不覺其非元潘蒼巖有金石例大段以昌
黎爲例顧未嘗著爲例之義與壞例之始亦有不必例
而例之者如上代兄弟宗族姻黨有書有不書不過以

著名不著名初無定例乃一一以例言之余故摘其要領稍爲辨正所以補蒼崖之缺也乾隆二十年德州盧見曾校刻於揚州作序於端名曰金石三例

大興朱竹君學士請哀集永樂大典散篇勒成定本俾還舊觀經部易類廿四種一百九十二卷書類十三種一百五十二卷詩類五種五十七卷禮類九種一百二十卷春秋類十九種二百一卷孝經類一種一卷四書類二種十卷樂類三種九卷小學類四種十八卷史部正史類二種一百五十五卷編年類五種八百六卷別史類三種一百一十五卷雜史類十種十七卷詔令奏陶廬雜錄

卷四

三

議類一種五卷傳記類十八種五十卷載記類三種十三卷地理類十二種七十四卷職官類五種二十三卷政書類十二種一百五十六卷目錄類三種四十二卷史評類四種一卷子部儒家類十八種五十三卷農家類三種三十一卷醫家類十九種六十六卷兵家類四種七卷法家類五種二十九卷天文算法類十一種五十八卷術數類三十三種一百四十四卷藝術類六種四十三卷譜錄類三種四卷雜家類二十九種一百四十二卷數書類二十種一百三十五卷小說家類十九種四十二卷道家類一種十二卷集部別集類一百

六十六種二千一百九十九卷總集類九種一百卷詩
文評類九種十五卷詞曲類一種二卷共成書五百一
十四種五千三百一十三卷蒼萃之功千古不朽矣
浙元三會錄明楊守陟編會始於成化六年凡六人再
會於成化十五年凡七人再會於成化二十二年凡七
人守陟皆預焉

明陸深科場條貫一卷紀洪武至嘉靖閒科舉條式張
朝瑞貢舉考九卷始洪武三年迄萬歷十七年每科載
會試考官試題所刻程文之目殿試榜首尾全錄會試
榜惟錄前五人鄉試榜惟錄各省第一人名姓籍貫之

陶廬雜錄

卷四

一

異同亦附著焉馮夢禎歷代科舉志一卷敘歷代貢舉
之制未免過簡張宏道張凝道三元考十四卷專紀明
代鄉會殿試之元魁鼎甲始洪武三年迄萬歷四十七
年每科具詳京省主試官張天瑞南國賢書二卷專輯
江南省試考官三場題目中試舉人名籍始洪武三年
迄成化七年續錄六卷亦天瑞輯許天敘增補董天蔭
重梓起成化十年迄崇禎六年余皆有所採摭

陶九成說郛汪鈍翁說鈴二書名皆出法言吳中彙刻
諸書亦名說鈴行世甚廣汪書在前而罕見何蘭士待
御家藏一帙紙板俱佳

考叢書古無刻者宋溫陵曾慥始集類說自穆天子傳以下共二百五十種並錄原文及撰人系歷是爲叢書之祖元陶宗儀刻說郛薈萃幾千餘種然原文俱經刪節閱者病之宋左圭纂百川學海止百種不及陶書之富而首尾完善多古人序跋較爲勝之後明吳永續百川學海百二十種馮賓可廣百川學海百三十種皆從此濫觴也

百川學海宋左圭輯自序云言可聞而不可殫書可觀而不可盡又云古今紀載至多往往好古者類於迂務奇者鄰於誕詳則贅簡則畧無他各局於一體也甲集

陶廬雜錄

卷四

五

李國紀聖門事業圖康節漁樵問對學齋佔畢蔡邕獨斷李涪刊誤楊彥瞻九經補韻中華古今注釋常談乙集顏師古隨遺錄李肇翰林志宋朝燕翼貽謀錄宋敏求退朝錄周益公玉堂雜記誠齋揮塵錄丁晉公談錄王文正公筆錄開天傳信記丙集李國紀厚德錄韓忠獻公遺事王文正公遺事濟南師友談記朱彧可談河東先生龍城錄鍾輅前定錄王君玉國老談苑晁氏客語道山清話丁集胡太初晝簾緒論呂居仁官箴儲華谷祛疑說劉賓客因話錄宋景文筆記戴氏鼠璞陳錄善誘文戊集東坡志林子俞子螢雪叢說蘇黃門龍川

志畧西疇常言樂城遺言李東谷所見趙元素雞肋孫君孚談圃己集王公四六話謝俛四六談塵文房四友除授集胡國器耕祿稟寮寮子畧疎寮騷畧梅屋獻醜集庚集疎寮選詩句圖石林詩話六一詩話珊瑚鈞詩話劉貢父詩話后山詩話許彥周詩話溫公詩話庚溪詩話竹坡詩話辛集法帖釋文海嶽名言寶章待訪錄元章書史書斷姜堯章續書譜歐公試筆孫過庭書譜黃伯思法帖刊誤思陵翰墨志曹陶齋法帖譜系壬集端硯譜洪景伯歛硯譜元章硯史陶隱居刀劍錄洪芻香譜陸鴻漸茶經張又新煎茶水記蔡君謨茶錄東溪

陶廬雜錄

卷四

三

試茶錄竇子野酒譜本心蔬食譜贊寧笋譜陳仁玉菌譜怪山蟹譜癸集蔡君謨荔枝譜韓彥直橘錄南方草木狀戴慶預竹譜劉蒙菊譜史老圃菊譜石湖菊譜梅譜歐公牡丹記牡丹榮辱志芍藥譜陳思海棠譜師曠禽經名山洞天福地記

續百川學海明吳永輯十集梁蕭統二諦義唐陸璣毛詩草木鳥獸蟲魚疏宋魏了翁古今考宋馬縞中華古今註漢孔鮒小爾雅唐邱光庭兼明書唐羅隱兩同書宋蕭參希通錄唐李濟翁貪暇錄宋戴埴鼠璞元吾衍校晉史乘明黃嘉惠等校楚檣机宋秦仁醇趙后遺事

遼王鼎焚椒錄元陶宗儀元氏掖庭錄晉陸翽鄴中記
宋周輝北轅錄元劉郁西使記宋程大昌北邊備對宋
孟琪蒙韃備錄宋周羽沖三楚新錄宋陳彭年江南別
錄元葉隆禮遼志元宇文懋昭金志宋洪皓松漠紀聞
宋張耒明道雜志唐裴庭裕東觀奏記唐張固幽閒鼓
吹唐劉餗隋唐嘉話宋鄭文寶南唐近事唐王仁裕開
元天寶遺事無名氏朝野遺記唐張鷟朝野僉載唐馮
翊桂苑叢談元姚桐壽樂郊私語宋王銍國老談苑宋
孫升孫公談圃宋子俞子螢雪叢說宋晁迥晁氏客語
宋王晞道山清話唐韋絢嘉話錄宋江休復鄰幾雜誌

陶廬雜錄

卷四

七

宋陸游避暑漫鈔宋方岳深雪偶談宋韓元吉桐陰舊
語宋趙潛養疴漫筆宋江萬里宣政雜錄元鄭元祐遂
昌雜錄宋趙葵行營雜錄宋陳襄文昌雜錄宋蘇舜欽
間見雜錄宋謝枋得碧湖雜記宋蔡條鐵圍山叢談元
吳萊南海古跡記宋方勺青溪寇軌宋朱輔溪蠻叢笑
唐段公路北戶錄唐孫棨北里志宋范成大吳船錄騷
鸞錄攬轡錄宋陸游入蜀記宋呂祖謙入越記唐陸廣
微吳地記宋周必大吳郡諸山錄廬山錄廬山故錄九
華山錄宋方鳳金華游錄宋呂祖謙臥游錄宋歐陽修
歸田錄宋林逋省心錄宋李元綱厚德錄宋李昌齡樂

善錄北齊顏之推還冤記唐鄭還古博異志唐薛用弱
集異記唐陸勲集異志元費著歲華紀麗譜宋周密武
林舊事唐崔令欽教坊記元黃雪蓑青樓集唐陸龜蒙
小名錄宋洪遵侍兒小名錄宋汪若海麟書魏繆襲註
尤射唐張又新煎茶水記唐釋皎然詩式梁鍾嶸詩品
梁庾肩吾書品唐歐陽詢書法元鄭杓衍極唐裴孝源
公私畫史宋黃休復名畫錄唐段安節樂府雜錄唐南
卓犖鼓錄無名氏嘯旨漢存宏風后握奇經唐鄭氏女
孝經宋晁氏墨經無名氏丸經宋張擬棋經唐李翱五
木經梁虞荔鼎錄元費著蜀錦譜共一百二十種

陶廬雜錄

卷四

天

廣百川學海馮可賓輯甲集岳元聲聖學範圍圖邢雲
路立春考魏了翁正朔考王文祿龍興慈記張定在田
錄夏元吉肇基錄沈文初政記王禕逐鹿記王泌東朝
記楊儀壘起雜事王達椒宮舊事王禕造邦賢勲錄王
凝齋掾曹名臣錄沈士謙明良錄畧乙集薛瑄從政錄
史仲彬致身錄無名氏殉身錄張芹備遺錄黃標平夏
錄無名氏復辟錄天都山臣女直考葉大亨夷俗記金
幼孜北征錄金幼孜北征後錄楊榮北征記徐兢使高
麗錄陸深玉堂漫筆陸深金臺紀聞楊一清制府雜錄
蘇鶻杜陽雜篇丙集徐禎卿翦勝野聞王世貞觚不觚

錄陸深溪山餘話陸樹聲清暑筆談楊循吉吳中故語
胡應麟甲乙剩言吳萊三朝野史田汝成熙朝樂事委
巷叢談鄭瑗蝴蝶笑偶言田藝蘅玉笑零音解縉春雨雜
述陸樹聲病榻寤言褚澄褚氏遺書丁集李隱瀟湘錄
廉宜清尊錄康譽之昨夢錄虞集就日錄皇甫枚驚聽
錄鄭景璧劇談錄李材解醒語劉玉已瘧編張鷟耳目
記魯龍括異志戊集陳繼儒羣碎錄枕譚祝允明猥譚
語怪徐禎卿異林方鳳物異考邱方遠位業圖己集李
夢陽空同子屠隆冥寥子遊袁宏道廣莊黃姬水貧士
傳陳繼儒長者言香案牘屠隆娑羅館清言續清言徐

陶廬雜錄

卷四

五

太室歸有園塵譚李鼎偶譚屠本峻章弦佩祝肇金石
契庚集屠隆考槃餘事陳繼儒崑栖幽事利瑪竇友論
馬一龍農說慎蒙山栖志彭年林水錄王穉登吳社編
客越志兩航記荆溪疏方升太嶽志辛集陸深蜀都雜
鈔楊君謙金山雜志陳懋仁泉南雜志吳拭武夷雜記
顧芥海槎餘錄馬觀瀛涯勝覽楊慎滇載記王世懋閩
部疏華鏞吳中勝紀婁元禮田家五行王穉登明月篇
壬集王穉登丹青志陳繼儒書畫史莫是龍畫說沈瀨
畫塵釋蓮儒畫禪竹派陸輔之詞旨王世貞詞評曲藻
潘之恆曲豔品張玉田樂府指迷田藝蘅陽關圖譜王

世懋藝圃擷餘吾邱衍學古篇徐宜古今印史陸深古
奇器錄高濂硯譜癸集王思任奕律潘之恆葉子譜許
次舒茶疏馮可賓芥茶箋袁宏道觴政瓶史張德謙瓶
花譜高濂藝花譜藝蘭譜野簌品俞宗本種樹書王世
懋學圃雜疏黃省曾藝菊譜稻品蠶經魚經獸經王穉
登虎苑共一百三十種以上三書與石門
顧修所見本不同

毛氏汲古閣津逮秘書第一集子夏詩序子貢詩傳申
氏詩說韓氏詩外傳陸氏草木蟲魚疏王氏詩考王氏
詩地理考鄭氏爾雅注第二集京氏易傳關氏易傳蘇
氏易傳焦氏易林李氏易解陸氏易釋文王氏周易畧

陶廬雜錄

卷四

三

例衛氏元包經數郭氏周易舉正麻衣道者正易心法
第三集通鑑地理通釋通鑑問疑小學紺珠齊民要術
急就篇漢制考第四集四十二章經道德指歸論葬經
葬經
翼附周髀算經數術記
遺附參同契元女經胎息經握奇經
未相經五木經女孝經九經星經忠經宅經墨經第五
集全唐詩話六一詩話滄浪詩話後山詩話彥周詩話
紫薇詩話石林詩話中山詩話竹坡詩話文正公詩話
第六集法書要錄東觀餘論廣川書跋宣和書譜金石
錄嗣出墨池編嗣出第七集圖畫見聞志歷代名畫記古畫
品錄續畫品錄宣和畫譜圖繪寶鑑後畫品續畫品畫

繼書史第八集詩品二十四詩品風騷旨格芥隱筆記
冷齋夜話西溪叢語益部方物志捫蝨新語歲華紀麗
玉藥辨證程史泉志第九集酉陽雜俎酉陽續雜俎誠
齋雜記甘澤謠本事詩五色線却掃編劇談錄瑯嬛記
輟耕錄第十集洛陽伽藍記洛陽名園記真靈位業圖
東京夢華錄西京雜記佛國記創業起居注老學庵筆
記漢雜事秘辛玉堂雜記焚椒錄唐國史補第十一集
搜神記後搜神記錄異記稽神錄冥通記異苑第十二
集東坡題跋山谷題跋无咎題跋宛邱題跋淮海題跋
鶴山題跋放翁題跋姑溪題跋石門題跋西山題跋第

陶廬雜錄

卷四

三

十三集六一題跋南豐題跋水心題跋益公題跋後村
題跋止齋題跋魏公題跋晦庵題跋容齋題跋海岳題
跋十四集樂府古題要解癸辛雜識前集癸辛雜識後
集癸辛雜識續集癸辛雜識別集紹興古器評揮塵前
錄揮塵後錄揮塵三錄揮塵餘話第十五集夢溪筆談
湘山野錄春渚紀聞齊東野語茅亭客話邵氏聞見錄
聞見後錄錦帶書避暑錄話貴耳錄刻版於崇禎十三
年前有胡震亨序今其版已不完整原印本爲書賈居
奇價非四五十金不可得也

歷代小史一百五種南豐李杲纂刻於萬歷十一年前

有沔陽陳文燭暨棧自序自序云正史出衆人之手而野史由一人記著之實正史合累朝之事而野史據一時見聞之真矧天下有道公論在朝而亦在野天下無道公論在野而不在朝則失之在朝不有得之在野者乎羅泌路史王嘉拾遺記劉歆西京雜記班固漢武故事劉義慶世說新語無名氏海山記開河記迷樓記顏師古隋遺錄劉餗隋唐嘉話王讜唐語林李肇翰林志李潛松窗雜錄李德裕次柳氏舊聞張鷟朝野僉載李翱卓異記鄭棨閑天傳信記王仁裕開天遺事廖瑩中江行雜錄尉遲偓中朝故事柳宗元龍城錄陸游避暑

陶廬雜錄

卷四

三

漫鈔張固幽閒鼓吹孫光憲北夢瑣言蘇鶚杜陽雜編薛用弱集異記李繫鄴侯外傳周羽冲三楚新語陳彭年江南別錄王銍默記張唐英蜀檮杌王林燕翼貽謀錄劉延世孫公談圃王鞏聞見近錄趙葵行營雜錄蔡條鐵圍山叢談曾慥高齋漫錄王陶談淵宋敏求春明退朝錄周必大玉堂雜記錢惟演錢氏私志韓元吉桐陰舊話王明清揮塵錄揮塵後錄丁謂晉公談錄王曾王文正筆錄張端義貴耳集李有古杭集記王君玉國老談苑俞文豹清夜錄江萬里宣政雜錄張湜良岳錄董弁閒燕常談侯延慶退齋筆錄石茂良避戎嘉話張

鷺朝野僉載朝野遺記張仲文白獺髓周密齊東野語
岳珂程史葉隆禮遼志宇文懋昭金志洪皓松漠紀聞
周輝北轅錄孟珙蒙鞞備錄程大昌北邊備對劉郁西
使記趙善瑋自警編李元綱厚德錄強至韓忠獻遺事
王素王文正遺事寇萊公遺事陶宗儀輟耕錄鄭元祐
遂昌山樵雜錄無名氏東園友間無名氏廣客談徐顯
稗史集傳徐禎卿翦勝野聞祝允明野記黃淮平夏錄
姚福清溪暇筆文林瑯琊漫鈔陸欽病逸漫記王鏊震
澤紀聞皇甫錄皇明紀畧金幼孜北征先後錄無名氏
北征記無名氏西征石城記無名氏興復哈密記無名

陶廬雜錄

卷四

三

氏復辟錄彭時可齋雜記劉定之否泰錄尹直齋齋枝
綴錄李賢古穰雜錄許浩兩湖塵談錄許浩復齋日記
陳洪謨繼世紀聞祝允明江海殲渠記梅純損齋備忘
錄無名氏靖難功臣錄張芹備遺錄無名氏星槎勝覽
無名氏真臘風土記田汝成炎徼紀聞楊慎滇載記此
書萬曆甲辰朱東光治兵粵中命校官唐世延摘錄四
十餘種釐爲六十卷刻行之

秘書二十一種汪士漢校刻汲冢周書吳越春秋拾遺
記白虎通山海經博物志續博物志桂海虞衡志博異
記高士傳劔俠傳楚史檮杌晉史乘竹書紀年古今注

中華古今注三墳風俗通列仙傳集異記續齊諧記

鈕氏稗海續稗海商濬刻之康熙三十五年蔣國祚重修分十函第一函十種六十四卷晉張華博物志十卷

晉葛洪西京雜記六卷晉王嘉拾遺記十卷晉干寶搜

神記八卷

補序

唐王保定摭言一卷唐陸龜蒙小名錄二卷唐范

摭雲溪友議十二卷

補序

唐李冗獨異志三卷第二函六種四十九卷唐蘇鶚杜陽雜編三卷唐裴庭裕東觀奏

記三卷唐劉肅大唐新語十三卷

補序論

唐趙璘因話錄

六卷唐闕名玉泉子一卷五代孫光憲北夢瑣言二十

陶廬雜錄

卷四

五

卷第三函十種四十一卷宋李昌齡樂善錄二卷宋王

遠蠡海集一卷宋范公稱過庭錄一卷宋方勺泊宅編

三卷宋魯應龍閑窗括異志一卷宋宋永亨搜采異聞

錄五卷宋魏泰東軒筆錄十五卷宋吳處厚青箱雜記

十卷宋鄭景望蒙齋筆談二卷宋張舜民畫墁錄一卷

第四函九種五十二卷宋張世南游宦紀聞十卷宋沈

括夢溪筆談二十六卷

補序跋

補筆談一卷宋史繩祖學

齋佔畢一卷宋儲泳祛疑說纂一卷宋張邦基墨莊漫

錄十卷又侍兒小名錄拾遺一卷宋王銍補侍兒小名

錄一卷宋溫豫續侍兒小名錄一卷第五函七種五十

一卷宋馬永卿懶真子五卷宋歐陽修歸田錄二卷宋蘇軾東坡志林十二卷宋蘇轍龍川別志二卷宋王闢之澠水燕談十卷宋僧惠洪冷齋夜話十卷宋陸游老學庵筆記十卷第六函七種三十三卷宋趙彥衛雲麓漫鈔四卷宋葉夢得石林燕語十卷又避暑錄話二卷宋周輝清波雜志三卷宋彭乘墨客揮犀十卷宋闕名異聞總錄四卷元鄭元祐遂昌雜錄一卷第七函四種四十八卷唐段成式酉陽雜俎二十卷補序唐張讀宣室志十卷補遺一卷唐柳宗元龍城錄二卷宋羅大經鶴林玉露十六卷補遺一卷補序第八函九種四十四卷宋闕名儒林

陶廬雜錄

卷四

三五

公議二卷宋趙德麟侯鯖錄八卷宋郭彖睽車志六卷宋江休復江鄰幾雜志一卷宋岳珂桎史十五卷宋陳世崇隨隱漫錄五卷宋闕名楓窗小牘二卷宋胡錡耕祿稿一卷宋李元綱厚德錄四卷第九函六種三十九卷宋姚寬西溪叢話二卷宋王楙野客叢書三十卷補編目宋俞元德螢雪叢說二卷宋孫升孫公談圃三卷宋許顥許彥周詩話一卷宋陳無己後山詩話一卷第十函六種二十七卷宋周密齊東野語二十卷補序又癸辛雜識前集一卷又癸辛雜識後集一卷增又癸辛雜識續集二卷增又癸辛雜識別集二卷元蔣正子山房

隨筆一卷

漢魏六朝一百三家集六函四十二冊明張溥撰書一百十八卷凡一百三家漢九人賈誼司馬相如董仲舒東方朔褚少孫王褒劉向揚雄劉歆東漢十一人馬衍班固崔駰張衡李九馬融荀彧蔡邕王逸孔融諸葛亮魏十二人武帝文帝曹植陳琳王粲阮瑀劉楨應場應璩阮籍嵇康鍾會晉二十二人杜預荀勗傅元張華孫楚摯虞束皙夏侯湛潘岳傅咸潘尼陸機陸雲成公綏張載張協劉琨郭璞王羲之王獻之孫綽陶潛宋八人何承天傅亮謝靈運顏延之鮑照袁淑謝惠連謝莊齊

陶廬雜錄

卷四

三

六人蕭子良王儉王融謝朓張融孔稚圭梁十九人武帝昭明太子簡文帝元帝江淹沈約陶宏景邱遲任昉王僧儒陸倕劉孝標王筠劉孝綽劉潛劉孝威庾肩吾何遜吳均陳五人後主徐陵沈炯江總張正見北魏二人高允溫子昇北齊二人邢邵魏收北周二人庾信王褒隋五人煬帝盧思道李德林牛宏薛道衡蒐輯諸書所載詩文并及斷篇逸句人各爲集集各題詞前有溥

自序

歷代文紀十六函一百六十冊明梅鼎祚撰鼎祚字禹金宣城人國子監生有鹿裘石室集凡皇霸文紀十三

卷有崇禎己巳陳繼儒序西漢文紀二十四卷東漢文紀三十二卷有崇禎癸酉陳泰來序魏文紀十八卷吳文紀四卷蜀漢文紀二卷西晉文紀二十卷宋文紀十八卷有崇禎丁丑張煊序張溥序按鼎祚作此書意以配馮納詩紀然以文較詩纂輯爲不易鼎祚以一諸生竭數十年之心力爲之至其子士都易產行書友朋欣助陸續付之剞劂故傳本卷帙參差不一四庫全書所載尙有南齊文紀十卷梁文紀十四卷陳文紀八卷北齊文紀三卷後周文紀八卷隋文紀八卷爲此本所無而此本之魏蜀吳三編二十四卷亦全書所未載至北

陶廬雜錄

卷四

七

魏一代兩本俱闕鼎祚當日曾否有書已未付刻併無可考據矣要之是書畫代爲斷各自成書非可以闕佚例且刻成卽已盛行隨時所得先後不同故也至鼎祚別纂釋文紀四十五卷名雖相沿更不應闌入此書矣泰輿季氏藏本

青州李南礪喜刻書貸園叢書十二種其底稟多得之周書昌編修家九經古義十六卷惠棟易例二卷惠棟左傳補註六卷李文淵左傳評二卷江永古韻標準不分卷江永四聲切韻不分卷戴震聲韻考四卷曾宏父石刻鋪敘二卷錢大昕鳳墅殘帖釋文一卷張養浩三

事忠告三卷張爾岐蒿庵閒話二卷趙執信談龍錄一卷

德州盧氏雅雨堂十種李氏鼎祚易傳十七卷附釋文一卷鄭氏周易三卷鄭氏周易乾鑿度二卷鄭氏尙書大傳四卷附鄭司農集一卷大傳補遺一卷盧文弨續補遺一卷考異一卷高氏誘戰國策三十三卷盧辯註大戴禮記十三卷封演聞見記十卷王定保摭言十五卷孫光憲北夢瑣言二十卷顏思古匡謬正俗八卷龐元英文昌雜錄六卷刻於乾隆二十一年皆世閒罕見之本卷帙宏富楮墨精好洵足珍秘

陶廬雜錄

卷四

三

曲阜孔誦孟微波榭所刻戴氏東原遺書毛鄭詩考正四卷續天文畧三卷杲溪詩經補注二卷孟子字義疏證三卷原善三卷聲韻考四卷考工記圖二卷方言疏證十三卷水地記一卷聲類表七卷原象一卷戴氏文集十卷水經注四十卷凡十三種又刻算經十書而附以戴震九章算術補圖一卷策算一卷句股割圓記三卷

又刻古書八種五經文字一卷九經字樣一卷國語補音三卷孟子趙氏注十四卷孟子音義二卷春秋金鎖匙一卷春秋長歷一卷春秋地名一卷

微波榭遺書水經釋地六卷同度記一卷雜體文稿七
卷紅欄書屋詩集四卷斲冰詞二卷共五種誦孟太史
博古好事不愧孔氏家風版刻極佳情楮墨未盡善耳
北方工料不及南方職是故耶

畢氏靈巖山館刻書山海經夏小正老子道德經考異
墨子三輔皇圖晉書地道記太康三年地記晉書地理
志新補正長安志關中金石記明堂大道錄易漢學說
文解字舊音經典文字辨正書音同義異辨樂遊聯唱
集十六種其校正多出洪稚存孫淵如之手

王暉檀几叢書五十種每種一卷集其同時人之著述

陶廬雜錄

卷四

五

雖涉瑣屑而零金碎玉往往而在徐士俊三百篇鳥獸
草木記徐士俊月令演黃宗羲歷代甲子考徐汾二十
一史徵宋實穎黜朱梁紀年論金諾韻史洪若皋釋奠
考繆彤臚傳紀事毛先舒喪禮雜說汪琬喪服或問王
嗣槐錦帶連珠陳鑑摻觚十六觀王宏撰十七帖述張
正茂龜臺琬玉毛先舒稚黃子沈謙東江子惲日初續
證人社約戒張習孔家訓高拱京高氏塾鐸劉德新十
二戒傅麟昭猶見篇張習孔七勸謝開寵元寶公案張
潮聯莊莊臻鳳琴聲十六法李清鶴齡錄陸圻新婦譜
陳確新婦譜補查琪新婦譜補徐震美人譜余懷婦人

鞋襪考張潮七療黃周星鬱單越頌張澐地理驪珠韓
則愈鴈山雜記王修玉越問九侗真率會約張潮酒律
金昭鑑酒箴沈中楹觴政朱曉廣抑戒錄陳玉璣農具
記宋犖怪石贊諸九鼎石譜高兆端溪硯石考求集之
羽族通譜張綱孫獸經陳鑑江南魚鮮品陳鑑虎邱茶
經注補林嗣環荔枝話前有張潮吳肅公序及皞自序
蓋踵漢魏叢書唐人小說津逮秘書百川學海說郛秘
笈快書之義例云爾

檀几叢書二集五十種徐繼畲亭易論閻若璩孟子
考宋瑾人譜補圖姚廷傑教孝編吳儀一仕的宋瑾古

陶廬雜錄

卷四

罕

觀人法丁雄飛古人居鄉法崔學古幼訓少學方象瑛
俗砭李淦燕翼編徐元美艾言陳芳生訓蒙條例劉芳
詰拙翁庸語李日景醉筆堂三十六善黃宗羲七怪東
蔭商華山經王士禎長白山錄王士禎水月令毛奇齡
三江考黃元治黔中雜記方亨咸苗俗紀聞金人瑞念
佛三昧畢熙暘佛解王士禎漁洋詩話江之蘭文房約
馮京第葦溪自課讀書燈王概學畫淺說張永祥廣惜
字說丁雄飛古歡社約張蓋彷彿園清語程羽文鴛鴦牒
張芳黛史丁雄飛小星志葉瓊章豔體聯珠黎遂球戒
殺文丁雄飛九喜榻記丁雄飛行醫八事圖張仁熙雪

堂墨品宋犖漫堂墨品錢朝鼎水坑石說程雄琴學八則高兆觀石錄汪鎬京紫泥法周高起陽羨茗壺系洞山界茶系黎遂球桐堦副墨張愬南村觴政張萬鍾鶴經王暉張潮同輯也

檀几叢書餘集二卷上卷陸次雲山林經濟策以下三十種下卷韓則愈五嶽約以下十七種後附王暉四種張潮六種蓋皆小品短篇誌之以待印正云

昭代叢書張潮輯凡五十種其體例亦沿檀几叢書王暉更定文章九命吳肅公天官考異改元考同五行問梅文鼎學歷說張能麟進賢說施璜塾講規約甘京夙

陶廬雜錄

卷四

聖

與語毛先舒家人子語語小甘穉心病說魏禧日錄雜說周文煒觀宅四十吉祥相沈捷增訂心相百二十善殷曙竹溪雜述湯傳楹閒餘筆話狄億 御試恭紀王暉松溪子林雲銘讀莊子法胡鼎蒙養詩教徐沁謝皋羽年譜王言西華仙錄黃周星將就園記洪玉圖歛問閔麟嗣黃山松石譜尤侗外國竹枝詞南懷仁西方要紀李仙根安南雜記毛先舒聲韻叢說黎遂球花底拾遺徐士俊十眉謠李沂秋星閣詩話徐增而庵詩話黃周星製曲枝語宋曹書法約言尤侗戒賭文黃周星廋詞酒社芻言蔡祖庚嬾園觴政冒襄芥茶彙鈔宣爐歌

註余懷硯林周嘉胄裝潢志鄭旭旦牌譜鄭晉德三友
棋譜王暉兵仗記陳鼎荔枝譜冒襄蘭言王暉龍經前
有尤侗及潮自序昭代叢書乙集四十種洪嘉植毛朱
詩說黃元治春秋三傳異同考吳肅公讀禮問張愉曾
十六國年表劉師峻北嶽歷祀考葉燮江南星野辨毛
奇齡三年服製考魏禧師友行輩議王士禛 國朝諡
法考金德純旗軍志方象瑛封長白山記王士禛紀琉
球入太學始末孔尙任人瑞錄王士禛紀恩錄董文驥
恩賜御書記徐秉義還 駕紀王仕雲格言僅錄孔
尙任出山異數紀釋道忞奏對機緣余霖塞程別紀許

陶廬雜錄

卷四

聖

承宣西北水利議王士禛廣州遊覽小志隴蜀餘聞東
西二漢水辨魏禧日錄裏言魏際瑞偶書宋犖漫堂說
詩王士禛然脂集例唐彪身易魏際瑞論文魏禧日錄
論文毛先舒韻問南曲入聲客問王言連文釋義孔衍
棊畫訣王士禛焦山古鼎考張昭瘞鶴銘辯昭陵六駿
贊辨林佶漢甘泉宮瓦記張英飯有十二合說

吳震方說鈴前集王崇簡冬夜箋記王士禛隴蜀餘聞
分甘餘話李仙根安南雜記范承謨畫壁詩宋犖筠廊
偶筆二筆高士奇金鰲退食筆記扈從西巡錄塞北小
鈔松亭行紀天祿識餘方象瑛封長白山記張學禮使

琉球紀畧周亮工閩小紀許纘曾滇行紀程東還紀程
閔敘粵述陸祚蕃粵西偶記陳鼎滇黔紀遊顧炎武京
東道古錄山東考古錄救文格論雜錄李玉壑守汴日
志南懷仁坤輿外紀林謙光臺灣紀畧季麒光臺灣雜
記潘鼎珪安南紀遊陸次雲峒溪織志孔貞瑄泰山紀
勝吳闡恩匡廬記遊屈逸名登華記周清原遊鴈蕩記
計三十三種後集黃鵬揚讀史吟評吳綺揚州鼓吹詞
序鈕琇觚賸陸次雲湖壖雜志花村看行侍者談往余
懷版橋雜記陳尙古簪雲樓雜說虞兆溦天香樓偶得
王蓮蚓庵瑣語徐岳聞見錄陸圻冥報錄戒顯現果隨
記計十九種前有徐倬序

陶廬雜錄

卷四

星

錄揚式傳果報聞見錄徐慶信徵錄吳陳爻曠園雜志
勞大輿甌江逸志呂種玉言鯖吳震方嶺南雜記述異
式縮狹耳知不足齋叢書凡十八集第一集高彥休唐
闕史二卷古文孝經孔氏傳一卷沈作喆寓簡十卷吳
仁傑兩漢刊誤補遺十卷葛洪涉史隨筆一卷郭畀客
杭日記一卷姜紹書韻石齋筆談二卷劉體仁識小錄
一卷第二集劉敞弟子記一卷胡銓玉音問荅一卷黃
澈碧溪詩話十卷曾敏行獨醒雜志十卷費袞梁溪漫

志十卷 鄭露赤雅三卷 杭世駿諸史然疑一卷 榕城詩話三卷 第三集 陸游入蜀記六卷 朱翌猗覺寮雜記二卷 范晞文對牀夜話五卷 瞿佑歸田詩話三卷 都穆南濠詩話一卷 李東陽麓堂詩話一卷 趙嘏石墨鐫華八卷 第四集 孫子算經三卷 五曹算經五卷 史氏鈞礪立談一卷 張齊賢洛陽縉紳舊聞記五卷 葉紹翁四朝聞見錄五卷 附一卷 郭宗昌金石史二卷 孫承澤閒者軒帖考一卷 第五集 王鞏清虛雜著四卷 錢文子補漢兵志一卷 魏泰臨漢隱居詩話一卷 王若虛滹南詩話三卷 劉祁歸潛志十四卷 黃向堅尋親紀程一卷 邊大綬

陶廬雜錄

卷四

四

虎口餘生記一卷 祁士燦澹生堂藏書約一卷 苦瓜和尚畫語錄一卷 第六集 文瑩玉壺清話十卷 岳珂愧郗錄十五卷 王灼碧雞漫志五卷 樂府補題一卷 張翥蛟巖詞二卷 第七集 何晏論語集解 皇侃義疏十卷 吳仁傑離騷草木疏四卷 張世南游宦紀聞十卷 第八集 張邱建算經三卷 王孝通緝古算經一卷 王銍默記一卷 張鎡南湖集十卷 周密蘋洲漁笛譜二卷 第九集 梁孝元帝金樓子六卷 蔡條鐵圍山叢談六卷 陳旉農書三卷 秦觀蠶書一卷 樓璹耕織圖詩一卷 白珽湛淵靜語二卷 方鵬責備餘談二卷 第十集 林慎思續孟子二卷

伸蒙子三卷王棨麟角集一卷桑世昌蘭亭考十二卷
俞松蘭亭續考二卷曾宏父石刻鋪敘二卷張泰來江
西詩社宗派圖錄一卷附一卷尤玘萬柳溪邊舊話一
卷第十一集謝枋得詩傳註疏三卷顏之推顏氏家訓
七卷附一卷江南餘載二卷五國故事二卷蕭洵故宮
遺錄一卷鄧牧伯牙琴一卷孟宗寶洞霄詩集十四卷
范成大石湖詞一卷張三聘和石湖詞一卷王沂孫花
外詞一卷第十二集段子武詩義指南一卷錢杲之離
騷集傳一卷吳淑江淮異人錄一卷慶元黨禁一卷朱
肱北山酒經三卷楊瑀山居新話一卷鬼董五卷陸友

陶廬雜錄

卷四

墨

墨史三卷龔賢畫訣一卷宣重光畫筌一卷黃宗羲今
水經一卷汪輝祖佐治藥言一卷續一卷第十三集岳
珂刊正經傳沿革例一卷張志和元真子三卷洪遵翰
苑羣書二卷趙升朝野類要五卷黃煜碧血錄二卷潘
閻迨遙集一卷連文鳳百正集三卷張先子野詞四卷
張雨貞居詞一卷第十四集陳叔齊籟記一卷司馬光
潛虛一卷袁采世範三卷附一卷天水冰山錄一卷附
書畫記一卷第十五集吳縝新唐書糾謬二十卷鄧牧
洞霄圖志六卷黃晞贅隅子二卷袁袞世緯二卷第十
六集董史皇朱書錄三卷徐兢宣和奉使高麗圖經四

十卷周密武林舊事十卷袁韶錢塘先賢傳贊一卷第
十七集吳縝五代史纂誤三卷周去非嶺外代荅十卷
南窗紀談一卷蘇沈兩內翰良方十卷朱濂浦陽人物
記二卷第十八集黃庭堅宜州家乘一卷范成大吳船
錄二卷周輝清波雜志十二卷清波別志三卷沈荀蔚
蜀難敘畧一卷朱翌澗山集三卷劉應時頤庵居士集
二卷

鮑氏知不足齋重刊聚珍版書易緯十二卷宋蔡淵易
象意言一卷宋郭雍郭氏傳家易說十一卷宋錢時融
堂書解二十卷宋毛晃禹貢指南四卷宋袁燮絜齋毛

陶廬雜錄

卷四

吳

詩經筵講義四卷宋張淳儀禮識誤三卷宋劉敞春秋
傳說例一卷宋蕭楚春秋辨疑四卷唐太宗帝範四卷
元翟思忠魏鄭公續諫錄二卷漢衛宏漢官舊儀二卷
宋程俱麟臺故事五卷晉陸翽鄴中記一卷唐劉恂嶺
表錄異三卷北魏酈道元水經注四十卷宋陳振孫直
齋書錄解題二十二卷晉王弼注道德經二卷晉傅元
傅子一卷元司農司農桑輯要七卷明沈繼孫墨法輯
要一卷北周甄鸞五經算術二卷孫子算經三卷夏侯
陽算經三卷魏劉徽海島算經一卷宋劉荀明本釋三
卷宋袁文瓊牖聞評八卷宋張淏雲谷雜記四卷宋葉

大慶攷古質疑六卷宋韓澆澗泉日記三卷宋周密浩然齊雅談三卷元李冶敬齋古今艱八卷宋張戒歲寒堂詩話二卷宋胡宿文恭集五十卷宋袁燮絜齋集二十四卷宋曾幾茶山集八卷金王寂拙軒集六卷元仇遠金淵集六卷此皆初頒之本惜後來大部書未盡付鈔人閒遂不可得見矣

涇川叢書明人著錄三十種 國朝人著錄十一種皆涇邑之書有裨於經史者趙紹祖編次紹祖博學嗜古輯金石文鈔八卷余爲序之刻版於嘉慶八年

陶廬雜錄

卷四

七

陶廬雜錄卷五

小西厓 法式善

讀史漫錄張南軒告孝宗云陛下當求曉事之臣不必求辦事之臣若但求辦事之臣則他日敗天下事者未必非此人也此二語者可爲萬世用人之法矣天下求小才私智可以備一官之用者未嘗無人惟至國家利害安危大機括所在大形勢所關非曉事之臣不能洞其幾微晰其體要曉事二字何可易得必須有一種識見能知人之所不能知有一種氣魄能斷人之所不能斷而其心一出於公平正大無所避忌然後事至了不

陶廬雜錄

卷五

一

爲凝滯否則博極古今洞悉隱微而一爲私意所惑則失其靈明之體而昧於事機者有矣安得稱曉事乎綬寇紀畧張獻忠之在穀城左良玉請擊熊文燦曰彼雖懷貳釁未成也君雖健鬪衆未集也驟而擊之他寇必動脫不能勝所喪實多不如徐之良玉曰不然逆賊利野戰不利城守今以吾衆出不意彼士有駭心糧無後繼諸部觀望必不能前賊怠我奮賊寡我衆攻之必拔襲之必捷若失此機悔無及矣文燦苦禁之而止獻忠既焚穀躡房竄入鄖竹山中文燦請追之良玉曰向云疾擊懼其逸也今非不擊避其銳也箐薄深阻前逃

後伏我失其便非絕地也二叛往矣九營從之同惡氣
盛非窮竄也負米入山顛頓山谷十日糧盡馬斃士饑
果行也我師必敗已而羅猴喪績寧南可謂知兵數語
全摹左傳讀之奕奕有生色

盧象昇疏畧臺省動以尾擊責臣等持論非不甚善但
均一勦也有追之者必更有一二重兵或堵之或拒之
始無潰決之患若前無堵者旁無拒者止賴一追卽有
縮地之法遠出其前而賊巧於避兵轉身他向仍然尾
賊也卽欲不尾不可得盧公文筆不古奧而語極透闢
楊孟載眉山集送謝防禦出郭團練詩中有云官家百
陶廬雜錄

卷五

二

萬師自足與寇爭汝自守汝鄉汝自保汝生閒暇苟不
虞倉卒恐見傾我當徵汝勞薄爾賦稅征團練之義與
其法紀數語包括無遺

正統十二年福建沙縣鄧茂七反上命都御史張楷討
賊楷陰致賊黨黃琴羅汝先爲閒諜誘茂七攻延平設
伏挑之佯敗賊乘勝渡浮橋薄城關廂伏發礮作合擊
之大敗茂七中流矢死斬其首露布以聞是役也前以
慶元賊葉宋畱據車盤後以鄧伯孫與女賊廖氏聚後
洋擾殘福浙江西諸境勁旅殺傷殆盡至是用閒諜之
始歸命甚矣兵之貴出奇也

鄖陽大盜劉千金以成化二年反尚書白圭督諸軍進討擒千金賊黨劉長子妖僧石和尚遁圭遣參將喜信指揮張英誘長子縛石和尚降亦用奇之一證

工科給事中劉曰俊云招安之失策乃回原籍三字誤之鄉里之人見賊非畏而不敢與居則羞而不肯與伍在彼亦面目難施輒悔而中敗又云由前規後信狡賊非戰與守所可辦也必另設一法以賊攻賊以賊招賊推誠感格收拾解散之爲便夫推誠感格收拾解散八字中有大學問在有良醫善診脈尤善下藥曰俊之謂與

陶廬雜錄

卷五

三

鄒漪曰明懷宗以延綏視延綏未嘗以全秦視延綏以秦視秦未嘗以天下安危視秦記吾師李宮允明睿之言曰先時發出一錢可當萬錢之費後時與人萬錢不敵一錢之用切中明末情弊

盧象昇疏畧云賊橫而後調兵賊多而後增兵無人不落後局兵至而後議餉兵集而後請餉時時寓有危形可謂語湛義精

湧幢小品宏治閒令州縣選民壯先是天順初令招募民壯鞍馬器械悉從官給本戶有糧與免五石仍免戶丁二丁以資供給如有事故不許勾丁至是令州縣選

取年二十以上五十以下精壯之人州縣七八百里者每里僉二名五百里者每里僉三名三百里者每里僉四名一百里以上者每里僉五名春夏秋每月操二次至冬操二歇三遇警調集官給行糧

又土兵法起於宋所謂陝西義勇刺爲兵者是也然唐藩鎮與漢郡國所用獨非此類乎胡深在縉雲當元末盜起慨謂其友人曰軍旅錢糧皆民出也而今日之民其困已甚遂請於上令有田者米十石出一人爲兵而就食之以一郡計之米二十萬石當得精兵二萬人軍無遠戍之勞官無養兵之費而二十萬之糧固在也行

陶廬雜錄

卷五

四

之數年使所在兵強而財阜此制最善然元法度寬縱又當擾攘時故可行且不獨深有此言章溢父子兄弟固已親行之矣成化二年用陝西撫臣盧祥之言選民丁之壯者編成什伍號爲土兵原僉民壯亦入其中量加優恤凡得二萬人時毛里孩方彊盛窺邊憚之不敢深入世宗庚戌以後建議欲練蘇卒而不及土兵終無成功王思質以此受禍唐荆川以此受謗

彭躬庵云少陵稷契自許爲諫官當肅宗兵興李輔國魚朝恩輩讒搆兩宮偏挾諸大帥噤不一言獨房琯請以私舊殫力申救安在其爲稷契論甚正及讀汪鈍翁

少陵像贊序云老杜詩避人焚諫草騎馬欲雞栖又明
朝有封事數問夜如何蓋其所謂一夕不忘君者如此
史氏軼之劉昫固不足道宋景文歐陽文忠尤不免於
漏失豈避人而焚之者果有其事耶語較和平躬庵不
知得及聞此否

劉文成新春詩我髮日已白我顏日已醜開樽聊怡情
誰能計身後于忠肅自歎詩云寒暑互凌侵凋我好顏
色齒牙漸搖脫鬢髮日已白衰颯之況不可卒讀其後
一佐命一定國皆爲社稷臣君子隨遇而安信然

東客贅言都御史東阜劉公撫蜀有門生在諫垣以書

陶廬雜錄

卷五

五

來求作司諫箴東阜復書曰老悖學植荒落安能辦此
會見前科程文載邦有道危言危行一篇其中講語曰
事關利害有舉世所不敢言而已獨言之機伏隱微有
舉世所不能言而已獨言之請以此語書之座右爲司
諫箴可也門生得書讀之竦然

陔餘叢考古來用兵往往兵多者敗蓋兵過多則號令
不齊勢氣不貫必不能有臂指相使之用且爲將者有
恃衆之意而謀多疎爲兵者亦有恃衆之心而戰不力
亦足以備一說

後漢書度尙傳尙破賊卜陽潘鴻等猶未殄滅而士卒

驕富莫有鬪志尙乃令軍中恣其出獵密使人潛焚其營珍積皆盡獵者歸皆泣因勞之曰賊財寶山積足富數世諸君但不努力耳乃人人爭奮大破平之

翰苑叢鈔賈宣伯有神藥能治三蟲止熬黃柏木以熬酒沃之別無他味一日過松江得巨魚置於水罟中投小刀圭藥魚吸中卽死後吳江有怪土人謂蛟爲害宣伯數刀圭投澤中明日老蛟死浮於水水蟲莫知數皆爲藥死山人此藥云本仙方而涉海者亦或需焉

又景祐三年五月詔中外臣僚許以家書附遞明告中外下進奏院依應施行蓋臣子遠官孰無墳墓宗族親戚之念其能專人馳書必達官貴人而後可此制一頒則小官下位受賜者多今所在士大夫私書多入遞者循舊制也

長慶二年度支張平叔畫糶鹽之策請檢責所在實戶據口團保給一年鹽使其四季輸價爲韓愈所駁而止卽今戶口食鹽法也今雖不覺其擾直爲文具無益於國計而相沿日久不究其根柢亦付之文具而已

漢幣用黃金雜以泉貨唐純用錢開元天寶閒天下錢鑄九十九爐歲八百萬至元和長慶閒鑄纔十餘爐入方十五萬盈虧之較可觀矣其時兩河太原雜用鉛鐵

嶺南雜用金銀丹砂象齒他皆用錢白金猶未多用也
宋始用白金及錢閒以交子元寶鈔盛行與銀錢並用
矣今惟白金與錢黃金不用爲幣

元時鈔法有三初造中統交鈔歷歲旣久復造元寶鈔
又三十餘年改造至大銀鈔錢法有二曰至大通寶一
文准銀一釐曰至元通寶一文准銀一分

臺諫風聞言事考之令典無所證據唐史武后以術制
羣下諫官御史得以風聞言事自御史大夫至監察御
史得互相彈劾率以險陂相傾覆此風聞言事之始也
歐陽修遊隋州得韓愈遺稿讀而慕之苦心探賾至忘

讀書雜錄

卷五

七

寢食遂以文名天下彼時韓公之文猶未盛行於世歐
公從斷簡遺編遂受正法眼藏可謂天授今韓歐之文
布滿天下有能苦心探賾而得其元珠者幾何人哉蘇
氏之文出於孟子其時孟子之書未列學宮固侯鯖之
一味也乃今舉世服之如布帛菽粟人人厭飫而無知
其味者矣自古藝文經籍得之難則視之必重見之少
則入之必深何也得之易則不肯潛心見之熟則忘其
爲貴也今夫墨池之士臨揭舊帖多於殘編斷簡得其
精神不以其難且少耶試使爲文者如揭帖之心則蘭
亭數語嶧山片石用之不竭何以多爲不然卽積案盈

箱富於武庫之藏亦不足爲用矣

選詩所載無諸王詩法帖所集無諸謝字古今才士亦無兼長如此

唐渭南尉劉延佑弱冠登進士第政事爲畿縣最李勣謂曰足下春秋甫邇遽擅大名宜稍自貶抑無獨出人右也此時風俗尙淳後進少年爲長者所誨如此以上數條見穀山筆塵

劉宗周劾溫體仁疏昔唐德宗謂羣臣曰人言盧杞姦邪朕殊不覺羣臣對曰此乃杞之所以爲姦也臣每三復斯言爲萬世辨姦之要故曰大姦似忠大佞似信類

陶廬雜錄

卷五

八

年以來陛下惡私交而臣下多以告訐進陛下錄清節而臣下多以曲謹容陛下崇勵精而臣下奔走承順以爲恭陛下尙綜覈而臣下瑣屑吹求以示察凡若此者正似信似忠之類究其用心無往不出於身家利祿范景文撫賊未可輕信疏從來治盜之法曰勦曰撫權可兼行勢難偏廢誰不知之但勦而後撫求撫在彼而權在我不勦而撫求撫在我而權在彼權在我可操縱自如權在彼則叛服不常且撫之不效已非一矣此撫彼叛朝無暮叛外撫中叛非撫事之局變無法勦之以制其死命耳

潘少保季馴嘉靖己丑受命治河至萬歷庚辰工成著有宸斷大工錄先後四總河務晚輯河防一覽其大指謂通漕於河則治河卽以治漕會河於淮則治淮卽以治河合河淮而同入於海則治河淮卽以治海立意在築堤束水借水刷沙以此奏功

薛文清讀書錄云偶見一伶人於三層卓上頭頂一小童可謂危矣因笑自喻曰此伶此童此際俱無邪心何也以恐懼之心勝也賤技且然君子學道必常存戒懼之心如處至危之地斯無邪心矣苟安於怠惰放肆則無限之邪心竊從而生矣

陶廬雜錄

卷五

九

魏公子無忌從車騎虛左迎侯生生直上載公子上坐此載字亦加載之意與老子屈子揚子載魄之載字同義

靜志居詩話肅皇帝信薊州人李昇嵩縣人刁騰之言分遣中貴崔閔主事沈應乾千戶仝爵李鉉至其地相視銀礦是時遼東衛軍姜賢亦奏開蓋州歸州之礦遂以賢爲礦長至萬歷閒陳開礦之利者紛紛於是中貴四出海內騷然姚公思仁爲巡按仿鄭俠流民圖擬開采圖說進呈力請罷役不聽旣而開礦者爭相仇殺羣盜蠶起畿甸則齊本數李庸史籍周言張世才石賓河

南則張住朱世安趙仲保蘭一枝王西安山西則張守清郭貴三張盡忠許廷珍寧夏則楊戩本欲利國而國幾危矣

宋太祖於太廟寢殿夾室鑄一碑謂之誓碑封閉甚嚴新天子卽位禮啟默誦蹠腹心大臣近臣皆不知靖康之變方得縱觀其詞三行一云柴氏子孫不得加刑市戮連坐支屬一云不得殺士大夫及上書言事人一云子孫有渝此誓者天必殛之

元朝送終之禮用香椀木分爲兩片鑿空其中肖類人形小大合爲棺置遺體其中加髹漆畢則以黃金爲圈

陶廬雜錄

卷五

十

三圈定送至園寢之地深埋之則用萬馬蹴平俟草青則已漫同坡不窮財不殉女子不崇山墳無復考誌遺跡豈有發掘暴露之患哉

元兵事急能致風雨突圍而走蓋有赭丹隨身赭丹者馬腹中所產之物用之念咒卽致風雨如狗寶牛黃之類

宋有疊陣法吳璘所作也其法前一行刀楯蹲伏以俟其陣最低第二行矛戟大鎗立地以俟其陣稍高後一行騎兵弓矢其陣最高互相倚恃迭爲赴援最低之陣於蹲處掘地取足容身更蔽以雲幢而參之柁戟則矢

鑛莫加其在陸也則縱橫掘塹以爲地網其遇泉也則勾引停蓄以爲水櫃然敵驟來或在地網水櫃之外則有電掃雷丸之用矣其爲器也管用七尺而以銅爲之小管七寸而以藥發之用人少而成功多費省而兵卒強易於進戰不俟威迫也

葉文莊公盛巡撫宣府時修復官牛官田之法墾地日廣積糧益多以其餘歲易戰馬千八百餘匹其屯堡廢缺者乃修築之不數月完七百餘所

唐貞元元和閒張公瑾爲代州都督瑾爲置田以省餽運李絳奏振武天德左右良田可萬頃請擇能吏置營

陶廬雜錄

卷五

十一

田省費足食卒以盧坦經度四年得穀四十餘萬斛歲省度支錢二十餘萬緡韓重華東起振武西逾雲州極於中受降城列柵二十墾田三千八百處韓魏公云代州寧化軍禁地萬頃宜如草城川募弓箭手給地計租以備征禦此皆已試明驗後來軍政弗修寇警時至遂乃歸罪田畜禁民勿耕是謂懲噎廢食也

李佶言每正鹽一引帶餘鹽二引霍韜議每正鹽一引帶餘鹽三引或令商人於緣邊報申或令商人於鹽場買補如此則公私兼利商竈兩便私鹽不待禁而自無矣且每正鹽一引帶餘鹽二引或三引是國家獲額外

二三倍之利而竈丁亦得二三之息也此外縱再有遺餘當盡捐以予之任其流通貨賣不復拘禁盡變私鹽爲官鹽則亦可以盡變鹽徒爲良民矣

通惠河元郭守敬議開引昌平白浮村神山泉過雙塔榆河引一畝玉泉諸水進都城統至通州置閘以宣節之後漸淤廢嘉靖間准御史吳仲議修築立五閘閘置剝船六十每米一石減陸輓費銀四分五釐歲省漕夫腳價銀十萬餘兩吳仲之疏甚詳可考也

李樂見聞雜記言官論劾大臣必須一段公心是非不在兩下對證而我毫無媿色至如論元輔太宰本兵須

陶廬雜錄

卷五

三

先下工夫看見眼前何人可代得代者必賢於去者必有益於國家此善於進言亦忠於進言者也若只做得這篇文字打出自己名頭毫於國家無補不如緘口不言反於言責無損

于慎行讀史漫錄陸贄云鋒鏑交於原野而決策於九重之中機會變於斯須而定計於千里之外非計也今各邊總兵巡撫見一寇出一軍賞一功罰一罪必須奏請令不得行事由中制互相推調常致誤事由於將權不重故也

析醒漫錄淵明墓失百餘年無尋李空同得其墓山封

識之又得其故屋祠址田令其裔領業真盛事也

狄梁公有姨公欲官其子姨曰我兒是男漢他不肯事
女主姚少師有姊公欲官其子姊曰和尚且休老身止
此子不要教他歹事此真是絕對

世謂外域無硝黃洪熙元年哈密貢硫黃

呂新吾曰余少時曾洩當密之語先君責之對曰已戒
聞者使勿洩先君曰爾不能必爾之口而能必人之口
乎且戒人與戒己孰難小子慎之

葉紹翁四朝聞見錄趙忠定季子崇實與余商推駢儷
以爲此最不可忽先公居政地閒以此觀人至尺牘小

陶廬雜錄

卷五

三

簡亦然蓋不特駢儷或謂先公曰或出於他人之手則
難於知人矣先公曰不然彼能倩人做好文字其人亦
不碌碌矣此先公掄才報國之一端也

唐明宗焚香祝天之言有堯舜公天下之心宋仁宗曰
朕不欲畱人過失於心此皇極之道也

漢光武治盜當郡國羣盜並起時帝遣使者下郡國聽
羣盜自相糾摘五人共斬一人者除其罪以一人而脫
五人之死此五人者豈有不協力哉盜賊中雖有桀黠
者日夕疑畏亦求斬人以脫己死所謂以賊殺賊者矣
又吏雖逗撓回避故縱者皆勿問聽以擒討爲效其牧

守令長界內有盜賊而不收捕者又以畏懦捐城委守者皆不以爲負但以獲賊多少爲殿最此尤爲得策武帝唯立沈命法又遣繡衣使者誅斬守相故郡國競蔽而盜賊益熾見王貞善法言

宋初平江南歲鑄錢七萬貫自後稍增廣至天聖中歲鑄一百餘萬貫慶歷至三百萬貫熙寧六年以後歲鑄銅錢六百餘萬貫

東軒雜記有范延貴者爲殿直押兵過金陵張忠定詠爲守因問曰天使沿路來還會見好官員否延貴曰昨過袁州萍鄉縣邑宰張希顏著作者雖不識之知其好陶廬雜錄

卷五

古

官員也忠定曰何以言之延貴曰自入萍鄉縣境驛傳橋道皆完葺田萊墾闢野無惰農及至邑則屢肆無賂博市易不敢喧爭夜宿邸中聞更鼓分明以是知其必善政也忠定大笑曰希顏固善矣天使亦好官員也即日同薦於朝

晦翁云天地一無所爲只以生萬物爲事人念念在利濟便是天地了也故曰宰相日日有可行的善事乞丐亦日日有可行的善事只是當面蹉過耳

徐可先佩韋編云莆田一寺建大塔工費鉅萬或告陳正仲曰當此荒歲興無益土木公盍白郡禁之正仲笑

曰寺僧能自爲塔乎莫非傭此邦人也斂於富豪散於
窳輩是小民藉此得食而贏得一塔也當此荒歲惟恐
僧之不爲耳

范文正公在杭時子弟以公有退志請治園第爲逸老
地公曰年踰六十來日有幾乃謀第圃何時而居乎吾
患位高難退不患退無居也西都士大夫園林相望爲
主人者莫得常遊而誰獨障吾遊者豈有諸己而後爲
樂耶

王陽明曰凡人言語正到快意時便截然能忍默得意
氣正到發揚時便翕然能收斂得忿怒嗜欲正到騰沸
陶廬雜錄

卷五

五

時便廓然能消化得此非天下大勇者不能

陸深谿山餘話宋時漕運自荆湖南北米至真陽交卸
舟人皆市私鹽以歸每得厚利故舟人以船爲家一有
損漏旋即補葺久而不壞運道亦通太宗嘗謂侍臣曰
篙工柁師有少販鬻但無妨公不必究問眞帝王之度
哉

明洪武十四年令天下編黃冊在城曰坊近城曰廂鄉
都曰里編黃冊冊首爲一圖里有一百十戶以十戶爲
長餘百戶爲十甲里甲首董一里一甲之事鰥寡孤獨
不任役者附十甲後爲奇零其冊凡十年一更定此卽

今編審之制也

朱子社倉卽王安石青苗之法然而青苗害民社倉便民何也青苗以錢貸民而收二分之息錢社倉以穀貸民而收二分之息穀錢與穀不同也青苗錢必貸於縣社倉穀則貸於鄉縣與鄉不同也青苗之出納官吏掌之社倉之出納鄉人士君子掌之官吏之與鄉人士君子不同也青苗意主於富國故歲雖不歉民雖不急亦必強之而貸取其息社倉意主於救荒故必儉歲貧民願貸而後與之強貸與願貸不同也青苗雖帑藏充溢猶收息錢社倉始惟借府穀六百石至十四年之後還

陶廬雜錄

卷五

七

六百石外尙餘三千餘石足以備荒遂不復取息但每石加耗米三升而已取息與耗米不同也此利害之所

由分歟

劉魯田預備倉貸穀私議

早晨蝗沾露不飛如法捕撲至大飯時蝗飛難捕民夫散歇日午蝗交不飛再捕未時後蝗飛復歇日暮蝗聚又捕夜昏散回一日止有此三時可捕

李祕園捕蝗記

蛟似蛇而四足細頸頸有白嬰本龍屬也其孕而成形率在陵谷閒乃雉與蛇當春而交精淪於地聞雷聲則入地成卵漸次下達於泉積數十年氣候漸足卵大如輪其地冬雪不存夏苗不長烏雀不集土色赤有氣朝

黃而暮黑星夜視之黑氣上沖於霄卯旣成形聞雷聲自泉閒漸起而上其地之色與氣亦漸顯而明未起三月前遠聞似秋蟬鳴悶在手中或如醉人聲此時蛟能動不能飛可以掘得及漸起離地面三尺許聲響漸大不過數日候雷雨卽出

蛟之出多在夏末秋初善識者先於冬雪時視其地圍圓不存雪又素無草木復於未起二三月春夏之交觀地之色與氣掘至三五尺其卵卽得大如二斛甕預以不潔之物或鐵與犬血鎮之多備利刃剖之其害遂絕又蛟畏金鼓及火山中久雨夜立高竿挂一燈可以辟

陶廬雜錄

卷五

七

蛟夏月田閒作金鼓聲以督農則蛟不起卽起而作波但疊鼓鳴鉦多發火光以拒之水勢必退以上諸說皆得之經歷之故老鑿鑿有據者也二則陳文恭公筆

趙一清書徐貞明遺事吾讀明史徐貞明傳釋其言西北水利事而善之以爲宜可見諸施行也蓋關中自鄭國白公史起鄭當時引涇渭以溉諸田史記河渠書漢書溝洫志具載之後代棄而不都故諸渠廢絕不復可踪尋明定鼎燕京尤急漕務惟資給東南之粟講求輸運之便已爾濬河以通漕護漕則河傷竭三吳之民力上供天府之儲而財用常憂其不足我朝世廟憫

閭閻之疾苦思往哲之善政特開水利營田府於近畿誠至計也觀於貞明奏議及其首尾興革之由實足以資採擇云貞明字儒東貴谿人隆慶五年進士歷官尙寶司丞建言在爲工科給事中時後竟罷歸其父九思官工部郎治張秋河築減水橋於河濱工成永爲利趙文華出視師九思不迎謁坐以老致仕亦循吏也貞明之言曰神京擁據上游兵食宜取之畿甸今皆仰給東南豈西北古稱富強地不足以實廩而練卒乎夫賦稅所出括民脂膏而軍船夫役之費嘗以數石抵致一石東南之力竭矣又河流通變運道多梗竊有隱憂聞陝

陶廬雜錄

卷五

六

西河南故渠廢堰在在有之山東諸泉引之率可成田而畿輔諸郡或支河所經或澗泉自出皆足以資灌溉北人未習水利惟苦水害不知水害未除正由水利未興也蓋水聚之則爲害散之則爲利今順天正定河間諸郡桑麻之區半爲沮洳由上流十五河之水惟洩於貓兒一灣欲其不汎濫與壅塞勢不能也今誠於上流疏渠濬溝引之灌田以殺水勢下流多開支河以洩橫流其淀之最下者畱以潴水稍高者皆如南入築圩之制則水利興水患亦除矣元虞集欲於京東濱海地築塘捍水以成稻田若倣集意招徠南人俾之耕藝北起

遼海南濱青徐皆夏田也宜特簡憲臣假以事權毋阻
浮議需以歲月不取近功或撫窮民而給其牛種或任
富室而緩其征科或選擇健卒分建屯營或招徠南人
許其占籍俟有成績次及河南山東陝西庶東南轉漕
可減西北儲蓄常充國計永無絀矣尙書郭朝賓以水
田勞民請俟異日事遂寢及貞明被謫至潞河終以前
議可行著潞水客談以畢其說其畧曰西北之地旱則
赤地千里潦則洪流萬頃惟雨暘時若庶樂歲無饑此
可常恃哉惟水利興而後旱潦有備利一中人治生必
有常稔之田以國家之全盛獨待哺於東南豈計之得

陶廬雜錄

卷五

七

哉水利興則餘糧棲畝皆倉庾之積利二東南轉輸其
費數倍若西北有一石之入則東南省數石之輸久則
蠲租之詔可下東南民力庶幾稍甦利三西北無溝洫
故河水橫流而民居多沒修復水利則可分河流殺水
患利四西北地平曠游騎得以長驅若溝澮盡舉則田
野皆金湯利五游民輕去鄉土易於爲亂水利興則業
農者依田里而游民有所歸利六招南人以耕西北之
田則民均而田亦均利七東南多漏役之民西北罹重
徭之苦以南賦繁而役減北賦省而徭重也使田墾而
民聚則賦增而北徭可減利八沿途諸鎮有積貯轉輸

不煩利九天下浮戶依富家爲佃客者何限募之爲農
而簡之爲兵屯政無不舉矣利十塞上之卒土著者少
屯政舉則兵自足可以省遠募之費甦班戍之勞停攝
勾之苦利十一宗祿浩繁勢將難繼今自中尉以下量
祿授田使自食其土爲長子孫計則宗祿可減利十二
修復水利則做古井田可限民名田而自昔養民之政
漸舉行利十三民與地均可做古比閭族黨之制而教
化漸興風俗自美利十四也譚綸見而美之曰我歷塞
上久知其必可行也御史蘇瓚徐待給事中王敬民俱
疏薦之乃進貞明少卿賜之勅令往會撫按勘議瓚亦
陶廬雜錄

卷五

二十

獻議曰治水與墾田相濟未有水不治而田可墾者畿
輔爲患之水莫如盧溝滹沱二河盧溝發源於桑乾滹
沱發源於泰戲源遠流長又合深易濡泡沙滋諸水散
入各淀而泉渠溪港悉注其中以故高橋白洋諸淀大
者廣圍一二百里小亦四五十里每當夏秋淫潦膏腴
變爲瀉鹵菽麥化爲萑葦甚可惜也今治水之策有三
濬河以決水之壅疏渠以殺淀之勢撤曲防以均民之
利並下貞明相度戶部尙書畢鏘亦力贊之採貞明議
爲六事以漸勸率宜黍宜粟者如故不遠責其成效召
募南人給衣食農具俾以一教十能墾田者百畝以上

卽爲世業子弟得寄籍入學其卓有明效者倣古孝弟力田科量授鄉遂都鄙之長墾荒無力者貸以穀秋成還官旱潦則免郡縣民壯役止三月使疏河芟草而墾田則募專工帝悉從之命貞明兼監察御史領墾田使有司撓者劾治貞明乃先詣永平募南人爲倡墾田至三萬九千餘畝又遍歷諸河窮源竟委將大行疏濬而闢人勲戚之佔閒田者恐水田興而已失其利爭爲蜚語流入禁中御史王之棟家畿輔遂言必不可行且陳開滹沱河不便者十二帝惑之令停役並欲追罪建議者用閣臣言而止貞明識敏才練慨然有經世志京東

陶廬雜錄

卷五

三

水利實百世利事初興而卽爲浮議所撓論者惜之初議時吳人伍袁萃謂貞明日民可使由不可使知君所言得無太盡耶貞明問故袁萃曰北人懼南漕儲派於西北煩言必起矣貞明默然已而竟如袁萃言此萬歷三十年事終明代名臣無有能及之者

李富孫書潞水客談後潞水客談一帙明貴溪徐貞明所著以西北之地泉深土澤皆可成田而萑葦彌望盡曠廢之議興水利墾闢疏引如南人圩田之制噫徐子之議收養斯民之急務也水利之說三代無有蓋井闢有溝成閒有洫同閒有澮以時其蓄洩故無水旱之虞

不必有水利之名也自秦人決裂阡陌古制蕩然後之智者各因川澤之利引水溉田鄭白之渠人稱其功而水利之說以興自後人興其利莫不變荒瘠而爲膏腴焉元徙都燕地始仰食於東南漕運之苦有不可勝言者而西北之地鞠爲茂草未有知墾以成田當時虞文靖議開京東瀕海之田極措置之詳事阻不行及至正開海運不繼始議舉行而國勢已莫之救矣明嘉靖中汪鉉奏云三代之時皆建都西北未嘗仰給東南山東山西陝西河南等處皆爲列國其時干戈俶優亦未嘗取他邦良以溝洫之制尙存故旱潦有備國用常充其

陶廬雜錄

卷五

三

言誠當徐子閱歷山海京東數處如指諸掌爲工科給事中嘗請興西北水利未果行及累謫太平猶對客談其䟽之所未竟爲西北水利議亦名潞水客談還朝給事中王敬民薦之會巡撫張國彥方開水利於薊遂命貞明兼監察御史領墾田使先議於永平等處募南人爲倡明年二月已墾三萬九千餘畝又徧歷諸河周覽水泉分合將大行疏濬而宦寺勲戚之占田者爭言不便遂罷至崇禎十五年曾頌是書於戶部令議興復水利而已無及矣噫徐子之議因勢利導實有裨於民當今之時有能舉行之者墾荒閑之地疏水泉之利如南

入田而耕之一畝數鍾可得穀歲倍萬萬則西北之民
可致贍給而稱富饒東南百萬之漕亦可省已民力有
不大紆也哉竹垞先生詩云東南民力愁先竭西北泉
源棄尙多蓋亦有慨乎此也按貞明字儒東貴溪人隆
慶五年進士盛袖堂先生問水漫錄載是議頗詳謂言
水利者不可不知故備識於此

賀詳西北水利議畧當今經國訏謨其大且急孰有過
於西北水利乎雖然概行之則效遠難臻驟行之則事
駭未信蓋西北皆可行也蓋先畿輔畿輔諸郡皆可行
也蓋先之京東永平之地京東永平皆可行也蓋先之

陶廬雜錄

卷五

五

近山瀕海之地近山瀕海皆可行也蓋先之數井以示
可行之端則效近易臻事狎人信又恐其難遙度也則
又裹糧屬二三解事者走永平瀕海近山之境相度經
畧既得其水土之宜疆理之詳始信其事必可行惜乎
未有舉其議而實見諸行者中敘行之利凡十四詞甚
詳贍並言久而不行者一難於得人二憚於費財三畏
於勞民四忌於任怨五狃於變習終言井田之法非獨
爲均田制祿所以陰寓設險守國之意與果親王屯田
論立義同

許承宣西北水利議天下無無水之地亦無不可以溉

田之水古者衆建諸侯各食其地之所入其時稱沃饒者率在西北不聞其仰食東南也魯僖十三年晉乞糴於秦明年秦乞糴於晉又明年晉饑秦伯餼之粟蓋天行遠不過千里故告饑於鄰封卽粟行五百里之意也夫西北之所以沃饒者以溝洫之制未壞也水之流盛於東南而其源皆在西北用其流者利害常兼用其源者有利而無害其或有害則不善用之之過也又云行之久而西北之粟米日增卽東南之歲漕可漸減國家漕運歲費鎰四百餘萬僅得米四百餘萬石比民間中歲之直已過之而民之加折增耗不與焉況乎河漕大

陶廬雜錄

卷五

二

臣下至開務諸冗職經費以及每歲治河所需椿木麻柳薪芻等費尤不可勝計者哉又況東南秔稻之田所資以灌溉率江湖河淮下流之水一旦奔騰衝激時有漂土沒稼之患未可常恃以實西北豈若治其上流開溝洫以行水築堤岸以障水爲梯田以受水濬陂池以蓄水桔槔以導其出入牖壩以時其啟閉有全利而無小害也哉是則燕豫秦晉齊魯皆可通行不必虞集之京東瀕海也不必脫脫之河閒保定密雲順義也將見所在皆腴壤東南漕粟可盡改爲折色民無兌糧之費不蠲賦而筋力以舒國家歲省四百餘萬之金不煩輸

將而天庾常滿亦何憚而久不爲也

靳文襄公生財裕餉第一疏畧臣維我 國家車書一統薄海內外莫不尊親自唐虞迄今幅幘之廣無如我朝爲最夫地方旣如此之大宜乎財賦日增貫朽而粟腐矣乃司農猶鯁鯁焉患兵餉之不足此不可解也查地方一里有田五頃四十畝地方十里爲方一里者百有田五百四十頃地方百里爲方十里者百有田五萬四千頃地方千里爲方百里者百有田五百四十萬頃依王制所載山林麓川澤溝瀆城郭宮室塗巷三分去一計之凡方千里之地實有田三百六十萬頃或其

陶廬雜錄

卷五

五

間有種棉花蔬菓菱荷藥餌之類以其非係五穀姑再除去四分之一計地九十萬頃外亦實有田二百七十萬頃什一取民古之常制也每田一畝合夏麥秋禾計之至瘠之土亦可收糧一石以什一之制科之每畝征糧一斗每田一頃應征賦糧十石二百七十萬頃應征賦糧二千七百萬石內以一分征本色處可征糧二百七十萬石以九分折色每石牽科折銀四錢而布帛魚鹽之利不與焉直隸十四省之地不下方五六千里然以步弓徑直量之不過方四千餘里今姑止作方三千里科算爲方千里者九每歲額賦亦應有糧二千四

百三十萬石銀八千七百四十八萬兩此臣準古證今
寧從至少科算乃不易之理必得之數而非無稽之臆
說也今司農之所必需者大抵兵餉軍需驛站與官役
俸工營修祭祀而已蓋兵無餉則無以資飽騰官無俸
則無以養廉德役無工食則無以餬口腹効奔走三者
不備其弊皆能害齊民傷邦本軍需爲蕩寧之先資驛
站通 國家之氣脈以及營修城郭宮室祭祀 天地
神祇均屬必不可少然臣約而計之歲有銀二十萬兩
足以餉兵而有餘官役俸薪工食卽使多加數倍驛站
人夫馬匹亦或量爲加增并一切軍需營造祭祀等項

陶廬雜錄

卷五

美

不過再費銀二十萬兩亦云至矣設使 國家每歲所
入銀米果有如臣前科之數則每歲卽多其所出亦不
及所入之半庫藏積帑必且充棟盈庭尙何不敷之足
患哉然各直省見徵額賦較臣前科之數不及三分之
一自無怪司農之仰屋矣夫天下旣有實在之地自當
有必產之糧旣有必產之糧自當有應輸之稅今量幅
幘而計地畝則甚多按全書而稽額賦則甚少其故何
耶蓋天下有三大弊而世莫之察也其弊不起於今而
來自故明且故明以前久同其弊祇以世遠難稽臣亦
不復具論矣何爲三大弊一曰水利不修也二曰賦輕

而民情也三曰生者寡而食者衆也云云

楊鏘曰夫謀國之是非與行己之是非大不同矣行己者隨地而處遵軌而趨成敗利鈍置之可也謀國者君父宗社之安危四海九州之利害關係何如而可執偏見徇恆情畫不足以規益而曰道不計功智不足以紓憂而曰心不負國然歟否歟

魏冰叔雜說軍政擅殺之罪重於焚子謂焚之害重於殺殺一人則止一人焚一屋則連千百屋人可走徙以避殺不能載屋而避焚有屋則流亡之民一招可集若輕肆焚燬民非數歲不得復土矣故焚殺之罪處斬則

陶廬雜錄

卷五

七

均而焚尤當行連坐之法

又云考覈人材繩以六曹之職如學兵者考其韜畧學刑者考其律例最爲切實不浮然天下之才有未必能專精一曹而獨能明於國家興除之大故強弱之大勢斷非常之事定卒然之變其精強於六曹者至此或束手而無措若必以專才繩之則此等人皆遺棄矣故刑名責實之術反有時而失人司用人之柄者不可不知也余制科策分六曹策士而有通論國勢治體之題意蓋以此

做事人最要有畧方處置得宜然有大畧有遠畧有雄

畧目前緊要著數得一二可當千百者曰大畧事機出耳目之表利害在數百年之後曰遠畧出奇履險爲人所不敢爲不斤斤於成敗利鈍之算而目無全牛氣足吞敵曰雄畧識不遠者不能見大畧器不大者不能知遠畧識遠氣大而無雄才壯氣者不能具雄畧雄畧天授不可學而至故人當以拓充器識爲先也

妙真經云罪莫大於淫禍莫大於貪咎莫大於僭此三者禍之車也予謂淫不止漁色耳凡心有所溺皆謂之淫貪不止悖入耳凡過取浮名皆謂之貪僭不止踰分耳凡妄自尊大皆謂之僭鬼神所深惡也

陶廬雜錄

卷五

五

魏鄭公續諫錄太宗謂侍臣曰朕聞西人愛珠若得好珠劈身藏之侍臣曰貪財損己實爲可笑太宗曰汾唯可笑今官人貪財不顧性命身死之後子孫被辱何異西人之愛珠耶帝王亦然恣情放逸勞役無度信任羣小踈遠忠正有一於此豈不滅亡隋煬帝奢侈自賢身死匹夫亦爲可笑公對曰臣聞魯哀公謂孔子曰有人好忘者移宅乃忘其妻孔子曰又有好忘者甚於此耶見桀紂之君乃忘其身太宗曰朕與公等既知笑人今共相匡輔庶免人笑

徐師川以才氣自負少肯降志於人常言吾於魯直爲

舅氏然不免有所竊議至於翁心誠服之每見公或經旬月必設拜禮忠宣范公晚年益以天下自任尤留意人材或問其所儲蓄人材可爲今日用者荅曰陳瓘又問其次曰陳瓘自好也蓋言忠肅公可以獨當天下之重也宣和之末人憂大厦之將顛或問游定夫察院以當今可以濟世之人定夫曰四海人材不能周知以所知識陳了翁其人也劉器之亦嘗因公病使人勉公以醫藥自輔云天下將有賴於公當力加保養以待時用也其爲賢士大夫所欽屬如此

韓魏公言慶歷中與范文正公富文忠公同在西府上

陶廬雜錄

卷五

二

前爭事議論各別下殿各不失和氣如未嘗爭也當時相善三人正如推車子蓋其心主於車可行而已不爲己也

魏人伐蜀戒嚴費禕方與來敏對碁意無厭倦却與謝安之事相類然安遂破敵禕竟爲郭循所害大率禕性寬簡過度安外寬內密觀安告王坦之之言曰獨不能爲性命忍須臾邪此便可見故二子之成敗亦異

南唐關司稅重商皆苦之會畿甸亢旱烈祖問曰外郡皆南京城獨無何也申漸高曰雨懼抽稅不敢入城烈祖笑而除之又李茂貞權油以助軍資因禁松明張延

範曰不如併禁明月茂貞因而弛禁語言微中可以解紛信矣至桓元篡位忽然地陷殷仲文曰良由聖德深厚地不能載南燕冬月不冰燕主惡之李超曰良由密邇帝京接近日月耳噫心乎爲國者隨事獻忠意在阿君者百計貢諛忠佞之分途如此

公孫宏布被人譏以詐范忠宣布被人亦譏以儉何也蓋富貴而不義則貪污之五鼎不及狷介之一瓢富貴而義則王公之華袞無媿士人之敝緼此儉所以與詐皆譏也然與其使人譏以詐吾寧使人譏以儉

陳履吉愛書成癖一日觀史偶起鬪藥而鹿殘滿地履

陶廬雜錄

卷五

三

吉怒甚其婦笑謂曰小家久入洪濛文字機緣未了山靈故遣老鹿脫君機械耳何以怒爲大抵人之垢病易去而潔病難去故士人不貪官不愛錢而獨爲文字魔爲詩書癖舉一生精神盡消磨於文場筆陣之中亦一潔病也所以吾人嗜好一切以淡爲貴

呂獻可病亟日自草章乞致仕其辭曰臣無宿疾偶值醫者用術乖方殊不知脈候有虛實陰陽有順逆診察有標本治療有先後妄投湯劑率任意情差之指下禍延四肢寢成風痺遂難行步非祇憚踈盤之苦又將虛心腹之變勢已及此爲之奈何雖然一身之微固未足

恤其如九族之託良以爲憂是思納祿以偷生不俟引年而還政蓋以疾喻政天下聞而避之

推篷寤語以下十則同執古誼以律今則近於迂如伊川之

諫折柳是矣繩時憲而忘本則近於流如桑宏羊之創均輸是矣徒粉飾而無其心則近於虛如王荆公之行新法是矣事浮華而無其政則近於浮如蘇東坡之耽蘇張是矣若夫敦朴淳厚而無其迂圓活詳委而無其流宏博愷悌而無其虛黼黻昭朗而無其浮斯之謂天下之全才也夫

輿圖各有所產物性各有所宜如橘過淮則爲枳貉踰

陶廬雜錄

卷五

三

汶則死是矣君子之爲治也亦若是齊其教不易其宜同其政不易其俗要使不過其則可也若概以吾法一切整齊之把持之則徒驅民思亂而已非吾法不善也駭其所未見也

今之論治者率欲禁奢崇儉以爲富民之術殊不知天地生財止有此數彼虧則此盈彼益則此損富商大賈豪家巨室自侈其宮室車馬飲食衣服之奉正使以力食人者得以分其利得以均其不平孟子所謂通功易事是也上之人從而禁之則富者益富貧者愈貧也吳俗尚奢而蘇杭細民多易爲生越俗尚儉而寧紹金衢

恤其如九族之託良以爲憂是思納祿以偷生不俟引年而還政蓋以疾喻政天下聞而避之

推篷寤語

以下十則同

執古誼以律今則近於迂如伊川之

諫折柳是矣繩時憲而忘本則近於流如桑宏羊之創均輸是矣徒粉飾而無其心則近於虛如王荆公之行新法是矣事浮華而無其政則近於浮如蘇東坡之耽蘇張是矣若夫敦朴淳厚而無其迂圓活詳委而無其流宏博愷悌而無其虛黼黻昭朗而無其浮斯之謂天下之全才也夫

輿圖各有所產物性各有所宜如橘過淮則爲枳貉踰

陶廬雜錄

卷五

三

汶則死是矣君子之爲治也亦若是齊其教不易其宜同其政不易其俗要使不過其則可也若概以吾法一切整齊之把持之則徒驅民思亂而已非吾法不善也駭其所未見也

今之論治者率欲禁奢崇儉以爲富民之術殊不知天地生財止有此數彼虧則此盈彼益則此損富商大賈豪家巨室自侈其宮室車馬飲食衣服之奉正使以力食人者得以分其利得以均其不平孟子所謂通功易事是也上之人從而禁之則富者益富貧者愈貧也吳俗尙奢而蘇杭細民多易爲生越俗尙儉而寧紹金衢

諸郡小民恒不能自給半遊食於四方此可見矣則知崇儉長久此特一身一家之計非長民者因俗爲治之道也予聞諸長者云

善役民者譬如植柳薪其枝葉培其本根不善役民者譬如剪韭日剪一畦明日復剪不盡其根不止也每見江南差役率先富民今年如此明年復然富民不支折爲貧窶復遣中戶中戶復然遂致村落成墟塵市寥寂語曰富民國之元氣爲人上者當時時培養如公家有犬徵發大差遣亦有所賴大兵燹大饑荒亦有所藉不然富民盡亡奸頑獨存亦何利之有焉

陶廬雜錄

卷五

三

魏甄琛請罷鹽池之稅其言曰一家必惠養子孫天下之君必惠養小民未有爲民父母而吝其一物者也立官障護是專奉口腹而不及四體也宜弛其禁彭城王勰覆議曰聖人斂山澤之利以寬田賦收關市之稅以助國儲取此與彼皆非爲身所以資天地之產惠天地之民宜如舊胡寅以爲琛勰之言皆未得中道官爲厲禁俾民取之而裁入其稅則政平而害息矣

宋世楮幣多行而今不行者非時異也實由官不蓄見錢以權之耳宋世自祥符初行於蜀其時以富人十六戶主之其後富民稍衰官始置務諸路行之民以爲便

行之浸廣以一千萬緡爲一界至以兩界相查而行原其本始實由官中常蓄椿錢數百萬緡稍寓交子法減價卽官買之故其價愈重此當時斂散之微權也今散在民間一色惟楮而不見現錢又不可以納官稅民間豈肯行用楮幣不行朝廷坐失百萬之利矣善理國者宜亟圖之

宋蜀中交子自祥符辛亥至熙寧丙辰六十五年二十二界雖知巧有不能易至熙寧五年接續兼放兩界遂徧於蜀之四路天聖措置之初一界一百二十五萬至紹聖則增爲一百四十萬至元符則增爲一百八十萬陶廬雜錄

卷五

五

辛巳用兵中外之數有數百萬淳熙而後十倍於此紹熙慶元而後溢錢至千萬之數向者止行兩界每界所印三千六百萬爲率寶祐增至三界共有一億四千餘萬則宋世所行楮幣何其盛也天下增一億四千餘萬緡又增市舶錢二百萬緡宜乎其富於今日也

交子之法起自宋之祥符流通於蜀其後民以爲便遂行江淮閩浙開楮賤官出錢以斂之楮貴官出楮以散之居者以藏鏹爲得行者以挾券爲便一夫可帶千萬緡而無關津譏征之費官府之折納商坊之課稅悉取足於楮是以錢楮兩重宋世賴之今則不然官徵見錢

而予民則以楮幣宜乎楮幣之難行也須依做鈔法不
泥其迹用銅鑄造如漢世貨布契刀之式當千當百之
製貨布闊下而銳首中爲一竅以通貫索契刀其上如
錢而下如刀式當千當百製亦如錢而形體稍大須規
模其式而損益之周遭鑄成花紋明著當千當百字樣
如鈔法行用每省置官務官爲散斂如宋四川河東湖
北兩淮交子之法凡州縣交納稅銀許納銅幣准數收
貯民間赴遠地生理許納見銀給領銅幣前路行用如
此則權其利於民握其利於官斂散周流錢幣爲一誠
能行用百萬則朝廷增錢百萬行用千萬則朝廷增錢
陶廬雜錄

卷五

五

千萬不必徵斂民間而坐收千萬緡之利下省民力上
紓國計舍是而別無策矣

動大兵役大衆鼓舞之機全在賞罰得宜然古今多有
異論或欲輕賞重罰或欲輕罰重賞皆非勵世磨鈍之
術嘗觀兵法曰民無兩畏畏我侮敵畏敵侮我又曰古
之善用兵者能殺士卒之半言重誅也二畧曰投膠於
河以飲三軍又曰重賞之下必有勇夫言重賞也罰不
重不足以鼓避賞不重不足以歆趨古今成大事者皆
恃此趨避之權耳爲治者亦復如是駕言蒲鞭示辱或
印刃忍不能予者何足與成事哉

嘗讀武經七書其所言量敵慮勝應變全衆之道雖變化萬端動若神明皆一將之任也孫子曰令民與上同意可與之死可與之生而不畏危吳子曰必先教百姓而親萬民又曰將用其民先和而造事司馬法曰以仁爲本以義治之又曰殺人以安人殺之可也尉繚子曰未有不信其心而能得其力未有不得其力而能致其死戰者矣三畧曰爲國之道恃賢與民信賢如腹心使民如四肢六韜曰以同欲勵士此七子者未嘗相沿襲爲書而其語若合符契皆有得於王師說以犯難之旨則爲將道斷可觀矣若因敵之情因地之形因事之變陶廬雜錄

卷五

三

而神智可生焉見便則戰見不便則止行吾所明者師之常也而何庸述焉

唐李抱真節度澤潞荒亂之餘土瘠民困無以贍軍乃藉民三丁選一壯者免其租徭使農隙習射歲暮都試行其賞罰三年得精兵二萬旣不費廩給府庫充實遂雄視山東宋張方平曰昔太宗藉兩河強壯爲兵使之捍邊壯者入籍衰者出役不衣庫帛不食廩粟邊不缺戍民不去農何在乎蓄之營堡而後爲官軍也此二者所以庶幾古寓兵於農之遺意其視竭四方之力以養無用之兵者利害蓋相懸矣

震澤長語正統以前天下歲徵稅糧凡三千六百三十萬一千餘石內三百二十萬九千石折銀八十一萬四千餘兩戶口商稅除折米外并船料鈔折銀可得四十三萬九千餘兩淮鹽場鹽課銀歲不下數萬千兩各處稅糧折徵共一百三十萬餘兩雲南開辦三萬餘兩各鈔關船料四萬餘兩馬草折徵二十三萬餘兩鹽課折徵二十餘萬兩每年入數共二百四十三萬兩送內庫成造等項十餘萬兩或二十萬兩官軍俸銀三十三萬餘兩官軍折俸三十三萬六千五百餘兩宣府大同遼東陝西年例共四十萬兩若有聲息緊急奏討加

陶廬雜錄

卷五

五

添四五十萬或二三十萬聖旦千秋等節用三十九萬一千八百餘兩親王王妃公主及上用及天下王府銀盆水灌儀仗等用共十三萬七千五百餘兩每年出數共百餘萬兩正德以來天下親王三十郡王二百十五鎮國將軍至中尉二千七百郡文職二萬四百餘員武職十萬餘員衛所七百七十二旗軍八十九萬六千餘廩膳生員三萬五千八百二十名吏五萬五千餘各項俸糧約數千萬湖江等十三布政司并南北直隸額派夏秋糧稅大約二千六百六十八萬四千五百五十餘石出多入少故王府久缺祿米衛所缺月糧各邊缺軍

餉各省缺俸廩今上卽位之初錦衣衛旗校革三萬一千八百餘歲省糧儲數十萬裁革冗官冗兵一十四萬餘歲省京儲一百六十八萬石

通典尙書省支總天下經費自安祿山反至德乾元之際置度支使永泰之後度支罷使置轉運使以掌其外度支以掌於內建中初又罷轉運使復歸度支分命黜陟使往諸道收戶口及錢穀名數每歲天下共斂三千餘萬貫其二千五百餘萬貫以供外費九百五十餘萬貫供京師稅米麥共千六百餘萬石其二百餘萬石供京師千四百萬石給充外費

陶廬雜錄

卷五

七

後漢自建武初至桓帝永壽三年凡百三十年有戶千六十七萬按自周武帝建德六年平齊至隋文帝開皇九年滅陳凡十四年然後車書混一甲兵方息至大業二年凡十八年有戶八百九十萬我國家自武德初至天寶末凡百三十八年可以比崇漢室而人戶纔比於隋氏蓋有司不以經國馭遠爲意法令不行所在隱漏之甚也肅宗乾元三年見到帳百六十九州應管戶總百九十三萬三千一百七十四不課戶總百一十七萬四千五百九十二課戶七十五萬八千五百八十管口總千六百九十九萬三百八十六不課口千四百六十

一萬九千五百八十七課口二百三十七萬七百九十九自天寶十四年至乾元三年損戶總五百九十八萬二千五百八十四不課戶損二百三十九萬一千九百九課戶損三百五十九萬六百七十五損口總三千五百九十三萬八千七百三十三不課口損三千七十二萬三百一課口損五百二十一萬八千四百三十二戶至大歷中唯有百二十萬戶建中初命黜陟使往諸道按比戶口約都得土戶百八十餘萬客戶百三十餘萬沈約曰人生所資曰食與貨貨以通幣食爲人天是以九棘播於農皇十朋興於上代昔醇人未離情嗜踈寡

陶廬雜錄

卷五

三

奉生贍己事有易周一夫躬耕則餘食委室匹婦務織則兼衣被體雖懋遷之道通用濟乏龜貝之益爲功蓋輕而事有訛變隆敝代起昏作役苦故稽人去而從商商子事逸末業流而浸廣泉貨所通非復始造之意於是競收罕至之珍遠蓄未名之貨明珠翠羽無足而馳彩屬文犀飛不待翼天下蕩蕩咸以兼本爲事豐衍則同多稔之資飢凶又減田家之蓄錢雖盈尺旣不療於堯年貝或如山信無救於湯代其蠹病亦已深矣固宜一罷錢貨專用穀帛使人知役生之路非此莫由夫千疋爲貨事難於懷璧萬斛爲市未易於越鄉斯可使末

伎自禁遊食知反而年代推移人與事替或庫盈朽貫而高廩未充或家有藏鏹而良疇罕闢若事改一朝廢而莫用交易所寄旦夕無待雖致平要術而非可卒行先宜削華止僞還淳返古抵璧幽峯捐珠清壑然後驅一代之人反耕桑之路使縑粟羨溢同於水火旣而蕩滌圜法消鑄勿遺立制垂統永傳於後比屋稱仁豈伊唐代桓元和其始而不覽其終孔琳之觀其末而不統其本豈慮有開塞將一往之談可然乎

前涼張軌太府參軍索輔言於軌曰古以金貝皮幣爲貨息穀帛量度之耗二漢制五銖錢通易不滯晉太始陶廬雜錄

卷五

五

中河西荒廢遂不用錢裂疋以爲段數縑布旣壞市易又難徒壞女工不任衣用弊之甚也今中州雖亂此方全安宜復五銖以濟通變之會軌納之立制准布用錢錢遂大行人賴其利

天寶中諸州凡置九十九鑪鑄錢絳州三十鑪揚潤宣鄂蔚各十鑪益鄧彬各五鑪洋州三鑪定州一鑪約每鑪役丁匠三十人每年除六月七月停作餘十月作十番每鑪約用銅二萬一千二百二十斤白蠟三千七百九斤黑錫五百四十斤約每貫費錢七百五十文丁匠在外每鑪計鑄錢三千三百貫約一歲計鑄錢三十二

萬七千餘貫文

隋高顛僕射每以盤盛粉置於臥側思得一公事輒書其上至明則錄以入朝行之

朱彝尊補漢兵志跋宋懲五代之弊收天下甲兵悉萃京師名曰禁軍開寶入籍十九萬三千不爲不多至道增至三十五萬八千天禧增至四十三萬一千慶歷增至八十二萬六千治平以降迄於元豐稍爲裁減尙六十餘萬徽宗將一童貫而禁軍闕額二十四萬靖康之禍按籍止存三萬人而已無一夫可驅之戰者遂以不支高宗將一張浚富平符離之敗棄師累十萬乃莫有

陶廬雜錄

卷五

早

正其罪者尙可言兵事乎

宋嘉祐閒朝廷屢頒陣圖賜邊將王德用諫曰兵機無常而陣圖一定若泥古法以用今兵慮有僨事者唐許敬宗善醫而不肯著書曰恐人得吾所言而不能得吾所不言必亂用藥矣此二語可誤作詩文之道

七修類稿洪武二十四年治天下產茶之地歲有定額以建寧爲上聽茶戶採進勿預有司茶名有四探春先春次春紫筍不碾採爲大小龍團此鈔本聖政記所載恐今不然也不預有司亦無所稽矣此真聖政較宋取茶之擾民天壤矣

林希元曰申報災傷與走報軍機同限失誤饑民與失誤軍機同罰如此則人人知警待哺之民庶有濟乎
李安溪兵論明初講屯衛之法蓋以天下既定兵無事而坐食不可也屯者漢之所謂屯田也衛者唐之所謂府衛也躡閒曠之地使民耕之而因以爲世業設衛官統之職如州縣是古者寓兵於農今也寓農於兵可以漸省養兵之費而又使爲兵者不至浮浪而無根此所謂不師三代之跡而師其意法至美也

陸深處置鹽法事宜疏今天下榷鹽之地兩淮爲上兩浙次之而弊端亦于二處爲多然其大壞鹽法之端有

陶廬雜錄

卷五

五

二焉其一竈丁苦於兼并其一則今勢要之侵利是也然於兩浙又微不同大抵壞兩淮之鹽法者多勢要壞兩浙之鹽法者多私販而竈丁之苦則一而已矣蓋淮浙之鹽出於人力非若河東天造地設不勞之利也其法在於曬土爲鹵煮鹵成鹽以鹽納官然而逋負多而國課損者何也夫欲曬土必有攤場欲煮鹵必有草蕩今之場蕩悉爲總催者所并而鹽課又爲總催者所欺竈丁不過總催家一傭工而已煎煮之法名存實亡而總催者下欺竈戶上負國課百計遷延以覲一赦而已伊欲處之在於盡復竈丁之場蕩而盡懲總催之奸欺

則其弊可息矣浙中私販之徒以拒捕爲常以殺人爲戲聚不可翦則比之勢要差爲易處苟使出鹽之地捕其買者之市家行鹽之地捕其賣者之市行而悉置於法則其黨可空矣非若勢要之家蛇盤卵翼不可一旦去也夫今日得侵兩淮長蘆之鹽利者雖曰朝廷業已許之然終非法意臣以爲與其壞天下之大法寧傷數人之私恩必使小人之奸無所容而後已夫上之支中盡歸於商賈下之場蕩盡歸於竈丁則商通課足而鹽法不行者未之有也

永樂元年七月上諭侍讀學士解縉等曰天下古今事

陶廬雜錄

卷五

聖

物散載諸書篇帙浩穰不易檢閱朕欲悉采各書所載事物類聚之而統之以韻庶幾考索之便如採囊取物爾嘗觀韻府回溪二書事雖有統而采摘不廣紀載太畧爾等其如朕意凡書契以來經史子集百家之書至於天文地志陰陽醫卜僧道技藝之言備輯爲一書毋厭浩繁

永樂二年十一月翰林學士兼右春坊大學士解縉等進所纂錄韻書賜名文獻大成賜縉等百四十人錢有差賜宴於禮部旣而上覽所進書尙多未備遂命重修而敕大子少師姚廣孝刑部侍郎劉季篾及解縉總之

命翰林學士王景侍讀學士王達國子祭酒胡儼司經局洗馬楊溥儒學陳濟爲總裁翰林院侍講鄒緝修撰王袞梁潛吳溥李貫楊靚曾棨編修朱紘檢討王洪蔣驥潘畿王侗蘇伯厚張伯頴典籍梁用行庶吉士楊相左春坊左中允尹昌隆宗人府經歷高得暘吏部郎中葉砥山東按察司僉事晏璧爲副總裁命禮部簡中外官及四方宿學老儒有文學者充纂修簡國子監及在外縣能書生員繕寫開館於文淵閣命光祿寺給朝暮膳

郎瑛七修類稿成祖命胡廣王洪編成一書名曰永樂陶廬雜錄

卷五

聖

大典計二萬二千八百七十七卷一萬一千九十五本目錄六十卷其表文嘗見於蟬精雋中然亦不敘中之事實徒具望洋之歎而已嗚呼御覽元龜不過千卷人間亦不可得矣大典動以萬計安能使世傳也哉

朱國禎湧幢小品此書乃文皇命儒臣解縉等粹秘閣書分韻類載以便檢考賜名文獻大成復以未備命姚廣孝等再修供事編輯者凡三千餘人二萬二千九百三十七卷一萬一千九十本目錄九百本貯之文樓世廟甚愛之凡有疑按韻索覽三殿災命左右趨登文樓出之夜中傳諭三四次遂得不燬又明年重錄一部貯

他所

姜紹書韻石齋筆談成祖敕儒臣纂修永樂大典一部
係胡廣王洪等編輯徵召四方文墨之士累十餘年而
就計二萬二千一十一卷一萬一千九十五冊目錄六
十卷因卷帙浩繁未遑刻版止寫原本至宏治閒藏之
金匱嘉靖三十六年大內回祿世宗亟命那救幸未焚
敕閣臣徐文貞階復令儒臣照式摹鈔一部當時供贍
寫者一百八名每名日鈔三葉嘉靖四十一年起至隆
慶元年始克告竣

阮葵生茶餘客話萬歷甲午南祭酒陸可教請刻永樂

陶廬雜錄

卷五

署

大典分頒巡方御史各任一種校刻彙存分貯丙雍以
成一代盛事當時議允終未頒行竊謂文宗與穆宗兩
番鈔錄已費不貲鑿版通行談何容易耶

道山清話黃庭堅嘗言人心動則目動王介甫終日目
不停轉庭堅一日過范景仁終日相對正身端坐未嘗
回顧亦無倦色景仁言吾二十年來胸中未嘗起一思
慮二三年來不甚觀書若無賓客則終日獨坐夜分方
睡雖兒曹謹呼咫尺皆不聞庭堅曰公却是學佛作家
公不悅

後山詩話歐陽永叔不好杜詩蘇子瞻不好司馬史記

余每與黃魯直怪歎以爲異事

陶廬雜錄

卷五

巽

陶廬雜錄卷五

陶廬雜錄卷六

小西厓 法式善

日知錄曰柳宗元言有里胥而後有縣大夫有縣大夫而後有諸侯有諸侯而後有方伯連帥有方伯連帥而後有天子由此論之則天下之治始於里胥終於天子其灼然者矣故自古及今小官多者其世盛大官多者其世衰又曰洪熙元年七月丙申巡按四川監察御史何文淵言太祖高皇帝令天下州縣設立老人必選年高有德衆所信服者使勸民爲善鄉閭爭訟亦使理斷下有益於民事上有助於官司比年所用多非其人或

陶廬雜錄

卷六

一

出自隸僕規避差科縣官不究年德如何輒令充應使得憑藉官府妄張威福肆虐閭閻或遇上司官按臨巧進讒言變亂黑白挾制官吏比有犯者謹已按問如律竊慮天下州縣類有此等請加禁約上命申明洪武舊制有濫用匪人者并州縣官皆寘諸法然自是里老之選輕而權亦替矣又曰巡檢卽古之游徼也洪武中尤重之而特賜之敕又定爲考課之法及江夏侯周德興巡視福建增置巡檢司四十有五自宏治以來多行裁革所存不及曩時之半巡檢裁則總督添矣何者巡檢遏之於未萌總督治之於已亂

楊萬里作選法論其上篇曰臣聞選法之弊在於信吏而不信官信吏而不信官故吏部之權不在官而在吏三尺之法適足以爲吏取富之源而不足以爲朝廷爲官擇人之具所謂尚書侍郎二官者據案執筆閉目以書紙尾而已且夫吏之犯法者必治而受賂者必不赦朝廷之意豈真信吏而不信官者邪非朝廷之意也法也意則信官也法則未嘗信官也朝廷亦不自信也天子不自信則法之可否孰決之決之吏而已矣夫朝廷之立法本以防吏之爲姦而其用法也則取於吏而爲決則是吏之言勝於法而朝廷之權輕於吏也其言至

於勝法而其權至重於朝廷則吏部長貳安得而不吏之奉哉長貳非曰奉吏也曰吾奉法也然而法不決之於官而決於吏非奉吏而何夫是之謂信吏而不信官今有一事於此法曰如是可如是而不可士大夫之有求於吏部有持牌而請曰我應夫法之所可行而吏部之長貳亦曰可宜其爲可無疑也退而吏出寸紙以告之曰不可既曰不可矣宜其爲不可無改也未幾而又出寸紙以告之曰可且夫不可者有一定之法而用不可之法者無一定之論何爲其然也吏也士大夫之始至也恃法之所可亦恃吏部長貳之賢而不謁之

吏故與長貳面可之退而問之吏吏曰法不可也長貳無以語則亦曰然士大夫於是不決之法不請之長貳而以市於吏吏曰可也而勿亟也伺長貳之遺忘而畫取其諾昨奪而今與朝然而夕不然長貳不知也朝廷不訶也吏部之權不歸之吏而誰歸夫其所以至此其始也有端其積也有漸而其成也植根甚固而不可動搖矣然則曷爲端其病在於忽大體謹小法而已矣吏者從其所謹者而中之并與其所忽者而竊之此其爲不可破也且朝廷何不思之曰吾之銓選果止於謹小法而已則一吏執筆而有餘也又焉用擇天下之賢者

陶廬雜錄

卷六

三

以爲尙書侍郎也哉則吾之所以任尙書侍郎者殆不止於謹小法而已是故莫若畧小法而責大體使知小法之有所可否初無繫於大體之利害則吏部長貳得以出意而自決之要以不失夫銓選之大體而不害夫立法之大意而已責大體而畧小法則不決於吏而吏之權漸輕吏權漸輕然後長貳之賢者得以有爲而選法可以漸革也其下篇曰臣聞吏部之權不異於宰相亦不異於一吏夫宰相之與一吏不待智者而知其懸絕也旣曰吏部之權不異於宰相又曰亦不異於一吏者何也今夫進退朝廷之百官賢者得以用而不肖者

得以黜此宰相之權也注擬州縣之百官下至於簿尉而上至於守貳此吏部之權也朝廷之百官自大科異等與夫進士甲科之首者未有不由於吏部也未有不由於吏部而官者今日之簿尉未必非他日之宰相而況今日宰相之所進退者臺閣之所布列者皆前日之升階揖侍郎者也故曰吏部之權不異於宰相雖然吏部之所謂注擬何也始入官者則得簿尉自簿尉來者則得令丞推而上之至於幕職由是法也又上之至於守貳由是法也其宜得者則曰應格其不宜得者則曰不應格曰應格矣雖貪者疲憊者老耄者乳臭者愚無知者庸無能者皆得之得者不之媿與者不之難也曰不應格矣雖眞賢實能廉潔守志之士皆不得也不得者莫之怨不與者莫之恤也吏部者曰彼不媿不怨吾事畢矣如募焉書其役之高下而甲乙之按其役之遠近而勞逸之呼一吏而閱之簿盡矣此縣令之以止小民之爭也吏部注擬百官而寄之以天下之民命乃亦止於止爭而已矣故曰亦不異於一吏今吏部亦有所謂銓量者矣揖之使書以觀其能書乎否也召醫而視之以探其有疾與否也贊之使拜以試其視聽之明暗筋力之老壯也曰銓量者如是而已矣而賢不肖愚智

何別焉昔晉用山濤爲吏部尙書而中外品員多所啓
拔宋以蔡廓爲吏部尙書廓先使人告宰相徐羨之曰
若得行吏部之職則拜不然則否羨之荅云黃散以下
皆委廓猶以爲失職遂不拜蓋古之吏部雖黃門散騎
皆由吏部之較選是當時之爲吏部者豈亦止取若今
所謂應格者而爲黃散哉抑將止取今所謂銓量者而
爲黃散邪宋史蘇紳傳上言古者自黃散而下及隋之
六品唐之五品皆吏部得專去畱今審官院
流內銓則古之吏部三班院古之兵部不問官職之閒
劇才能之長短惟以資歷深淺爲先後有司但主簿籍
而已欲賢不肖有別不可得也臣願朝廷稍增重尙書之權使之得以
察百官之能否而與奪之如丞簿以下官小而任輕者

陶廬雜錄

卷六

五

固未能人人而察之也至於縣宰之寄以百里之民者
守貳之寄以一郡之民者豈不重哉且天下幾州一州
幾縣一歲之中居者待者之外到部而注擬縣宰者幾
人守貳又幾人則亦不過三數百而已以一歲三數百
之守貳縣宰而散之於三百六旬之日月則一日之注
擬者絕多補寡亦無幾爾一歲之閒而不能察三數百
人之能否則其爲尙書者亦偶人而已矣月計之而不
粗歲計之而不精則其州縣之得人豈不十而五六哉
雖不五六豈不十而三四哉以此較彼不猶愈乎或曰
尙書之權重則將得以行其私柰何是不然昔陸贄請

令臺省長官各舉其屬而德宗疑諸司所主皆有情故
或受賂者贄諫之曰陛下擇相亦不出臺省長官之中
豈有爲長官則不能舉一二屬吏居宰相則可擇千百
具僚其要在於精擇長吏贄之說盡矣今朝廷百官孰
非宰相進擬者而不疑也至於吏部長貳之注擬而獨
疑其私乎精擇尙書而假之以與奪之權使得精擇守
貳縣宰而無專拘之以文法庶乎天下不才之吏可以
汰而天下之治猶可以復起也與

紹興三十二年吏部侍郎凌景夏言國家設銓選以聽
羣吏之治其掌於七司著在令甲所守者法也今升降

陶廬雜錄

卷六

六

於胥吏之手有所謂例焉長貳有遷改郎曹有替移來
者不可復知去者不能盡告索例而不獲雖有強明健
敏之才不復致議引例而不當雖有至公盡理之事不
復可伸貨賂公行姦弊滋甚嘗觀漢之公府有辭訟比
尙書有決事比比之爲言猶今之例今吏部七司宜置
例冊凡經申請或堂白或取旨者每一事已命郎官以
次擬定而長貳書之於冊永以爲例每半歲上於尙書
省仍關御史臺如此則巧吏無所施而銓敘平允矣淳
熙元年參知政事龔茂良言法者公天下而爲之者也
例者因人而立以壞天下之公者也昔之患在於用例

破法今之患在於國例立法自例行而法廢矣故諺稱吏部爲例部是則銓政之害在宋時卽已患之而今日尤甚所以然者法可知而例不可知吏胥得操其兩可之權以市於下世世相傳而雖以朝廷之力不能拔而去之甚哉例之爲害也又豈獨吏部然哉

寇萊公爲相章聖嘗語兩府欲擇一人爲馬部軍指揮使公方議其事吏有以文籍進者公問何書對曰例簿也公曰朝廷欲用一衙官尙須檢例耶安用我輩壞國政者正由此爾司馬溫公與呂惠卿論新法於上前溫公曰三司使掌天下財不才而黜之可也不可使兩府陶廬雜錄

卷六

七

侵其事今爲制置三司條例司何也宰相以道佐人主安用例苟用例則胥吏足矣今爲看詳中書條例司何也惠卿不能對

因河以爲漕者禹也壅河以爲漕者明人也故古曰河渠今日河防

魏明帝遣司馬懿征遼東其時自雒陽出軍不過三千餘里而帝問往還幾日懿對以往百日攻百日還百日以六十日爲休息如此一年足矣此猶是古人師行日三十里之遺意夏侯淵爲將赴急疾常出敵之不意軍中爲之語曰典軍校尉夏侯淵三日五百六日一千此

可偶用之於二三百里之近不然百里而走利者蹶上將固兵家所忌也

明初三場之制雖有先後而無輕重乃士子之精力多專於一經畧於考古主司閱卷復護初場所中之卷而不深求其二三場夫昔之所謂三場非下帷十年讀書千卷不能有此三場也今則務於捷得不過於四書一經之中擬題一二百道竊取他人之文記之入場之日鈔謄一過便可僥倖中式而本經之全文有不讀者矣率天下而爲欲速成之童子學問由此而衰心術由此而壞宋嘉祐中知諫院歐陽修上言今之舉人以二千

陶廬雜錄

卷六

八

人爲牽請寬其日限而先試以策而考之擇其文辭鄙惡者文意顛倒重雜者不識題者不知故實畧而不對所問者誤引事跡者雖能成文而理識乖誕者雜犯舊格不考式者凡此七等之人先去之計二千人可去五六百以其畱者次試以論又如前法而考之又可去其二三百其畱而試詩賦者不過千人矣於千人而選五百少而易考不至勞昏考而精當則盡善矣縱使考之不精亦當不至大濫蓋其節抄剽盜之人皆以先策論去之矣比及詩賦皆是已經策論粗有學問理識不至乖誕之人縱使詩賦不工亦可以中選矣如此可使童

年新學全不曉事之人無由而進今不能復兩漢舉士之法不得已而以言取人則文忠之論亦似可取蓋救今日之弊莫急乎去節鈔剽盜之人而七等在所先去則闇劣之徒無所僥倖而至者漸少科場亦自此而清也

宋孝宗淳熙十一年十月太常博士倪思言舉人輕視史學今之論史者獨取漢唐混一之事三國六朝五代以爲非盛世而恥談之然其進取之得失守禦之當否籌策之疏密區處兵民之方形勢成敗之迹俾加討究有補國家請諭春官凡課試命題雜出諸史無所拘忌

陶廬雜錄

卷六

九

考覈之際稍以論策爲重毋止以初場定去畱從之黃宗羲曰古之取士也寬其用士也嚴今之取士也嚴其用士也寬古者鄉舉里選士之有賢能者不患於不知降而唐宋其科目不一士不得與於此尚可轉而從事於彼是其取之之寬也王制命鄉論秀士升之司徒曰選士司徒論選士之秀者升之學曰俊士大樂正論造士之秀者升之司馬曰進士司馬論進士之賢者以告於王而定其論論定然後官之任官然後爵之位定然後祿之唐之士及第者未便解褐入仕吏部又復試之宋雖登第入仕然亦止簿尉令錄榜首纔得丞判是

其用之之嚴也寬於取則無遺才嚴於用則無佞進今也不然其取士止有科舉一塗雖使豪傑之士若屈原董仲舒司馬相如揚雄之徒舍是亦無繇而進取之所謂嚴乎哉一日苟得上之列於侍從下亦置之郡縣卽其黜落而爲鄉貢者終身不復取解授之以官用之又何其寬也嚴於取則豪傑之老死邱壑者多矣寬其用此在位者多不得其人也流俗之人徒見二百年以來之功名氣節一二出於其中遂以爲科法已善不必他求不知科第之內卽聚此千百萬人不應功名氣節之士獨不得入則是功名氣節之士之得科第非科第之

陶廬雜錄

卷六

十

能得功名氣節之士也假使探籌較其長短而取之行之數百年則功名氣節之士亦自有出於探籌之中者寧可謂探籌爲取士之善法邪究竟功名氣節人物不及漢唐遠甚徒使庸妄之輩充塞天下豈天之不生才哉則取之之法非也我故寬取士之塗有科舉有薦舉有太學有任子有郡縣佐其法以諸生掌六曹有辟召有絕學有上書而用之之嚴附見焉

文獻通考序曰三代而上天下非天子所得私也秦廢封建而始以天下奉一人矣三代以上田產非庶人所得私也秦廢井田而始捐田產以予百姓矣秦於其當

與者取之所當取者與之然所龔既久反古實難欲復封建是自割裂其土宇以啓紛爭欲復井田是強奪民之田畝以召怨讟書生之論所以不可行也隨田之在民者稅之而不復問其多寡始於商鞅隨民之有田者稅之而不復視其丁中始於楊炎三代井田之良法壞於鞅唐租庸調之良法壞於炎二人之事君子所羞稱而後之爲國者莫不一遵其法一或變之則反至於煩擾無稽而國與民俱受其病則以古今異宜故也

又曰古者俗朴而用簡故錢有餘後世俗侈而用糜故錢不足於是錢之直日輕錢之數日多數多而直輕則其致遠也難自唐以來始制爲飛券鈔引之屬以通商賈之厚齎貿易者其法蓋執券引以取錢而非以券引爲錢也宋慶歷以來蜀始有交子建炎以來東南始有會子自交會旣行而始直以楮爲錢矣夫珠玉黃金可貴之物也銅雖無足貴而適用之物也以其可貴且適用者制幣而通行古人之意也至於以楮爲幣則始以無用爲用矣舉方尺腐敗之券而足以奔走一世寒藉以衣飢藉以食貧藉以富蓋未之有然銅重而楮輕鼓鑄繁難而印造簡易今捨其重且難者而用其輕且易者而又下免犯銅之禁上無搜銅之苛亦一便也

又曰征權之途有二一曰山澤茶鹽坑冶是也二曰關
市酒酤征商是也蓋言利者則曰縣官當食租衣稅而
已而欲與民庶爭貨殖之利非王者之事也善言利者
則曰山海天地之藏而豪強擅之關市貨物之聚而商
賈擅之取之於豪強商賈以助國家之經費而毋專仰
給於百姓之賦稅是崇本抑末之意乃經國之遠圖也
自是說立而後之加詳於征權者莫不以藉口征之不
已則併其利源奪之官自煮鹽酤酒採茶鑄鐵以至市
易之屬利源日廣利額日重官旣不能自辦而豪強商
賈之徒又不可復擅然旣以立爲課額則有司者不任
陶廬雜錄

卷六

三

其虧減於是又爲均派之法或計口而課鹽錢或望戶
而權酒酤或於民之有田者計其頃畝令於賦稅之時
帶納以求及額而征權遍於天下矣蓋昔之權利曰取
之豪強商賈之徒以優農民及其久也則農民不獲豪
強商賈之利而代受豪強商賈之權有識者知其苛橫
而國計所需不可止也

通志漢昭帝始元二年詔發習戰射士詣朔方調故吏
將屯田張掖郡孝宣帝神爵元年遣後將軍趙充國將
兵擊先零羌充國以擊虜殄滅爲期乃欲罷騎兵屯田
以待其敝上從之於是畱步士萬人屯田大獲利明年

遂破先零屯田詳見充國傳魏武帝破黃巾欲經畧四方而苦軍食不足羽林監潁川棗祗建置屯田於是以任峻爲典農中郎將募百姓屯田於許下得穀百萬斛郡國例置田官數年之中所在積粟倉廩皆滿廢帝齊王芳正始四年司馬懿督諸軍伐吳時欲廣田蓄穀爲滅賊資乃使鄧艾行陳項以東至壽春艾以爲田良水少不足以盡地利宜開河渠可以大積軍糧又通運漕之道乃著濟河論以喻其指又以爲昔破黃巾因爲屯田積穀於許都以制四方今三隅已定事在淮南每大軍征舉運兵過半功費巨億以爲大役陳蔡之間土下

陶廬雜錄

卷六

三

田良可省許昌左右諸稻田並水東下令淮北屯二萬人淮南三萬人十二分休常有四萬人且田且守水豐常收三倍於西計除衆費歲得五百萬斛以爲軍資六七年閒可積三十萬斛於淮上此則十萬之衆五年食也以此乘吳無往而不克懿善之如艾計遂北臨淮水自鍾離西南橫石以西盡泚水四百餘里五里置一營營六十人且佃且守兼修廣淮陽百尺二渠上引河流下通淮潁大治諸陂於潁南北穿渠三百餘里溉田二萬頃淮南淮北皆相連接自壽春到京師農官兵田雞犬之聲阡陌相屬每東南有事大軍興衆汎舟而下達

于江淮資食有儲而無水害艾所建也晉羊祜爲征南大將軍鎮襄陽吳石城守去襄陽七百餘里每爲邊害祜患之以詭計令吳罷守於是戍邏減半分以墾田八百餘頃大獲其利祜之始至也軍無百日之糧及至季年有十年之積太康元年平吳之後杜預在荊州修邵信臣遺跡激用漁涇諸水以浸原田萬餘頃分疆刊石使有定分公私同利衆庶賴之號曰杜父舊水道唯沔漢達江陵千數百里北無通路又巴邱湖沅湘之會表裏山川實爲險固荆蠻之所恃預乃開楊口起夏水達巴陵千餘里內瀉長江之險外通零桂之漕南土歌之

陶廬雜錄

卷六

七

曰後世無叛由杜翁孰識智名與勇功東晉元帝督課農功二千石長吏以入穀多少爲殿最其宿衛要任皆令赴農使軍各自佃卽以爲廩穆帝昇平初荀羨爲北部都尉鎮下邳屯田于東陽之石鼈公私利之後魏文帝大統十一年大旱十二年祕書丞李彪上表請別立農官取州郡戶十分之一爲屯田人相水陸之宜料頃畝之數以贖贖雜物市牛科給令其肆力一夫之田歲責六十斛蠲其正課并征戍雜役行此二事數年之中則穀積人足矣帝覽而善之尋施行焉自此公私豐贍雖有水旱不爲之害也北齊廢帝乾明中尙書左丞蘇

珍芝又議修石鼈等屯歲收數十萬石自是淮南軍防糧足孝昭帝皇建中平州刺史嵇煜建議開幽州督亢舊陂長城左右營屯歲收稻粟數十萬石北境得以周贍又於河內置懷義等屯以給河南之費自是稍止轉輸之勞武成帝河清三年詔沿邊城守堪墾食者營屯田置都子使以統之一子使當田五十頃歲終課其所入以論褒貶隋文帝開皇三年突厥犯塞吐谷渾寇邊轉輸勞敝乃令朔方總管趙仲卿於長城以北大興屯田唐開元二十五年令諸屯隸司農寺者每三十頃以下二十頃以上爲一屯隸州鎮諸軍者每五十頃爲一

陶廬雜錄

卷六

五

屯應置者皆從尙書省處分其舊屯重置者一依承前封疆爲定新置者並取荒閑無籍廣占之地天寶八年天下屯收百九十一萬三千九百六十六石關內五十六萬三千八百一十石河北四十萬三千二百八十石河東二十四萬五千八百八十石河西二十六萬八千八百石隴右四十四萬九百二十石上元中於楚州置洪澤屯壽州置芍陂屯厥田沃壤大獲其利

古費多而貨有餘今用少而財不足者何也豈非古取山澤而今取貧民哉取山澤則公利厚而人歸於農取貧民則公利薄而人去其業故先王作法也山海有官

虞衡有職輕重有術禁發有時一則專農二則饒國明
皇令宰臣議其可否咸以鹽鐵之利甚益國用遂令將
作大匠姜師度戶部侍郎強循俱攝御史中丞與諸道
按察使檢責海內鹽鐵之課二十五年倉部格蒲州鹽
池令州司監當租分與有力之家營種之課收鹽每年
上中下畦通融收一萬石又屯田格幽州鹽屯每屯配
丁五十人一年收率滿二千八百石又成州長道縣鹽
井一所並節級有賞罰蜀道陵綿等十州鹽井總九十
所每年課鹽都當錢八千七百五十一貫陵州鹽井一
所課都當錢
二千六十一貫綿州井四所都當錢二百九十二貫資
州井六十八所都當錢一千八十三貫瀘州井五所都
當錢一千八百五十貫榮州井十二所都當錢四百貫
梓州都當錢七百一十七貫遂州四百一十五貫閬州
一千七百貫普州二百七十八貫遂寧府都當錢二千
七百九十三貫果州都當錢九千九百八十七貫邛州
都當錢三百七貫

陶廬雜錄

卷六

六

初德宗納戶部侍郎趙贊議稅天下茶漆竹木十取一
以爲常平本錢至貞元八年鹽鐵使張滂奏出茶州縣
若山及商人要路以三等定估什稅其一自是歲得錢
四十萬緡然水旱亦未嘗拯之也穆宗卽位兩鎮用兵
帑藏空虛鹽鐵使王播增天下茶稅率百錢增五十及
王涯判二使置榷茶使徙民茶樹於官場焚其舊積天
下大怨武宗卽位鹽鐵轉運崔珙增江淮茶稅是時茶

商所過州縣有重稅或掠奪舟車露積雨中諸道置邸以收稅謂之榻地錢故私販益起

魏冰叔裏言當事來要辨得是非利害四字是非有時朦朧須要一箇透利害最難逆料且辨一箇穩然我輩立身利害要看得輕是非要看得重又曰利害之權在天是非之柄在己利害是或然的是非是晝然的利害不明累在一時是非不明累在萬世又曰辨是非利害又要識得大小輕重緩急六字

施塚不如施棺施棺不如施藥施藥不如周濟教導使其不饑寒暑濕以至於病大抵先事之功無形人不見陶廬雜錄

卷六

七

其可感故人鮮爲之是故施恩者不必冀可見之功受恩者必當思不見之德

責備賢者須全得愛惜裁成之意若於君子身上一味吹毛求疵則爲小人者反極便宜而世且以賢者爲戒矣若當君子道消之時尤宜深恕曲成以養孤陽之氣淵泉日記范純仁諫神宗引漢文帝身衣弋綈事以致天下豐富上曰致天下豐富亦須有政事若但人主服阜紬袍皮履遂欲天下豐富亦無此理澆因思此語所以啓王安石青苗之論惜乎范忠宣公不能再進言于君若因而諫之謂以有限之財濟無窮之用恐難以豐

當則神宗亦必感動進言不盡其說適足以稔禍不足以弭禍

熙寧中新法方行州縣騷然邵康節閒居林下門生故舊仕宦者皆欲投劾而歸以書問康節答曰正賢者所當盡力之時新法固嚴能寬一分則民受一分之賜矣投劾而去何益

大中祥符中天下大蝗真宗使人于野得死蝗以示大臣明日他宰相有袖死蝗進者曰蝗實死矣請示于朝率百官賀王文正公獨以爲不可後數日方奏事飛蝗蔽天真宗顧公曰使百官方賀而蝗如此豈不爲天下

陶廬雜錄

卷六

大

笑諸公皆謝曰王且遠識非臣等所及

陳晉公爲三司使真宗命具中外錢穀大數以聞恕諾而不進久之上屢趣之恕終不進上命執政詰之恕曰天子富于春秋若知府庫之充羨恐生侈心

伍文定與宸濠江中殊死戰忽出一大牌書寧王已擒我軍毋得縱殺賊見之驚擾遂大潰

淮陰初見漢高論劉項優劣不待垓下之役而坐談之頃已灼見楚之弁於漢矣諸葛亮初見昭烈言吳在所當交荆益在所可取不待披輿地圖而天下鼎足之勢指諸掌上李綱之禦金人謂可守而後可言戰可戰而

後可言和雖高宗不能用大都南宋之勢不出此二語此經綸草昧手故言皆得其要領

自秦以歷漢唐宋其所以滅亡之故俱出闔宦嘗試論之秦若無沙邱之詔安得有望夷之刃漢若無蕃武之戮安得有董卓之進唐若無甘露之變安得有白馬之禍宋若無滅遼之舉安得有二帝之行故劉項曹操朱溫阿骨打此滅秦代漢篡唐蹙宋之人而趙高曹節王甫仇士良田令孜童貫實啓之上下數千年敗亡如出一轍

宋英宗時王廣淵除集賢院司馬光言廣淵姦邪不可陶廬雜錄

卷六

九

近昔漢景帝爲太子召上左右飲衛綰獨稱疾不行及卽位待綰有加周世宗鎮澶淵張美掌錢穀世宗私有求假美悉力應之及卽位薄其爲人不用今廣淵當仁宗世私自結于陛下豈忠臣哉

曹武惠王彬嘗曰吾爲將殺人多矣然未嘗以私喜怒輒戮一人韓忠獻公琦語章相在北門頗姑息三軍公曰御軍自有中道嚴固不可愛亦不可若當其罪雖日殺百人何害人自不怨夫不以私喜怒戮人雖殺人多而非傷己之仁當其罪殺人雖日殺百人而不取人之怒

縱賊飲酒豈云翦惡絕纓茹湯非以防邪漢文帝餽金錢唐太宗給布絹俱非刑賞正道

于公謙王公文臨刑時以迎立外藩之故文稱冤謙但云親王非有金符不可召當辨之時印綬尙寶諸內官聞之簡閱各王府符俱在獨無襄王府者衆皆疑不知其故乃問一退任內官云嘗記宣德間老娘娘有旨取去但不知何在老宮人某尙在必知其詳遂往問之云是宣廟賓天時老娘娘以爲國有長君社稷之福嘗欲召襄王及取入後以三楊學士議不諧而止符今在後宮喚閣中老娘娘張太后也于是啓太后求之果得某陶廬雜錄

卷六

三

處蓋以積塵埋沒寸餘矣此老閹老嫗不存則典守之死于冤者亦有之矣其後英宗悟二人之冤而悔者此也斷大獄者可不慎哉

韓魏公不分別小人然後能去小人蘧伯玉耻獨爲君子然後能成君子

做人要脫俗而不可存一矯俗之心應世要隨時而不可起一趨時之念

司馬溫公爲相每詢士大夫私計足否人怪而問之公曰倘衣食不足安肯爲朝廷而輕去就耶內翰賈公廷試第一往謝杜祁公公獨以生事有無爲問賈退謂祁

公門下士曰黯以鄙文冠天下往謝公公不問而獨問
生事豈以黯爲不足魁乎公聞而言曰凡人無生事雖
爲顯官不能無俯仰依違今賈君名在第一則其學不
問可知其爲顯官又不問可知衍獨懼其生事不足以
致進退皆爲廩祿所拘管耳賈爲之歎服唐王起敷歷
省寺三任節鎮而昧於理家俸入盡爲僕妾所有耆年
寒餒至於伶人分月俸以自給議者曰祿任之士不能
樽節稍豐則飫及狗彘稍歉則困彼妻孥晚節苟得盡
棄其平生者多矣以王相國德望名位而有此累人可
不思儉以自足乎嗚呼若認作求田問舍則前語醍醐

陶廬雜錄

卷六

三

翻成毒藥

武后謂仁傑曰卿佐汝南有善政然有譖卿者欲知之
乎謝曰陛下以爲過臣當改之以爲無過臣之幸也譖
者乃不願知后歎爲長者

唐高宗告武后以上官儀教我廢汝此君不密而失臣
也陳蕃乞宣臣章以示宦者此臣不密而失身也

范文正公淮上遇風詩云一棹危於葉傍觀欲損神他
年在平地無忽險中人又李文靖公乞去題六和塔云
經從塔下幾春秋每恨無因到上頭今日始知高處險
不如歸去臥林邱

初開口便似煞尾語初下手便似盡頭著此人大無合
蓄大不濟事

野客叢書貢禹上書曰臣犬馬之齒八十有一凡有一
子年十二禹年八十一而有子十二是六十九歲方有
子矣其艱得嗣息如此觀其晚年上䟽論民間以產子
三歲出口賦錢重困生子輒殺宜令兒七歲出口錢其
詞甚切想禹艱得嗣息故推是念又觀北魏永平間將
誅元愉妾李氏羣臣無敢言者敕崔光爲詔光逡巡不
作奏曰元愉妾懷妊戮至刳胎桀紂之主乃行斯事陛
下春秋日長未有儲體皇子襁褓尋至天失乞舒李獄
陶廬雜錄

卷六

三

以俟育孕帝欣然納之是亦以後嗣爲念免至殺胎夫
魏主以殘忍之性恣行誅戮宜若不可回然一聞是語
甚爲之惻然少弛刑禁則知人誰無是心有能動其機
挽回仁念差直易耳因觀二公之言其利甚溥又思世
有不爲利益後嗣計者顧以慘刻爲術求媚於時嗚呼
哀哉

焦氏筆乘屯田營田不同名則其制必有異通典載宇
文融括天下隱田之法曰浮戶丁共作一坊官立閭舍
每丁給田五十畝爲私田任其自營種每十丁于近坊
更共給一頃以爲公田共令營種十丁歲營田一頃一

丁一年役功三十六日外官收共爲百石此外更無租賦既是營田戶且免征行必不流散

營田戶是融本語

如此棄

地卽爲公田矣案此名營田者是給公田令浮戶爲官營種十丁一年共種公田十頃不與編戶給田納租同故云營田也若屯田則成屯兵爲之趙充國鄧艾羊祜皆是也故云屯田今江南民租官田者皆名屯田蓋國初時本以屯田兵爲之今入民戶猶仍故名也山東巡撫都御史多帶營田則是營種官田恐此名始于宇文而其制已具晁錯傳矣其異者錯行諸邊上融行之民間也

陶廬雜錄

卷六

五

歐陽公知開封日承包孝肅政猛之後一切循理不事風采或以包之政勵公者公荅曰凡人材性不一各有長短用其所長事無不舉強其所短政必不逮吾亦任吾所長爾聞者服其言

司馬文正公作相日親書榜稿揭于客位日訪及諸君若觀朝政闕遺庶民疾苦欲進忠言者請以奏牘聞於朝廷光得與同僚商議擇可行者進呈取旨行之但以私書寵諭終無所益若身有過失欲賜規正卽以通封書簡分付吏人傳入光得內自省訟佩服改行至於整會官職差遣理雪罪名凡千身計並請一面進狀光得

與朝省衆官公議施行若在私第垂訪請不語及

眞宗朝李沆王旦同時執政四方奏報祥瑞沆故滅裂之如有災異則再三疏陳以爲失德所招上意不悅且退謂沆曰相公何苦違戾如此似非將順之意沆曰自古太平天子志氣侈盛非加威四夷則耽酒色或崇釋老不過以此數事自敗今上富於春秋須常以不如意事裁挫之使心不驕則可爲持盈守成之主沆老矣公他日當見之且猶不以爲然至晚年東封西祀禮無不講時沆已薨且繪像事之每胸中鬱鬱則摩腹環行曰文靖蓋服其明識也

陶廬雜錄

卷六

二

慶歷中一近侍犯法罪不至死執政以其情重請殺之范希文獨無言退而語同列曰諸公勸人主法外殺近臣一時雖快意不宜教手滑諸公默然

御史臺有閹吏隸臺中四十餘年善評其優劣每以所執之挺待中丞之賢否中丞賢則橫其挺否則直其挺此語誼於縉紳凡爲中丞者唯恐其挺之直也范諷爲中丞聞望甚峻一日視事次閹吏忽直其挺范大驚立召問曰爾挺忽直豈覩我之失耶吏初諱之苦問乃言曰昨見中丞召客親呼庖人以造食指揮者數四庖人去又呼之復丁寧者數四大凡役使者授以法而觀其

成苟不如法有常刑矣何事喋喋之煩若使中丞宰天下不止一庖人之任皆欲如此喋喋不亦勞可厭乎某心鄙之不知其挺之直也范大笑慙謝

舊皆用小鐵錢十當銅錢之一景德二年令益州張詠西川轉運使黃觀同裁度嘉邛二州所鑄大鐵錢每貫用二十五斤八兩成直銅錢一小鐵錢十相兼行用後以鐵重多盜鑄爲器每二十五斤鬻之直二千大中祥符七年知益州凌策言錢輕則行者易齎錢小則鎔者鮮利請減景德二年之制其見使舊錢亦令仍舊行用從之

陶廬雜錄

卷六

五

宋朝鼓鑄饒

永平

池

江州

寧

建寧府

豐國

四監歲鑄銅錢

百三十四萬緡充上供衡舒嚴鄂韶梧州六監歲鑄百五十六萬緡充逐路支用建炎兵革州縣困敝鼓鑄皆廢紹興初併廣寧監于虔州併永豐監于饒州歲鑄錢及八萬緡以銅鐵鉛錫之入不及於舊而官吏廩稍工作之費視前日自若也每鑄錢一千率用本錢二千四百文時范汝爲作亂權罷建州鼓鑄二年復鑄錢十二萬緡泉司應副銅錫六十五萬餘斤光宗紹熙二年臣僚言江北公行以銅錢一淮鐵錢四禁之當時銅錢之在江北者自乾道以來悉以鐵錢收換或以會子一貫

換錢一貫省其銅錢解赴行在及建康鎮江沿江州軍
關津去處委官檢察又于江之南北各置官庫以銅鐵
錢交換凡沿江私渡及極邊徑路嚴禁透漏

陸稼書思辨錄序士生斯世而欲言學豈不難哉功利
之習浸淫於人心根深蒂固而不可拔幸而能自拔於
功利矣則或溺於記誦詞章終身竭蹶而適長其浮薄
驕吝之氣幸而又不溺於是而有志於道矣則佛老之
徒又從而惑之舍三代以來聖賢相傳之道而欲求所
謂虛無寂滅者求之愈力去道愈遠幸而不惑於佛老
而歸於儒矣而儒者之道復分途各驅宋之洛閩金谿
陶廬雜錄

卷六

美

明之河津餘干新會姚江同師孔孟同講仁義其辨在
毫釐之間而其流至於相去懸絕若方圓冰炭之不同
學者未嘗辨其同異晰其疑似浮慕乎學之名而用力
焉其不舍坦途而趨荒徑者幾希矣

姜西溟曰古道義之交以贈言不以財賄以性命不以
然諾以過相規箴不以名相標榜衆之所賤吾貴焉不
以形迹嫌也衆之所棄吾取焉不以獨行疑也要之期
攀依以同至於道斯已矣

寇永修山居日記云古人睦族非止同宗以族服考之
父族母族妻族皆是若晏平仲敝車羸馬桓子以爲隱

君之賜晏子曰自臣之貴父族無不乘車者母族無不足於衣食者妻族無凍餒者齊國之士待臣舉火者三百餘人

石成金官紳約生而爲人無益於世則不如無生仕而爲官無益於民則不如不仕

陸稼書靈壽奉巡撫直隸都察院于條陳時務水利之當興也欲民之富在於墾田欲田之墾在興水利北方土性燥烈灌溉易涸雖與南方不同然使川澤流通隨便灌溉猶愈於聽其焦枯而莫之救也職竊觀古人溝洫之制至精至密故孔子謂大禹盡力乎溝洫而周禮

陶廬雜錄

卷六

七

遂人匠人之職備載其制今一切置而不問聽其自盈自涸一遇旱澇束手無策何怪乎民生之日蹙也但古人溝洫之制隨時修理故不覺其煩費今以久湮久塞之河道一旦欲疏其壅而防其潰工費浩繁勢難卒辦又當公私交困之時州縣錢糧一絲一忽皆有款項不敢擅動民間十室九空正供錢糧尙難完辦安有餘力以成此艱巨之事若不量時勢不計贏絀驟然興舉其爲擾害必甚於水旱竊思屢年以來朝廷憫恤災荒州縣議蠲議賑所費錢糧不可勝數與其蠲賑於旣荒之後何如講求水利於未荒之前蠲賑之惠在一時水

利之澤在萬世今憲臺撫臨畿甸欲成久遠之業無有大於斯者矣宜通查所屬州縣水道何處宜疏通何處宜隄防約長闢若干工費若干彙成畿輔水利一書進呈 御覽請司農度錢糧之贏絀以次分年舉行永成萬世之利而不擾於世以一時言之雖若不免於費以久遠言之比之蠲賑所省必百倍或鼓舞官吏紳衿能開河道若干者作何優敘作何獎勵此亦一策也

王爾緝區田法按農政書湯有七年之旱伊尹作爲區田教民糞種負水澆稼諸山陵傾阪及田邱城上皆務爲之以是支六年之旱而民少流殍其說雖無他書可

陶廬雜錄

卷六

天

證然要之其法非智者莫辨凡少地之家所宜遵用至荒旱之時水泉闕少之鄉尤宜重畱之意也其法大約謂一畝之地闊一十五步每步五尺計七十五尺每一行占地一尺五寸計分五十區長闊相間通二千七百區空一行下種於所種行內則又隔一區種一區除隔空外可種六百七十五區每區深一尺用熟糞一升與區土相和布穀勻覆以手按實令土種相著苗出看稀稠存畱鋤不厭頻旱則澆灌結子時鋤區上土深壅其根以防大風搖撼依此法者倘不爲蝗傷每區收穀一斗每畝可收六十石余竊謂其法眞貧家濟荒之勝策

但如隔區閒種不但中道難行亦且耘鋤水灌皆費周折不如視地闊狹於中畫路以一尺五寸通畛爲度而畫一種禾之溝亦以通畛一尺五寸爲度區規深則一尺用熟糞一升照數均入以手按實視其可灌則按時渥灌之爲工省而法捷也至若一區能收穀一斗一畝能六十石及三十石之說則亦恐不然昔余當庚子辛丑大旱時亦曾力務爲此雖人事未至精到要之工力頗勤亦只可畝五六石而止彼畝收六十石三十石之說或古人誘人力務區種之旨乎然如大旱之歲鄰田赤地千里而區田一畝獨有六七石之獲果若數口之家能彈力務成二十畝區田便可得全八口之家父母妻子之命其收效不亦宏且厚耶嗚呼豐儉不常是乃天道家無素蓄之粟抑且父母妻子之責上下關於己身卽夫思患預防可無慮歟

陶廬雜錄

卷六

五

陸桴亭云趙過代田之法其簡易遠過區田蓋區田之法必用鋤耬墾掘有牛犁不能用其勞一必擔水澆灌有車戽不能用其勞二且隔行種行田去其半於所種行內隔區種區則半之中又去其半田且存四之一矣而得粟欲數十倍於纓田雖有良法恐不及此今欲以代田之法參區田之意更斟酌今農治田之方而用之

凡未下種之初先令民以牛犁治田。明則深一尺，廣二尺，長終其畝。畝間爲隴，隴廣一尺，積明中之土於隴上。一畝之地，闊十五步，步當六尺，十五步得九十尺，當爲明隴三十道。畝之首爲衡溝，以道灌輸。夫明隴分則牛犁用矣，衡溝通則車戽便矣。明廣於隴，則田無棄地矣。乃令民治糞糞之法，各以其土之所宜及時播種。播種之法，一如區田，先以水灌溝，使土少蘇，平其塊，壘乃徐播種，以手按實，蓋之以灰，而微潤之。苗出，耘之。如法使其中爲四行，行相去五寸，閒可容錫生葉以上，乃漸耨隴草，壘土以附之。其應下壅及應閤水，復水俱依今農陶廬雜錄

卷六

三

法治之當必有驗

惠仲孺論荒政，荒政之弊有四：一曰勸分，二曰抑價，三曰邊糶，四曰行粥。古者千室之邑，藏千鍾，萬室之邑，藏萬鍾，是以勸富分貧，而食自給，且貯米於囷，一歲而陳，藏穀於廩，十年不敗。吳民爭旦夕之利，惟恐弗及，而莫有爲十年之計者。故江南無藏穀之家，有田數十頃，米數十困，僅數萬家之一分。一家無以給數萬家，而一家先受其弊，富民貧之母也，疾其母而不能活，其子亦何利之有焉？此荒政之弊一也。凡物多則輕，少則重，是以古之爲國者，多則斂之，使重，少則散之，使輕。未聞有抑

價者良以價不可抑而平也江南旣無藏穀數十州之衆咸仰食於商則米商實爲民之司命彼價重則空集價輕則轉而之他視利用趨四方無擇也抑價之令下則米商以折閱而莫至吾恐米益乏價益騰躍將使菽粟如珠玉其誰能抑之且抑之是教民爭也桀黠之徒必有挾持憲令起而強糴者姦宄亦將嘯聚飢民乘時攘奪則盜賊四出而莫可禦此荒政之弊二也菽粟之流於天下猶血脈之流於一身流則通遏則壅其理易曉況一郡之儲有限而天下之積無窮不能通無窮之積而徒遏有限之儲其罄也可立而待或曰遏糴所以

陶廬雜錄

卷六

三

防海也防海之法嘗聞之矣今不思所以防之之法而遏糴是聞吾恐海人之糴者自如而徒使平民搖手觸禁也此荒政之弊三也先王行糜粥以順時令而非以救荒東漢嘗行之而民多餓死良以胥吏乾沒賑恤有虛揀以石灰揉以糠覈名爲活人其實殺之又壯者得舖而不能及於細弱羸老之民近者得舖而不能徧於深谷窮巖之域活者二三而死者十七八矣且萃數千人而行粥於市則氣之所蒸將成癘疫衆之所聚必有姦偷其患不細惟閭里長厚者可施之一鄉而非有司之所宜行也此荒政之弊四也余以爲勸分不若開渠

抑價不若通商過糶不若廣糶行粥不若釐戶宋汪綱
知蘭溪縣會歲旱躬勸富民浚堰築塘大興水利餓者
得食其力全活甚衆此開渠之法也浙東饑宰相王淮
薦朱熹爲提舉常平事以振之始拜命卽移書他郡募
米商蠲其征及至則客舟之米已輻輳民以不飢此通
商之法也江右饑辛棄疾榜通衢曰閉糶者配強糶者
斬召官吏儒生商賈各舉有幹實者貸以官錢蠲其息
俾出糶他郡期終月至城下發糶由是連檣而至米價
自平此廣糶之法也江東早提刑史彌鞏以爲振荒在
得人俾釐戶爲五等甲振乙糶丙爲自給丁糶而戊濟

此釐戶之法也顧在於今則猶有難行者常平廢而廣
糶無本錢關稅重而通商無厚利釐戶則胥吏上下其
手而貧富不均開渠則富民靳固其財而怨咨或作惟
損益古人之法而裁取其中商推今日之宜而務先其
急則四者皆可行也江南素稱澤國環三江跨五湖橫
爲塘縱爲浦支爲涇爲蕩爲灤所以引灌漑也堰以蓄
之堤以束之牖以時而啓閉之所以節水旱也今堰牖
不修而支渠淺澱水至無以泄橫流之潰水退無以漑
高仰之田故雨則溢而旱則涸當勸富民計畝出錢以
給下戶俾廢者修淺者濬而益深焉則貧富兩以爲便

救一時之患而成數百年莫大之功則開渠之法可行也今山東豐而荆湖熟江南赤地千里貴者金賤者土則灌輸之利權在米商或不能蠲其征當半減以招之則楚帆湘柁啣尾而來大輻高檣泊於水市者相望也物聚價輕又焉用抑則商通之法可行也廣糴之法當聚耆老及鄉先生舉富商之謹愿者假官錢爲本而使出糴荆湖糴十而糴二則有二分息糴三則有三分息以本還官剖其息而中分之半賑饑半予商而稍優其直其餘則畧倣真德秀之治潭而立惠民倉辛棄疾之治福而置備安庫以爲水旱盜賊之防則廣糴之法可

陶廬雜錄

卷六

三

行也釐戶之法當倣韓琦河北救災政而擇甲戶之以貲爲官者憲司禮請之屬以計口均戶而分五等每縣若干都每都五人視民居稀稠而增減其數復授之粟而屬以親至某鄉聚民均給人日一升幼小半之十日一周終而復始至麥熟止仍令糴粟之所給粟之所俾均主之而有司總其成如此則以戶均戶以民振民既不侵牟亦無掣頓且人情各愛其鄉而又恐負憲司之意必相與慫恿從事而惟恐不均則釐戶之法可行也蓋荒政大畧如此若夫以實心行實政則存乎其人

黃子正保甲論夫保甲之設所以弭盜逃而嚴奸宄法

至善也惟行之者不得其要且視爲具文而又紛紛焉
日見其奉令之擾究無其取效之實遂以保甲爲厲民
之具而弛之其不與因噎而廢食者等乎所謂保甲者
有古寓兵於農之意焉有古比閭師胥之制焉古者守
令皆得主兵以率戰今之州邑惟快壯數人供奔走而
已若倣井田出甲卒之遺法以遴選鄉壯而訓練之使
知義勇而樂戰夫非寓兵於農之意乎古者萬二千五
百人爲軍將皆命卿二千五百人爲師帥皆中大夫五
百人爲族帥皆下大夫百人爲卒卒有長皆上士二十
五人爲兩兩司馬皆中士五人爲伍伍有長今保甲之

陶廬雜錄

卷六

三

法十家有長曰甲長百家有長曰保正一鄉有長曰保
長以次相統屬而行稽察之政焉至於壯丁無事則暇
日以教練有事則聞警以救援皆保甲長相率而趨夫
非古軍旅伍卒之用乎然而保甲長類多報充詎堪勝
任必親加選拔以足馭衆而急公視才之大小以爲用
是又將用命卿師旅用大夫卒伍用上中士之意也古
者比閭之制德行相覘患難相恤死喪相賙師胥之制
有故則設備有盜賊則追捕有好宄則互相稽務令比
戶有可封之俗室家享康阜之娛今保甲之法設爲保
長壯丁分布城鄉聯絡村舍平時修防講備臨時協力

救禦至於保里之中有德善孝弟則舉而旌之有無良
匪類則舉而懲之以及子弟訓之謙和而好禮父老勸
其推卹而好義一里如是各里如是一鄉如是四鄉如
是有不雍雍然同古政行俗美之世哉夫所謂保甲之
害者如王荆公抽民兵以遠事征伐妨農稼以簡閱戎
伍使百姓軍裝餼糧而自備死亡窮困而莫哀是其所
以爲害也所謂保甲之利者如王文成公之撫贛命州
邑設保甲以綜理一鄉立甲長以稽查十戶清排門使
奸宄之無可藏選壯丁使防禦之有足恃是之所以爲
利也推原其故荆公驅民以爲兵以之遠戰於邊隅文
陶廬雜錄

卷六

五

成簡壯以爲民以之近守其間里其利害之相去倍蓰
不較然乎今州邑之修舉保甲能毋視爲具文得其要
而行之將詰奸不出於其家防護不出於其村禦侮不
出於其里是一家一村一里之民各自爲衛也卽其近
家之人而爲之甲長卽其近村之人而爲之保正卽其
本里之人而爲之保長是甲長保正諸人皆所熟識也
其甲保長等又必選擇而任之是其人必皆老成奉法
者也至於傳集徵召不同公差查報拘催不煩牒票而
悉聽保甲之自爲承稟百姓獲終歲之安官司無一文
之費若是行之者既有其實效率奉之者亦無其煩擾由

一邑而推之一省由一省而推之天下誠弭盜戢奸之善政也又安見其爲厲民而可廢之哉

陸稼書弭盜策古今弭盜之術無他治於旣熾之日不若治於未熾之先絕於旣萌之日不若絕於未萌之先何則盜之初固吾民耳民非樂爲盜也衣食之不給賦役之不時禮義之不知夫是以陷於盜而不能自免使其未爲盜之先上之人有以引之於禮義使無迫於飢寒而無困於賦役則天下安有所謂盜哉故善弭盜者不於其終於其始不於其著於其微唐虞之詰姦宄周官之嚴守望固弭盜也稷以播穀契以明倫者亦弭盜

陶廬雜錄

卷六

五

也司徒教稼稽鄧長趨耕耨者亦弭盜也用力不過三日起役無過一人者亦弭盜也不足有補不給有助其於恆賦用其一緩其二者亦弭盜也家有塾黨有庠術有序使其父與父言義子與子言孝少而習焉其心安焉者亦弭盜也唐虞二代所以化行俗美外戶不閉者以其弭於未盜之先有此具耳三代以下則不然上之人平居固非能教其民也所尚者虛名也固非能安利其民也所急者賦稅也幸而歲豐無事則坦然四顧以爲盜賊無自而有遇水旱之災飢寒無知之民蹶然而起不可禁止待其旣起然後設兵以禦之責官以詰之

勦以威之撫以懷之申保甲以防之嚴緝捕以求之懲積窩以絕之此數者非不可以靖桂苻清潢池然孰非吾民不能使之安其生及陷乎罪然後從而區處之乎故前史所載龔遂虞詡張綱李崇之徒其弭盜之功非不嘖嘖人口然愚嘗鄙之以爲非盛世之事也今天下一統海不揚波可謂治平矣而江浙之間政煩賦重歲書大有而藜藿不充者比比也吾君吾相可不爲之所乎故愚以爲天下有不足憂者有大可憂者兵不能禦盜不足憂官不能詰盜不足憂勦撫不得其方不足憂保甲不行緝捕不嚴積窩不懲不足憂教化不敦大可陶廬雜錄

卷六

三

憂稅斂日增大可憂農桑不登大可憂所謂不足憂者非謂其無關於天下也數者之不理一盜未獲止一盜耳一方未靖止一方耳若夫起於一盜而有不止一盜之勢起於一方而有不止一方之勢此則所謂大可憂者矣是故教化不可不敦也教化者非必如古學校之制率草野之民盡教以師儒也在朝廷示之以義申之以禮使知貨利爲輕廉恥爲重則風俗之淳可計日而俟矣稅斂不可不薄也薄之者非必如古蠲租減額也但在寬其期限勿使今歲而完來歲之糧絕其侵漁勿使加耗而半正供之額則憔悴之民可安枕而臥矣農

桑不可不勸也勸之者非必如古省耕省斂也但使農夫紅女恆尊於富賈豪胥無擾之以非時之役無加之以非罪之刑則汙萊之區不令而墾矣誠如是民何樂而爲盜萬一有之則所謂自作不靖者也所謂凡民罔弗慙者也所謂天降威者也夫然而兵以禦之可也官以詰之可也或勦之或撫之或申保甲嚴緝捕懲積窩以治之可也欲兵之禦盜而不爲盜則在制之以良將欲官之詰盜而不諱盜則在糾之以督撫勦可施於渠魁而不可施於脇從撫可以有其生而不可濫以恩申保甲嚴緝捕懲積窩可以詰姦民而不可以擾良民此

陶廬雜錄

卷六

三

弭於旣形之法也夫旣有以弭於未形之前復有以弭於旣形之後而世不登於唐虞人不躋於三代閭里猶有綠林之警往來猶有暴客之虞未之前聞

惠仲孺論訛言周禮八刑造言居一及其衰也訛言莫懲降自秦漢妖言者死三者起於妖成於造傳於訛也憑諸物假諸靈一夫說萬夫騰無翼而飛無趾而行疑鬼疑神使民無故而相驚縱而勿問耶則恐因是而爲亂也從而治之則窈冥不見蹤跡君子鎮以靜繩以法何謂鎮以靜漢建始三年京師民傳言大水至奔走相蹂躪老弱號呼長安大亂成帝召公卿議大將軍王鳳

以爲太后與上及後宮可御船令吏民上城以避水羣臣皆從鳳議左將軍王商獨曰自古無道之國水猶不冒城郭今政治和平何因有大水一日暴至此必訛言也不宜令上城重驚百姓上迺止有頃問之果訛言也唐開成初京師妄言大兵至謹走塵起百官或戰而騎臺省吏稍稍遁去宰相鄭覃將去同列李石曰事未可知宜坐須其定宰相走則亂矣若變出不虞逃將安適人之所瞻不可忽也益治簿書安然如平時京師羣無賴望南闕陰持兵俟變金吾大將軍陳君賞率衆立望仙門內使趣闔門君賞不從良久問之乃中人自邊還

陶廬雜錄

卷六

三

走馬入金光門也水至不避兵至不動此之謂鎮以靜何謂繩以法宋太宗時益州民訛言有白頭翁午後食人兒女一郡囂然至暮路無行人知州張詠得造訛者戮之民遂帖息哲宗時鄆州民欲爲變揭幟城隅民皆恐俄而草場白晝火蓋所揭一事也民益恐或請大索城中知州杜紘笑曰妖言惑衆乘吾膠擾而發柰何墮其術彼無能爲也居無何獲盜果奸民爲妖如所揣遂按誅之又潞州有謀亂者爲書期日揭道上部使者聞之懼檄索姦甚急知州李琮置不問以是日置酒高會訖無他孝宗時温州樂清縣倡言方臘變且復起縣令

捕數人歸於州知州樓鑰曰罪之則無可坐縱之則惑民編隸其爲首者而驅其徒出境民言乃已或戮之或配之所以輕重其典或置之或縱之所以撫定其民此之謂繩以法蓋不靜則昏昏則其法紊靜則明明則其法平未有不鎮以靜而能繩以法者抑又聞之妖則有形訛則有聲妖訛相仍姦宄其興鄭之亂也以蛇鬪秦之亡也以狐鳴誰得禁之又誰得誅之是以君子不恃法而修德存之誠行之信誠信立妖訛息彼造言者何恃而爲亂哉

王爾緝餉兵兼用麥米說兵糧八麥二米此漢代餉軍

陶廬雜錄

卷六

卑

法也然使不便於兵卽三代之法亦須更變何況於漢今則按實推論此法蓋於兵甚利且不獨利兵並於國於民無一不利也兵以氣壯勝氣以美味充腹壯麥米皆養人之物而麥麩之味則視米味爲美其性則食之視米性爲足增氣而健力故北方人無一日不食麩餅而如陝省渭北一帶則且一日三食此物卽陝省坐鎮之兵每領來官米亦往往糶錢市餅麩而食也故曰於兵甚利國之用兵爲禦寇爾兵氣而壯是乃制勝之具利也何如況西北省多夏旱故麥率十年七八成而穀則生長成就於二夏十年中往往四五薄歉餉兵八麥

二米旣屬兵情所宜且於國家備預兵餉之途爲尤便兼麥輕於米運送亦省腳力故曰於國亦利國家之廩精皆民力所輸而兵用爲多至於今日則西邊用兵其供用爲尤多若通用麥米則小民可就夏秋之獲均輸而易辦況北方諸省種麥三倍於種穀故諺有三秋不敵一夏之語兼秋穀多薄時爲民病故兵糧不但宜麥米兼餉抑且斷宜麥八米二爲不可易之經常蓋一通變而利兵兼足利國而且以利民法莫良於此也如以麩性易變爲疑則何如易麩以麥一如漢代之制又倘以磨具爲難則獨不思邊上駐兵之鎮每城不下千家

陶廬雜錄

卷六

四

數千家何家不有磨具一磨一畜一日可得麩五六十斤即可養五六十人況如但有微利卽磨主閒了無不可代辦而正有不需於兵之活法在乎倘又謂大營之磨獨不思巴里坤久住之兵一隊各製一磨只一匠三數日之工力乎且卽使不設磨具口外氣候涼冷但令邊庭所運之麩麥不必入水淘洗卽麩可久貯數月且卽全解淨麥兵丁或炒而食或炒熟搗末作餅而食或卽食炒麩總之盡勝陳倉粟米之味之性而通行不難蓋卽腹裏地方磨具在前亦正有或炒而食或炒熟搗爲炒麩而食者種種皆是想漢代兵餉八麥二米亦皆

不離此法隨宜而用斷不至於生吞渾咽卽又何疑於今也是在任餉兵之責者以圓機調劑收此全利以助成秦凱之全功且永爲餉兵立此良法垂裕百世爾羅豫章曰朝廷立法不可不嚴有司行法不可不恕不嚴不足以禁天下之惡不恕不可以通天下之情

徐原一治河說古之言治河者衆矣河旣善徒決無常處治之亦無常法在因其時相其地審其勢以爲之便宜而非可以數見之陳言已湮之故蹟謀其實效也古之善言河者莫如漢之賈讓元之賈魯今觀其前後三策僅可施之北河與今日東南之勢大異卽明宋濂之

陶廬雜錄

卷六

聖

說浚淮導濟南北分行亦非今日運道所宜若徐有貞之治水閘疏水渠其說專主乎疏謂一淮不足以受全河也劉大夏之隄荆隆鎮安平其功特著乎塞謂取全河而注之一淮也與今之所患河不入淮其勢又不相侔矣今 朝廷之上不惜以重費鳩工而河臣仔肩於下勒限受事庶幾底績可期然善後有策豈無說以處此乎請以今日之黃河論之歲修有防矣搶築有備矣遙隄縷隄在在相望矣乃一逢潰決制禦莫施數年以來屢見於宿遷桃源之境此地去海甚近而每多衝決非海口之淤爲之乎自白洋以東向之河身廣爲一二

里者今止以數丈計卽新開引河力爲利導而河性不趨則雲梯關之壅塞非一日矣論者曰隄防旣立水必歸漕藉以衝刷海口可不濬自開然沙壅日久土堅且厚卽上決已塞而欲用水攻沙正恐下流難達其勢必將別潰是必雲梯關之工與桃宿決口並舉而逆河入海之遺意庶乎無失也請以今日之淮論之淮以上爲七十二溪爲洪澤淮以下爲白馬汜光諸湖中立一隄障使東指所恃者惟高堰耳高堰一傾清水潭數決致淮揚二郡巨浸累年今高堰修築已成淮水宜盡向東行而清口之流淺隘如故懼淮水之復入諸湖是必大

陶廬雜錄

卷六

聖

闢清口與高堰一工彼此相濟而後其可無虞也請以今日運河論之運河以內有淺涸之虞必取給於山左諸泉而昔之水櫃如馬踏高柳等湖今成平陸一遇旱乾必有淺阻是五湖舊蹟不可不講也運河以外有衝擊之虞如曹單金魚諸縣南臨大河惟賴太行古隄障之今河勢不東慮其北走聞曹單以西掃灣而北漸逼館陶是張秋之決會見於順治間者不可不預爲之防也請以今日黃淮之交論之清口以南有清江浦其北有清河縣其東有徐家溝雲梯關而黃淮交會之要地全繫於清口今清江浦外漲沙長及數里水力不足以

刷之是必別建一工開引河於厚沙之中然後東行之勢可復也請以今日黃運之交論之運河之口必達黃河而黃河一漲必入運河濁流倒衝不久旋淤如直河董口駱馬諸道數遷數淤其明驗矣今既別開阜河安可不爲之長計乎聞昔之茶城有鎮口三閘今之清江有通濟三閘皆防黃水之溢入耳宜倣其遺制立啓閉法以截黃流概於閘外數里立每歲冬春大挑法以爲常不然而黃漲必淤紛紛遷改終無益也故曰異代之法不可以治今日之河此河之治不可以爲彼河之法時爲之地爲之勢爲之矣安敢以膠柱之見築舍之謀

陶廬雜錄

卷六

罌

取舊日之陳言輕爲借箸哉

